



# WAN



Namba 1702  
Wan Wik, Mas 8 - 14, 2007

Niuspepa Bilong Yumi Ol PNG stret!

K1 tasol  
long olgeta hap.

## PNG Jenerel Ileksen 2007

# YU GAT... 118

De i stap bipo  
yu vot!

### YU REDI PINIS?



## Intanesenel Wimens De Spesol...

Pes 17 na 18

## Mekim Kristen bilip lo: Ipatas

Pes 4

# NOKEN GIAMAN!

### ...Givim tru tru nem taim yu enrol

SAPOS ol manmeri bilong PNG i laikim ileksen long ron gut, ol i mas enrol na givim ol tru tru nem bilong ol.

Dispela em i tok stia i kam long PNG Ilektorel Komisina Andrew Trawen taim em i tokaut long mak bilong wok PNG Ilektorel Komisen i wok mekim long stretim Komon Rol bilong 2007 Nesenel Ileksen.

I kam inap dispela mun Mas, 5-pela provins i pinisim

namba tu hap bilong wok ol i mekim long ol priliminari rol na i no long taim nau bai ol rol bilong ol i pinis na bai kamap ol 2007 ilektorel rol.

Dispela 5-pela provins em Noten, Is Nu Briten na Wes Nu Briten, Manus na Nu Ailan.

"Mi amamas long dispela 5-pela provins long hatwok ol i mekim long pinisim dispela bikpela wok long rejistain ol nem bilong olgeta vota insait long wan wan provins bilong ol."

### Moa stori long pes 3

### Lukim Komentri long pes 15 long moa tingting...

**Brian Bell & Co. Limited**  
*Shop with a friend*  
**SPORTS**

HOME CENTRE CITY, GORDONS 325 8469  
PLAZA, BOROKO 325 5411  
KOKOPO 982 9027  
MT HAGEN 542 1999  
MADANG 852 1899  
GOROKA 732 1622  
LAE HOMECENTRE CITY 472 3200

FOR THE LARGEST RANGE OF GENUINE BRAND SPORTING EQUIPMENT IN PAPUA NEW GUINEA.





**TOK AMAMAS 21st BON DE**



MISS ELIZABETH CHIKIWIK SILIMATA

Mipela i amamas tru olsem yu kamap 21 krismas long 09/03/07. Mipela olgeta Bwahaus laikim yu planti planti. Spesol luv wantaim bikpela laikim i kam long Papa na Mama na olgeta wan-famili long N'Drehet viles, Manus Provins. Ol lain long Iros tu i salim bikpela tok amamas long yu. Titi na Hunter long Crane Strit i tok "laikim yu nating tru na Labang blesim gou".



**GUTPELA GOD BAI I GIVIM SAMTING LONG OL MAN I PREA LONG EM.**

Jisas i tok moa olsem, "Yupela i mas prea na askim God long givim ol samting long yupela, na em i givim long yupela. Yupela i mas wok long painim samting na bai yupela i lukim. Yupela i mas paitim dua, na God bai opim long yupela. Olgeta man i prea long God, ol i save kisim ol samting. Man i wok long painim samting, em i save lukim. Na man i paitim dua, God bai opim dua long em, "Olgeta pasin yupela i laik bai ol arapela manmeri i mas mekim long yupela, ol dispela pasin tasol yupela i mas mekim long ol. Dispela em i as tok bilong lo, na em i as bilong tok bilong ol profet. MATYU 7: 7-8, 12

# Loya bilong Somare laik pinsim Difens Inkwairi

**Paul Zuvani i raitim**

DIFENS inkwairi, inkwairi we i wok long pairap strong long dispela taim bai pinis sapos Kot i go gut long sait bilong askim bilong Kerenga Kua, loya i makim Praim Minista Gren Sif Sir Michael Somare.

Dispela disisen inap kamap long dispela wik tasol i no inap long wanem Jas i harim dispela Kot i surukim taim i go long narapela wik Tunde 13 Mas, 2007.

Aste Kot i bin laik save sapos Kua bilong Posman Kua Aisi lo kampani na Elly Turia bilong Turia lo kampani husat i makim Jastis Gibbs Salika i gat olgeta toktok bilong soim na tokaut long Kot olsem ol inap long go het long kot.

Tasol Deputi Sif Jastis Sir Salamo Injia, Jas i harim dispela kot i makim narapela wik Tunde long em i ken save sapos Kot i ken go het.

Kot bilong aste em Daireksen Hiaring (Kot bilong skelim sapos i gat inap as tingting bilong Kot i ken go het na harim ol toktok). Long dispela taim Jas bai skelim sapos i gat inap toktok long Kot i ken go het na mekim Sabstensi Hiaring.

Long askim bilong Kua, em i

lukim Lo i banisim Bod ov Inkwairi we Suprim na Nesinol Kot Jas Jastis Gibbs Salika i go pas long em olsem siaman i nogat as bilong stap olsem ol memba bilong Bod.

Long Difens Inkwairi Bod i laik save i gat rong long husat man i givim oda long Ami long ronim CASA balus bilong ol na kisim asua loya na man Australia Julian Moti i ronawe i go long Solomona Ailan long Oktoba las yia i mas kisim mekimsave.

Wantaim dispela Inkwairi laik painim aut tu ol hevi na asua i stap insait long Difens Dipatmen na Fos.

Long tok pait bilong Kua em i tok long stat bilong Tems ov Referens bilong Inkwairi em i tok klia olsem Kaunsil i makim Difens Bod ov Inkwairi na i no Difens Minista wanpela tasol we i soim sain bilong Minista long pinis bilong rit bilong Tem ov Referens.

Em i tok dispela nem Kaunsil i go egens long sain nem bilong Difens Minista husat wanpela tasol i sainim nem (na i no ol memba bilong Difens Kaunsil).

Na dispela i soim olsem Difens Minista wanpela tasol i bin makim ol memba bilong Bod ov Inkwairi na i no ol memba bilong

Kaunsil. Difens Kaunsil i gat Difens Minista, Seketari bilong Difens na Komanda bilong Difens Fos.

Long dispela as Kua i tok ol Memba husat i stap insait long Difens Inkwairi rong.

Na olsem ol i brukim lo na olsem ol i no mas stap olsem ol memba bilong Bod.

Na olsem dispela Bod i mas pinis na dispela Inkwairi i mas pinis tu.

Sapos dispela i tru orait olgeta wok na ol toktok i kamap long Inkwairi long las Disemba i kam inap long las wik bai min samting nating na bai lus.

Tasol bipo long dispela ol toktok i go long Kot Bod long taim bilong Inkwairi i tokim Kua olsem dispela nem Kaunsil em i taip asua em seketari i mekim na i no minim Difens Kaunsil.

Tasol Kua i tok wanem samting i stap insait long rait i mas i stap na olsem em i kisim dispela tok i go long Kot long skelim.

Paitim tok i go kam long dispela Moti hevi i wok long go het yet.

Dispela i wanpela bikpela hevi we planti laik stretim mas kamap hariap.

**Raskol pasin go antap long Kimbe**

TUPELA man i dai pinis long Kimbe, Wes Nu Briten, taim ol Gad Dog Sekyuriti i sutim ol bihainim stil pasin i bin kamap long Bishop Brothers brens las Fonde.

Wanpela em yangpela man Finsafen long Morobe tasol i save stap wantaim papamama bilong em long Kimbe em ol sekuriti gad i bi wokim asua olsem em i wanpela long ol raskol we ol i ronim long wokim stil pasin na ol bin sutim em taim em i go ausait long haus bilong kaikai buai.

Wanpela long ol narapela we ol polis i sutim dai em wanpela long ol raskol taim narapela i stap long Kimbe haus sik.

Dispela i kisim mak long ol raskol we ol polis i sutim i dai long Wes Nu Briten insait long las tripela wik long tripela.

**-Pila Wasu i raitim**

## Yawari kisim bikpela welkam long Mendi

MOA long ten tausen manmeri na publik sevan i bin welkamim Gavana bilong Sauten Hailans Provins Hami Yawari husat i bin winim kot long wik i go pinis taim em i go bek long Mendi aste.

Mista Yawari i bin go insait long Agiru senta na sindaun wantaim ol sekuriti fos na givim toktok klong ol ami na polis long stap bek wantaim ol pipel na gavman bilong Sauten Hailans long mekim wok sekuriti bipo long 2007 ileksen.

Insait long dispela tu em i tok ol papamama bilong ol sumatin olsem em bai putim K80 milien samting bilong strongim fri edukesen program bilong em.

Em i tok insait long dispela sotpela taim bipo long ileksen i kamap, bai em i traim long wok bung wantaim ol ami enjinia husat i bin karimaut wok long taim bilong Stet ov Imejensi olsem na em i tokim ol pipel long stap isi na em bai traim lukluk long olgeta 8-pela. **- Timon Henry i raitim**

## Ombudsmen Komisen makim tripela nupela dairekta

**Paul Zuvani i raitim**

BIHAINIM askim bilong wanpela bikpela akaunting kampani Deloitte Touche Tohmatsu Papua Niugini Ombudsmen Komisen nau i makim tripela nupela dairekta.

Dispela nupela ol dairekta em Dairekta Operesen Mista John ToGuata husat nau i kamap Dairekta Rijinel na Ekstenel Rilesens; Deputi Dairekta Lidasip Mista Roderick Kamburi nau i kamap Dairekta Lidasip na Deputi Dairekta Kompleins na Etmnistretiv Investigesen Mista Joseph Mollita nau i kamap Dairekta Kompleins na Etmnistretiv Investigesen.

Long taim bilong tokaut long dispela ol makim long Mande dispela wik Sif Ombudsmen Ila Geno i tok i gat narapela posisen em Ligel Dairekta we ol i no makim yet. Tasol i tok ol bai makim dispela opisa long liklik taim bihain.

Geno i tok dispela ol senis i kamap tu bihainim rivi plen bilong Komisen we i mekim stat long 1998 yet.

"Dispela nupela ol makim nau i kamapim wanpela hap bilong Eksekutiv menesmen bilong Ombudsmen Komisen we i kisim tu

Seketari bilong Komisen, Loya bilong Komisen na Sinia Menesa Sapot Sevises," Geno i tok.

"Eksekutiv Menesmen i ripot i go stret long ol memba bilong Komisen (MOC) na oltaim i stap long ol miting bilong Ombudsmen Komisen," em i tok.

"Long taim mipela i kisim fainel ripot long Komprensiv Menesmen Rivi (CMR), Komisen i skelim dispela ol wok painim aut na i tok orait long inapim ol askim i stap insait long rivi bihainim baset bilong 2006 na 2007."

Em i tok bipo long dispela ol senis Komisen i bin sekim ol lo long Oganik Lo long Ombudsmen Komisen na i bin toktok wantaim Publik Sevis Komisen na Dipatmen bilong Pesinol Menesmen long inapim dispela ol askim.

Geno i tok CMR i gat 200 rikomendesen o askim i stap we em i luksave long Komisen i mas mekim.

Na makim bilong dispela tripela dairekta i stat bilong bihainim dispela ol askim.

Em i tok long 2007 baset bilong em gavman i bin givim tasol K11 milien we dispela i sot long K2.8 milien long mani mak em i bin askim long em.



## NATIONAL CAPITAL DISTRICT COMMISSION

### NCDC REVENUE - EXPRESSION OF INTEREST / TENDER

NCDC is seeking expression of Interest/tender from individuals and businesses for the following:

- To provide market fee collection services for all the NCDC markets commencing 1st May 2007 – for a success fee arrangement. Successful bidder will be required to provide bank guarantee equivalent to one month's estimated collection (Tender: REV. 1/07).
- To lease the Kiosks located in various places reserved for 100% nationally owned firms – (Tender: REV 02/07)

All tenders must be clearly marked with the tender No. at the top left hand corner and addressed to:

The Acting City Manager  
National capital District Commission  
P.O. Box 7270  
BOROKO  
NCD

All tenders must be dropped off at the Tender Box provided at 2nd Floor of City Hall by 4:06pm on Friday 16th March, 2007.

Please contact our Revenue Manager on Ph: 324 0724 for further details or terms of references.

Authorised by  
LESLIE ALU  
A/City Manager



## Wari long ol nem i no stap

LAE Eben Lokel Level Gavman i wari olsem ol nem bilong klostu long 100, 000 (Wan hundred tausen) manmeri long Lae Open Iektoret i no stap long Iektorel Rol, na planti ating bai i no inap vot long jenerel ileksen long dispela yia.

Lae Siti Lod Meya, James Khay, i tok moa long hap bilong ol

namba bilong ol manmeri husat i ken vot long olgeta kaunsil wod long siti i no stap long ilektorel rol we Dipatmen bilong Morobe na Papua Niugini Iletorel Komisen i bin stretim.

Em i tok olsem long wod bilong em yet 35,000 man i bin stap long Koman Rol bipo,, tasol nau i gat 10,000.

## Noken giaman

### I kam long pes 1.

Bihain long olgeta wok bilong sekim bek ol dispela rol i pinis, dispela ol provins bai kisim ol ilektorel rol bilong ol long CD bilong sekim gen bipo ol i gasetim o tokaut long en long pablik.

Mista Trawen i tok dispela wok bilong kamapim nupela ilektorel rol i no wanpela isi wok na planti long ol provins nau i stap long namba tu hap bilong rol rejistresen na bai ol i salim olgeta rol bilong ol i kam bek long enrolmen divisen bilong glasim.

Tasol i gat hevi tu i wok kamap insait long Hailans rijen.

Em i tok Hailans rijen i givim bikpela hevi we namba bilong ol manmeri i enroll i abrusim mak bilong ol manmeri i stap insait long wan wan provins.

Planti long ol dispela nem we i mekim namba bilong ol manmeri i solap em ol giaman nem we ol manmeri i wok yusim long taim bilong enrol.

"Ol kain nem olsem Elvis Presley na Tom Jones i wok kamap insait long ol enrolmen pepa long Hailans rijen. Ol opisa bilong komisn nau i wok glasim bek ol dispela ol enrolmen pepa na mipela bai rausim ol," Mista Trawen i tok.

Em i tok maski sampela memba bilong Palamen i wok autim belhevi bilong ol long ron bilong wok rere

bilong ileksen, ol manmeri long planti ol liklik ples insait long kantri i wok long kamap long enrol.

Mista Trawen i tok tu olsem em i gat bikpela bilip olsem ol pipel bilong PNG bai no inap long paul long yusim nupela Limited Preferensel Vot o LPV sistem.

"Ol pipel bilong yumi hia long PNG i gat inap save long lainim na bihainim dispela nupela sistem long vot. Mipela yusim pinis insait long ol bai ileksen las yia na em i ron gut tru.

"Olsem na mi tok olsem maski i gat sampela lida i wok long autim belhevi bilong ol, ol pipel bilong yumi i gat save. Ol bai yusim stret dispela vot sistem," em i tok.

Mista Trawen i salensim ol lida bilong kantri husat i bin tok daunim 2002 komon rol long helpim Iektorel Komisen na ol ritening opisa na salim ol pipel bilong ol long go enrol.

Em i tok Komisen i klia long ol sut toktok olsem i gat sampela lida i wok long traim long bagarapim ron bilong dispela ileksen.

"Mi bai no inap long givim luksave long ol kain kain tok lukaut na tok daunim i kam long wan wan ol politisen we i ken opim rot bilong paul pasin i kamap na bai mi yusim olgeta pawa bilong mi long mekimsave long ol lain i laik bagarapim ron bilong ileksen," Mista Trawen i tok.

# Pipia wara bagarapim sindaun bilong Madang taun pipel

### Mina Evara i raitim

I GAT bikpela wari i stap olsem i no long taim bai wanpela bikpela sik i kisim ol lain manmeri i sindaun long ples Finch Rot long Niu Taun insait long Madang taun.

Dispela em bikos baret na suris o pipia wara sistem long dispela hap i bagarap na maski ol pipel i go painim helpim long taun kaunsil, i nogat wanpela gutpela bekim.

Thomas Monda, wanpela komyuniti lida, i tokim ol niuslain long dispela wik olsem dispela wari em i no wanpela nupela samting tasol ol lidaman na ol kaunsel husat i mas stretim ol dispela samting i no wari long helpim ol.

Mista Monda i tok dispela hevi i go bikpela tu bihain long kaunsel na PNG Watabod i no pinisim wanpela septik projek we wanpela ovasis gavman i bin givim mani long mekim kamap.

Em i tok planti manmeri i bin rereim ol long kisim dispela sevis tasol, mani na tuhat bilong ol i bin go nating bilong wanem i bin gat paul pasin i kamap na mani bilong projek i pinis.

Em i tok sampela i wok long yusim hul toilet na arapela ol bus na baret nambaut long toilet na dispela i no stret.

Em i tok tu olsem taim baket toilet i save pulap ol lain i save kapsaitim i go insait long ol baret we planti i ron arere long ol hauslain na i no gutpela.

"Planti lain i kisim sik na sampela i dai



EM YA: Ol lain long setolmen long Finch Rot i soim baret we septik wara i save ron long em. POTO: MINA EVARA

na maski mipela tokim ol lidaman na kaunsel ol i no wari long dispela," em i tok.

Wilfred Peter, wanpela long taim man tu bilong Finch Rot, i tokaut olsem em i bin go lukim ol taun kaunsel wantaim wari bilong em tasol em tu i no kisim wanpela gutpela bekim long ol.

"Wara long baret arere long haus bilong mi save solap long taim bilong bik ren na kapsait i kam insait long banis we mi stap.

"Mi save klinim long mekim bai wara i ron gut i go tasol nau mi nonap mekim moa bilong wanem wara i save karim kain kain rabis na pekpek bilong ol man tu.

"Mi na famili bilong mi ken painim sik,"

em i tok.

Ol niuslain bin raun long Finch Rot long hauslain na tu long setolmen insait long hap na bin lukim olsem tru sindaun bilong ol pipel i no gut tumas.

Ol mama bilong setolmen i tok olsem bikos i nogat gutpela rot bilong pipia wara i stap, septik wara nau i bagarapim wanpela klinpela han wara ol i save yusim bilong kuk na waswas.

"Nogat wara saplai i kam long mipela, olsem na mipela i yusim tasol dispela sting na doti wara," ol i tok.

Ol niuslain i painim ol lida man na lain long kausel long toktok wantaim ol tasol i nogat man i stap long opis bilong ol.

# Fainens Inkwairi bihainim rot

### Paul Zuvani i raitim

OL ripot i kamap long pepa we i tok Bod bilong Fainens Inkwairi i yusim pinis K3 milien mani bilong em bipo long em i stat i tru tasol i no long rot nogut, Bod Sekretari Paul Boyama i tok long dispela wik.

Em i tok ol i yusim mani long kamapim opis na kisim ol opisa we em i nogat rong long ol i mekim olsem.

"Gavman i givim mipela (Bod) mani bilong mekim inkwairi tasol long mipela i nogat opis spes na i nogat ol opisa long mekim wok mipela i yusim dispela mani long stretim dispela ol hevi," Boyama i tok.

"Mipela i yusim mani long stretim dispela opis spes (Muruk Haus) long harim ol toktok we bipo mipela i nogat long em," em i tok.

"Na mipela i nidim ol opisa long helpim mipela long painim ol toktok long bekim ol toktok we bai kam long ol witnes.

Tasol em i no inap long bekim hariap ol tok olsem bihain long Bod i yusim K3

milien em i bin askim gen gavman long givim em narapela K1.5 milien long skruim wok bilong em taim Wantok Niuspepa i askim. Em i tok em bai bekim dispela askim long liklik taim bihaini tasol i no mekim taim dispela pepa i go long prin.

Na long Inkwairi i kisim ol opisa we i gat asua wantaim Fainens Dipatmen dispela em mausman bilong Inkwairi Susuve Laumaea i bekim na tok i no tru.

"Dispela ripota (nem i givim) i bin mekim apoinmen wantaim ritaia Jas Jastis Maurice Sheehan we em i kam na kisim ol toktok na ol pepa long helpim em long raitim stori tasol em i no bihainim dispela ol tok," belhevi Susuve i tok. "Em i go het long kamapim tingting bilong em yet na raitim stori."

"Dispela ol opisa we ripot i tok long em i kam insait long inkwairi bihain long Pablik Sevis Komisen i save olsem nem bilong ol i klia long dispela ol sut toktok i kam long Fainens Dipatmen.

"Na ol i go pinis long Kot long stretim

dispela ol hevi we Kot i painim olsem ol i no mekim asua.

Tasol bihain long dispela Fainens Dipatmen i no bin kisim ol bek we dispela i lukim ol i stap nating inap long Komisen i kisim ol long stap insait long Inkwairi, em i tok.

"Ol opisa we Inkwairi i kisim ol em i nogat planti askim i stap long wok na nem bilong ol. Olgeta i orait.

"Long memba i stap insait long Komisen bilong Inkwairi ritaia Jas Jastis Maurice Sheehan wanpela tasol i Memba we em i kisim helpim long loa i helpim em.

dispela loa em Sarea Soe we em i kisim helpim tu long Dokta Lawrence Kalinoe na Joan Amie.

Tasol long wanem samting i stap na kamap long Inkwairi Laumaea i tok olgeta samting i stret we ol i wetim tasol inap ol infomesen ol i mas kisim bipo long ol i go het long singautim ol witness.

Dispela em i tok bai kamap long stat bilong narapela wik.

TALON GRASS TRIMMERS



**K550.00**

Grass Trimmer, 22cc  
15" Blade Bent Shaft



**K990.00**

Lawn Mower 3.5HP  
Rotary Cutter



**K1210.00**

Lawn Mower 5.5HP  
Rotary Cutter



**K638.00**

Grass Trimmer, 25cc  
15" Blade Straight Shaft

**BISHOP BROTHERS**  
everything for industry  
www.bishopbros.com.pg

ALL PRICES INCLUDE GST

| PORT MORESBY | LAE | PORGERA | MT. HAGEN | MADANG | KIMBE | RABAU | VANIMO |



# Mekim Kristen bilip lo: Ipatas

William Natera i raitim

**MEKIM Kristen bilip (Kristieniti) wanpela lo, Gavana bilong Enga, Peter Ipatas i tok.**

Mista Ipatas i mekim dispela tok long wanpela kaikai bilong bungim mani bilong helpim politikel pati em i go pas long en, Pipel's Pati, tupela Fraide i go

pinis long Mosbi.

Em i tok bikos olgeta manmeri long Papua Niugini (PNG) i save kolim ol yet Kristen na tok olsem PNG em wanpela Kristen kantri, i gutpela olsem PNG i mas mekim wanpela hap lo we i soim na strongim dispela.

"Ol narapela rilijen i ken i stap long PNG na lotu, tasol long haus bilong ol tasol. Ol i no

inap kamapim ol infrastraksa," Mista Ipatas i tok.

Em i no bin tok klia sapos tok infrastraksa em i sut long ol haus lotu tasol, o ol bris, rot, na skul tu.

Mista Ipatas i givim tok piksa na askim olsem, "taim ol Muslim kantri i mekim disisen long bihainim lotu Islam, ol i no askim yumi ol manmeri bilong

PNG long tingting bilong mipela?"

Wantok Niuspepa i bin askim sampela ol lain long givim tingting bilong ol long ol dispela tingting na toktok bilong Mista Ipatas.

AsBisop bilong Pot Mosbi bilong Katolik Sios, Sir Brian Barnes, husat i givim tingting bilong em yet, i no Katolik Sios, i tok olsem Mama Lo (Konstitusen)

bilong PNG i toktok long ol besik fridom.

Ol fridom olsem fridom ov spis o fridom long mekim wanem kain toktok yu laik mekim. Fridom ov muvmen, o fridom long raun i go long wanem hap yu laik raun. Na tu fridom bilong rilijen o fridom bilong gat bilip na lotu (we i no brukim lo olsem kilim man o raskol pasin) bilong yu

yet, Asbisop Sir Brian i tok.

I no olgeta lain long PNG em ol Kristen, tasol yumi save tok PNG em wanpela Kristen kantri bikos planti bilong yumi save kolim yumi yet Kristen, em i tok.

"Tasol ol dispela husat i no Kristen i mas i gat rait long bihainim rilijen bilong ol long ai bilong olgeta manmeri (pablik) na long hait tu (praivet).

"Yumi bai banisim fridom bilong ol wan wan manmeri long bihainim bel na tingting bilong ol yet sapos yumi mekim Kristieniti wanpela hap lo," Asbisop Sir Brian i tok.

Em i givim tok piksa olsem ol lain husat i no muslim husat i stap long ol Muslim kantri bai les long ol Muslim banisim ol long bihainim rilijen bilong ol.

"Bilong wanem bai yumi mekim kain olsem long PNG? Bekim bek bilong samting ol Muslim ating mekim ol lain husat i no Muslim long ol kantri bilong ol o?"

Wanpela mausman bilong Islamik Sosaiti bilong PNG long Mosbi, Muzammil Zarqawi, i tok ol tingting na toktok bilong Mista Ipatas i rong.

Em i tok ol lida i mas mekim ol lo na disisen we lukautim laip na sindaun bilong ol manmeri, i no ol lo we i lalk bosim ol bilip bilong ol.

Sampela ol politisen husat i no laik givim nem bilong ol i tok olsem i no stret long ol

long toktok - olsem ol politisen - long ol tingting bilong ol wan wan politikel pati, bikos ol pati i gat rait long kamapim na strongim ol polisi long laik bilong ol yet - em rait bilong ol long wanpela demokratik kantri.

Tasol ol i tok long kamapim kain lo olsem i mas i gat ol senis long Mama Lo, na dispela i mas i gat absalut majority vot insait long tripela sindaun bilong Nesenel Palamen.

Ol i tok ol i no klia tumas long dispela toktok long mekim Kristieniti 'Lo' o 'lejisletim' bikos em i luk moa olsem wanpela samting we ol i mas stretim long sait bilong polisi, i no lejislets.

Ol i tok long tingting bilong ol yet, ol i no inap sapatim wanpela polisi long mekim Kristieniti lo bikos wanem bilip yu laik bihainim em samting bilong yu yet, i no bilong pablik polisi. Tu Mama Lo bilong yumi i luksave pinis olsem PNG i wanpela Kristen kantri.

Wantok Niuspepa long las wik i bin askim tu Kaunsil bilong ol Sios bilong PNG, long givim tingting bilong ol long ol dispela tingting na toktok bilong Mista Ipatas, tasol mipela i no kisim wanpela bekim yet.

Wantok Niuspepa i laik mekim klia olsem Mista Ipatas i no sutim tok long ol Muslim, tasol yusim ol olsem tok piksa tasol long ol tok tok bilong em.

## Yusim ol yuni sumatin

Andrew Molen i raitim

WANPELA rot long skulim ol manmeri long ples na ol longwe provins em long yusim ol skul mangi long yunivesiti.

Dispela em i tingting bilong Presiden bilong asosiesen bilong ol sumatin bilong Sandaun long Yunivesiti ov Papua Niugini (UPNG), John Siren.

"Ol manmeri bai harim tok bilong ol sumatin taim ol i go toktok o mekim aweanes long kain samting olsem sik HIV/AIDS na LPV (limited preferensel voting)," Mista Siren i tok.

Mista Siren husat i mekim namba 4 yia bilong em long UPNG long pablik menesmen i mekim dispela toktok long wanpela bung bilong ol kendidet bilong Sandaun Provins long Mosbi las wik Sarere.

Astingting bilong Mista Siren em long mekim ol lida i mas luksave long ol

manmeri long provins bilong ol husat i stap long yunivesiti na ol bikpela skul na yusim ol long mekim aweanes long ol bikpela samting olsem LPV, sik HIV/AIDS na arapela.

"Yusim ol sumatin bilong yupela, em ol save manmeri.

"Mipela i laikim ol lida husat bai wokbung wantaim ol sumatin na ol manmeri," em i tok.

Mista Siren i tok ol sumatin i ken mekim planti aweanes long ol ples we ol wokman bilong gavman i no save go na ol manmeri bai harim tok bilong ol bilong wanem ol i gat bilip long ol.

"Las yia stat long Oktoba i kam pinis long Jenuari 9, dispela yia, mi stap raun insait long Sandaun Provins na mekim aweanes long LPV na ol arapela samting olsem sik HIV/AIDS na pasin bilong kisim drak. Ol man i laik save tru long ol dispela samting, em i tok.

# Paradise Fares On Sale Now

**PORT MORESBY  
CAIRNS  
RETURN**

**K1,053\***

**PORT MORESBY  
BRISBANE  
RETURN**

**K1,277\***

**PORT MORESBY  
SYDNEY  
RETURN**

**K1,652\***

\*Fares are subject to currency fluctuations and are inclusive of Taxes & Surcharges. Conditions apply. Sale ends 31 May 2007. Limited seats available. Travel must be completed by 30 June 2007. No minimum stay. Maximum stay - 30 days.

Contact your nearest travel agent or Air Niugini sales office



Call Toll Free 180 3444 now

**Air Niugini**

www.airniugini.com.pg



**Pipels Leba Pati  
lonsim han long Kimbe**

*...Pait long leba rait*

**Pila Wasu  
i raitim**

MOA long 7,000 pipel i bin lukim lons bilong han bilong Pipels Leba Pati long Kimbe, Wes Nu Briten Provins las wik Sarere na i tu, tokaut long kendidet long provins we ol i sapotim long dispela nesanel ileksen.

Pati lida, Peter Yama i bin lonsim pati brens long Indipenden Pak na long wankain taim tu, tokaut long Charles Loke husat i pastaim Advaisa na politikel saientis, olsem kendidet bilong ol bai resis long Talasea Open Iektoret we John Vulupindi i holim nau.

Mista Yama i bin tok pati bilong em bai sapotim 78 kendidet long nesanel ileksen bai kamap long mun Jun bilong dispela yia tasol ol bai tokaut long nem bilong ol insait long bikpela bung bilong ol long Madang sampela taim long dispela mun.

Em i tok ol i gat narapela tupela kendidet long Wes Nu Briten tasol ol bai tokaut long ol tu long Madang bung.

Mista Yama i tok Wes Nu Briten i gat planti woklain tasol gavman i no save wari long ol.

Em i tok Leba Pati bilong em bai lukluk long ol leba lo long glasim ol woklain insait long kantri sapos ol i kisim sapot bilong pipel long dispela ileksen.

Mista Yama i tok pati bilong em i bin sapotim nau gavman long sanap tasol gavman i bin dampim ol em i rausim Leba na Emploimen Ministri long em.

Mista Yama i tok insait long las 5-pela krismas, Nesanel Alaiens i bin rausim pati bilong em na bikpela bung bilong pati long Madang bai tokaut sapos ol bai sanap yet wantaim NA o nogat.

"5-pela MP pati memba bilong mi na mi yet i bin sapotim strong dispela gavman insait long las 5-pela yia na nau em pati kokos bai tokaut sapos bai mipela i brukim marit wantaim NA o nogat," Mista Yama i bin tok.

Em i tok gavman i bin makim em olsem Leba Minista tasol bihain long tupela mun taim

*"5-pela MP  
pati memba  
bilong mi na  
mi yet i bin  
sapotim  
strong dispela  
gavman."  
- Yama*

em i wok long go hetim ol leba lo i karamapim ol woklain bilong dispela kantri.

Em i tok gavman i bin rausim em bikos em i wok long monitaim gut tru ol wok pemit we ol lain bilong narapela kantri i wok long kisim long kam wok long PNG na karimaut ol bisnis i no bihainim lo.

Em i tok strong long pipel long votim wanpela o tupela long ol kendidet i sanap makim pati bilong em i go long palamen sapos ol i laik lukim sampela gutpela senis long dispela provins we i gat planti welpam long em.

**Diwai projek bai kamapim rot**

**Noreen Dada i raitim**

ROT bai kamap long helpim ol pipel insait Illi Wawas eria bilong Pomio distrik na dispela i makim bikpela samting insait long ron bilong Wes Nu Briten na Pomio yet we developmen kamap bikos long wanpela diwai projek.

Wide Bay diwai projek we em i namba wan kain bikpela agrikalsa na diwai projek insait long kantri na tripela tok orait pepa i go long tripela kampani long statim wok long kamapim rot insait dispela eria long Pomio ilektret.

Aninit long Wide Bay projek, tripela bikpela projek kamap long helpim ol pipel bilong Illi Wawas we dispela projek em Illi Wawas Intagretet (Integrated) agrikalsa projek, Illi Wawas rot lain projek na Illi Wawas Sten Alon (Stand Alone) agrikalsa projek.

Na long Mande dispela wik, Nesanel Bikbus Sevis (NFS) givim tripela Diwai Otoriti (TA) laisens i go long Tzen Niugini Limitet, Landex na Lunatham Limited long karim aut wok kamap bilong Illi Wawas rot lain netwok.

Memba bilong Pomio na Minista bilong

Foren Afeas, Tred na Imigresen, Paul Tiensten tok dispela bai helpim tru ol pipel long salim agrikalsa projek bilong ol insait ol bikpela maket long Is Nu Briten.

"Bikpela tingting long mi wok bung wantaim ol diwai projek insait Pomio em long kamapim ol rot bikos rot i stap yet olsem bikpela bahis long developmen insait ilektret.

Mi laikim ol pipel long gat rot netwok i go long Palmalmal Distrik hetkwatas na tu long opim maket long ol pipel go kam long salim agrikalsa prodak bilong ol," Mista Tiensten tok.

**TOYOTA HILUX  
5th ELEMENT**

**HILUX SINGLE CAB 4X2\***



**K49,900\***  
Price Includes GST\*

**SPECIAL  
OFFER!**

**HILUX DOUBLE CAB 4X4\*\***

**ACCESSORIES INCLUDE :**  
✓ NUDGE BAR ✓ BED LINER  
✓ SIDE STEPS ✓ WINDOW TINT



Fitted with over  
**K7,000\*\***  
worth of FREE Accessories

**LIMITED  
EDITION**



PROMOTION EXPIRES : 31 / 03 / 2007.  
Conditions Apply

**TOKSAVE**



I go long olgeta famili na poroman bilong  
**Dorothy Choi.**

Dorothy i bin lusim dispela graun na go bungim bikman long bik moning long Sarere, Mas 3, 2007.

Em i stap long laip bilong oltaim, em i lusim bihain man bilong em Peter Choi na ol bikpela pikinini Steven, Tracy, Natasha, Alistair na 9-pela tumbuna bilong em.

Matmat bilong em bai kamap long Kavieng long Fonde, Februeri 8, 2007.

Sapos yu laik painimaut moa, yu ken ringim 984 2394.



**Ela Motors**  
**TOYOTA**

**CALL YOUR FIRST CHOICE BRANCH TODAY**

Port Moresby.. Ph 3229400	Goroka..... Ph 7321844	Wewak.... Ph 8562255
Lae ..... Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100



Your First Choice

www.ela-motors.com.pg



# Politiks tasol i no ansa bilong hevi

TRU Morobe Grup em wampela gutpela tingting bilong sanapim klia ol wari na hevi bilong ol pipel bilong Morobe stret na kisim luk-save bilong gavman long helpim ol pipel.

Tasol arapela tingting bilong politikis we i stap insait i no gutpela tumas bikos politikis tasol i no ansa bilong stretim hevi na wari bilong ol pipel bilong Morobe provins.

Dispela em tingting bilong wampela ples lida Giu Gwambek bilong Mumeng.

"Aspies Morobe pipel i gat plan-ti hevi bilong ol stret olsem hevi bilong graun we ol projek i stap long en olsem na administresen bilong gavman mas sindaun wantaim pipel na harim wari na hevi na opim dua long ol pipel i kisim helpim long ol dispela projek we i stap long graun bilong ol.

"Pipel gat hevi long lo na oda olsem na Morobe gavman mas go pas long putim mani long rausim ol maket nabaut long bas stop go longwe long maket ples stret na mekim rot stap klia long ol pipel i wokabaut fri long wok bilong ol stret.

"Morobe gat kopi, vanilla, liklik gol projek, timba, gaden kaikai bilong maket na arapela samting bilong mekim mani long en tasol PMV fe i antap tumas, raskol holim PMV long rot na pretim ol pipel, ren bagarapim rot olsem na kopi baia mas go long ples na baim kopi. Taim mipela gat mani,

em nau mipela ken salim ol pikini ni go long skul na haus sik, baim kolos na ol gutpela kaikai blong stua na mekim liklik wok projek tu, Mista Gwambek i tok.

Em tok politikis tasol bai paulim as tingting tru bilong sevim pipel long wari na hevi bilong ol na sapos nogat mani long baset, bai i nogat projek na sevis na ol promis bai go wara nating.

Olsem na em tok nau em taim

*"...larim ol wait skin bilong Morobe tu traim bikos mi ting ol gat bikipela save.."*

- Mista Gwambek.

bilong nesanel ileksen olsem na ol kendidet mas tingting gut na toktok o kempen. Poin bilong politikis mas stret long wanem rot yu laik stretim hevi na wari bilong pipel. Noken miksim wantaim edministresen wok we i stap pinis bikos politikis em bilong mekim lo na polisi bilong edministresen i karimaut.

Em tok yu husat pikinini bilong Morobe ken go het long sanap resis long ileksen, tasol noken daunim ol arapela lain bilong arapela provins o kantri husat stap longpela taim tru long Morobe na laik sanap long ileksen. Ol bin stap wantaim yumi planti yia na save karim hevi na wari wantaim yumi na save gut tu long laip na

sindaun bilong yumi long Morobe. Olsem na ating ol laik sanap long sevim yumi, Mista Gwambek i tok.

Wampela toktok bilong Tru Morobe Grup long noken larim ol ausait lain sanap long ileksen em i no stret tumas long tingting bilong mi. Yauwe Riyong bilong Finsafen bin sanap long Suave Open tupela taim na givim bikipela sevis long ol. Waitman Tim Neville sanap long Milen Be na givim bikipela sevis long ol, Sir Peter Barter na Mal Kela Smith tu givim bikipela sevis na developmen long ol pipel bilong ol maski tupela em wait skin, em tok.

Olsem na larim ol wait skin bilong Morobe tu traim bikos mi ting ol gat bikipela save na eksperiens long ranim menesmen bilong wok na inap yusim dispela save long bringim ol senis kam long yumi, Mista Gwambek i tok.

Mista Gwambek i tok em samting bilong politikis na yu husat man o meri we Morobe i stap long pes na lewa bilong yu em yu gat rait long sanap long karim hevi na wari bilong yumi.

Mipela no bilip tumas olsem politikis em ansa bilong ol hevi na wari bilong mipela ol Morobe. Sapos Tru Morobe Grup i ting olsem, em mas skelim na rausim sampela dispela tingting bikos nogut bihain long nesanel ileksen na Tru Morobe Grup i pinis nating olsem Morobe Independen Grup long bipo, Mista Gwambek i tok.

# Ol Sandaun kendidet wokbung long kirapim provins



**WOKBUNG:** Sampela kendidet bilong Sandaun provins na ol komyuniti lida i bungim han long soim olsem ol i gat wampela tingting tasol long ron long ileksen. POTO: ANDREW MOLEN.

## Andrew Molen i raitim

OL kendidet bilong Sandaun Provins husat bai ron long ileksen dispela yia i gat wampela tingting tasol-em long kirapim provins bilong ol.

"Nau em i taim bilong Sandaun provins na yumi olgeta i mas wokbung wantaim long gutpela bilong ol pipel bilong yumi," wampela kendidet, Mista John MacRobin i tok long wampela bung long Sarere las wik long Mosbi.

"Dispela taim nau em i olsem bondei bilong Sandaun Provins," em i tok.

Dispela bung we Mista MacRobin yet i go pas long kamapim em long bungim olgeta kendidet bilong Sandaun wantaim na toktok long ol tingting bilong ol na long as tru bilong ol i laik ron long ileksen.

Mista MacRobin i tok Sandaun provins i bagarap tru na ol manmeri save bungim planti hevi long kisim ol gutpela sevis bilong gavman long hap.

Em i tok olgeta kendidet husat i laik ron long ileksen i mas i gat wampela astingting tasol, na em long developim provins na stretim sidaun bilong ol manmeri.

"Mi laik mipela i bung wantaim na toktok bai sapos tupela husat i resis long wampela sit na wampela i lus, dispela i win i ken i gat wankain tingting olsem narapela long helpim pipel na developim provins," Mista MacRobin i tok.

Em i tok tu olsem aninit long nupela rot bilong vot long LPV, em i gutpela long ol i wokbung wantaim bai vot i stap namel long ol.

Tupela bipo memba bilong Sandaun, Micah Wes na Paul Mambe wantaim ol arapela bikman bilong komyuniti long provins i stap tu long dispela bung.

"Mi askim sampela bikman bilong gavman na ol bisnis man long kam harim dispela bung tasol i nogat wampela i kam.

"Ating ol i gat sampela bikipela wok olsem na ol i no kam," Mista MacRobin i tok.

Mista Wes husat i bin stap long palamen long 1982, 1997 na i lusim ileksen long 2002 i tok em i no amamas long ol bipo memba bilong Sandaun.

"Mi no amamas long ol kain lain olsem John Tekwie na ol arapela, nau olgeta lida bilong provins i mas wokbung wantaim.

"Digri o diploma yu kisim long yunivesiti em i no wankain olsem wok politikis," Mista Wes husat bai resis ken dispela yia i tok.

Mista Mambe i tok; "Ol memba na lida bilong yumi em olsem ol papa bilong yumi olsem na ol i mas lukautim yumi."

Ol i tok astingting bilong ol nau em long wokbung wantaim wampela tingting long kirapim provins bilong ol.

"Moa long 32 yia yumi stap, i nogat wampela gutpela samting i go insait long Sandaun provins na gavman i makim yumi olsem provins we i stap las tru long sait bilong developmen insait long kantri," Presiden bilong asosiesen bilong ol Sandaun sumatin long Yunivesiti ov PNG (UPNG), John Siren i tokim ol kendidet.

# Trupela Madang mas ron long open sit

## Michael Novingu i raitim

PASIN bilong kisim man bilong arapela provins i kam na pulim o adoptim em i go insait long wanpisin bilong yu long hauslain, na ron long ileksen i mas pinis.

Nixon Phillip Duban, wampela bikman bilong Madang yet i bin mekim dispela toktok bihainim wampela niuspepa ripot long The National niuspepa long wik i go pinis olsem ol pipel bilong Danip-Dapu long Not Amenob wod 10 eria i adoptim wampela man Alphonse Tipin bilong Enga provins long makim maus bilong ol long ron

long Madang open sit.

Mista Duban i tok ol pipel i kam long ol arapela provins i gat rait long stap na wok long Madang ol i mas amamas olsem ol i bilong provins bilong ol. Tasol ol i noken wokim paul pasin na tok olsem ol i blut tru bilong Madang we ol aspies i kisim o i stap insait long wanpisin bilong ol.

Ripot *Wantok Niuspepa* i kisim i soim olsem Mista Tipin em bipo wampela Katolik Bruder, i tok i gat 58 kendidet bai resis long Madang open sit i no tru.

Wok painimaut Mista Duban i karimaut i soim olsem 37 kendidet tasol bai ron

long Madang open sit, na maski long kamap olsem ol turangu man i no wokim tok tru na lukautim maus na pasin bilong wan wan ol manmeri.

"Ol pipel bilong Madang i les pinis long ol memba we ol i makim ol i go insait long haus Palamen i no save wokim gut wok long kisim developmen i kam, Mista Duban i tok.

Long wankain taim, lidaman bilong Amele, Basul Balil i no wanbel long ol pipel bilong ples Bel long kain pasin i mekim long kisim man bilong arapela provins i kam makim maus bilong ol long resis long Madang open sit.

# RAMU SUGAR

## TOKSAVE I GO LONG OLGETA KASTOMA BILONG MIPELA

Ramu Sugar Limited i laik toksave long olgeta kastoma bilong mipela olsem maski ol nius ripot i tok olsem suga i sot, ol suga stok bilong mipela i stap long mak we inap yet long bungim laik bilong ol kastoma yet.

Ramu Sugar i tok sori olsem insait long sampela rijen bilong kantri ol kastoma i no bin inap baim ol prodak bilong mipela na dispela i kamap bikos i bin i gat hevi long skelim ol suga stok i go aut yet na ol kastoma i abrusim mak bilong suga ol i save baim.

I go moa yet, prais bilong suga i stap wankain yet. Ramu Sugar i no apim prais bilong suga yet olsem na yu no ken peim moa long mak bilong suga bilong yu insait long stua.

Long muv i go het, Ramu Sugar Limited i laik toksave long ol kastoma bilong mipela long baim suga inapim stret mak bilong ol bikos mipela bai statim wok gen long Gusap.

**Michael Knight**  
Sief Eksekutiv Opisa



Yu laikim vot 1, 2, 3 taim nau long mekim wok



**NOGAT LUKSAVE:** Rot i go long Tasion Polis Bareks i no kisim wanpela luksave longpela taim tru na ol lain manmeri i stap long hap i belhat pinis long Membra bilong Mobsi Not Wes.

**Nicky Bernard i raitim**

OL PIPEL long Tasion Polis Bareks na ol pipel long Fainens hausing skim long Gerehu i wok long bel kros long Membra bilong ol long Mosbi not Wes long nogat luksave long rot bilong ol.

Ol i tok em 10-pela yia nau ol stap long dispela hap na ol bin vot pinis long ileksen i go pinis na nau bai narapela ileksen bai kamap na ol i no save bai ol bai makim husat.

Wanpela maus man bilong Tasion Bareks i tok olsem taim ol wokman i bin stat long wokim ol dispela ol haus long Tasion Bareks ol wokim dispela rot i kam na bihain ol stat wokim ol haus, taim ol i pinisim ol haus long Tasion ol i putim ta insait tasol long ol liklik rot bilong ol we nau i bagarap tu. Em i tok tasol long bikpela rot we i

save go bung wantaim men rot ol stretim na ol i no putim ta long em, ol i gredim tasol na lusim tasol, taim ren i kam dispela rot i save bagarap na i save stap longpela taim bihain ol Nesanel Kapital Distrik Komisen (NCDC) save kam na stretim.

Nau dispela rot i bagarap nogut tru ol polis kar save kisim taim long go na kisim ol wok manmeri bilong ol, planti taim ol polis man long hap save wokabout i kam antap long bikpela rot na wetim polis kar bilong ol, dispela mausman i tok.

Em i tok olsem taim bilong ileksen i kam klostu na ol i gat bikpela namba liklik long tupela hap Tasion na Faines na taim bilong askim akis bai ol i tanim olsem ol liklik mangi na askim mipela long putim mak long ol, maus man bilong Tasion i tok.

# Vele kisim Parkop go long kot

**Noreen Dada i raitim**

**GAVANA bilong Nesanel Kapitel Distrik (NCD) Wari Vele bai kisim Powes Parkop kendidet husat kisim em go long kot long ol toktok we i sut long em wokim braib (grisim ol manmeri long kisim vot) pasin.**

Long Tunde dispela wik Mista Vele tok em bai kisim loya Powes Parkop go long kot na suim (sue) em long moa long K1 milien bikos long 'bagarapim nem' bilong em long samting em tok strong em no wokim.

Suprim Kot o bikpela kot bilong kantri i makim yet Wari Vele olsem Gavana bilong NCD bihain long glasim ol toktok na evidens we i kam bipo en long

givim fainal disisen bilong en long Mande dispela wik.

Mista Parkop husat bin resis long NCD bai-ileksen long Julai las yia, i surikim wanpela apil o askim i go long Suprim kot salensim makim bilong Mista Vele long Septemba.

Mista Parkop i kirapim dispela kot we em sutim tok olsem Mista Vele wok long wokim ol samting we i no stret long winim vot bilong ol pipel olsem ron bilong kempein.

Tasol long Mande dispela wik Suprim Kot hiaring we Jastis Nicholas Kirriwom i hetim i rausim ol dispela ol sut toktok agensim Mista Vele na tok klia olsem em stap yet olsem Gavana bilong NCD.

Sampela bilong ol witnes o

lain husat Mista Parkop i askim long kam givim kot evidens o sapotim toktok we i sut olsem Mista Vele i mekim pasin braib i no kamap long ol kot na kot i go het long givim luksave long sia bilong Gavana long Mista Vele holim inap jeneral ileksen.

Mista Vele tok kot i kisim planti taim bilong em na ol kot i pulim tingting bilong em longwe long wok em mas wokim long sevim ol pipel bilong NCD.

Em tokim ol loya bilong em long lo kampani Jerewai Loya long failim kot agensim Mista Parkop bipo pinis long dispela wik.

De na taim bilong dispela kot bai kamap bihain taim.

## Kot bilong Haiveta stat pinis

**Noreen Dada i raitim**

KOT we i lukluk long ol toktok i sut long Gavana bilong Galp Provins Chris Haiveta paulim mani na i no salim ol fainens ripot long 4-pela yia olgeta i stat aste.

Mista Haiveta i bungim 4-pela sas long:

"Em i no salim mani ripot bilong ol yia 1993 i go 1994 na mani ripot bilong yia 2001 i go 2002.

"Paulim provinsel sapot gren (PSG) bilong ol yia namel long 1999 i go 2001

"Paulim K524,000 bilong ol pablik fan long yia 2001 na,

"Paulim K250,000 bilong ol PSG long yia 2002.

Namel long ol lain husat bai kamap olsem ol witnes o ol lain givim stori bilong ol sapotim o agensim dispela ol sas agensim Mista Haiveta em loya bilong Ombudsman Komisen, Nemo Yalo husat i namba wan man prosekyusen o loya bilong Gavman bai askim ol askim ol gat long Mista Yalo.

I gat tu 6-pela arapela witnes husat bai bungim askim bilong kot.

Jastis Timothy Hinchcliffe i hetim dispela Lidasp Traibunel na em kisim helpim long ol sinia mejistret Steven Abisae na Mark Pupaka olsem ol memba.

**Noreen Dada i raitim**

SAPLAI long win (oxygen) tenk go long Daru Haus Sik i sot nogut tru na em i banisim wok bilong ol dokta na nes long helpim ol lain wantaim sot win.

Na dispela em wanpela bilong sampela bikpela hevi we haus sik bungim long dispela taim.

Ekting Seif Eksekutiv Opisa bilong Daru Haus Sik, Dokta Amos Luna tokim Wantok

Niuspepa aste olsem sot long win saplai i no helpim ol pipel husat i gat sik sot win.

"Sik sot win wantaim ol bagarap we i bagarapim tru bodi i save nitim win tasol yumi nogat dispela long nau taim.

"TB tu i bikpela tru insait long taun we 98 pesen (98%) bilong ol man meri save dai long dispela sik.

"TB i bikpela wari bilong yumi long haus sik nau bikos nogat gutpela progrem bilong bihain tritmen kamap na dispela namba i go antap gen bikos long

bikpela populesen (namba bilong ol man meri) insait long taun," Dokta Luna tok.

Dokta Luna go het long tok ron bilong wara na pawa insait long haus sik i no save ron gut planti taim na taim ol save katim wara, haus sik i save pas olgeta.

"Long sait bilong pawa dispela em bikpela samting tru na i save givim mipela bikpela het pen tru long taim mipela karim aut operesen bikos jenere-ta bilong mipela i no wok tu."

Long sait bilong

nupela ples haus sik gat long karim aut operesen, kuling (cooling) sistem i no wok na dispela i mekim moa hat long ol dokta karim aut wok bilong ol.

Haus sik wetim tu wanpela speselis sejen (surgeon) o dokta husat gat gutpela save long wokim ol operesen we i hat liklik long wokim long kam long haus sik na inap dispela taim, haus sik wok long salim ol pipel kam long Mosbi long kisim operesen.



**MASSEY FERGUSON**

# Special Offer!

- ✓ Sales
- ✓ Parts & Service
- ✓ Finance
- ✓ Lease Packages



**MF5365**  
**4WD MODEL**

with many Extras,  
Spec to PNG conditions.  
Available Ex-Lae.



**Ela Motors**  
MASSEY FERGUSON

Your First Choice

OFFER EXTENDED TILL: 17. 03. 2007.

FOR MORE INFORMATION CONTACT: JIM MAXWELL - TRUCK & EQUIPMENT MANAGER  
PH (675) 3229467 FAX (675) 3217268 - PORT MORESBY

www.elamotors.com.pg





# Strongim skil bilong infrastraksa indastri

NOGAT gutpela stia wokbung pasin namel long ol gavman dipatmen bilong Woks na Saplai, Trensport na Sivel Eviesen, Leba na Wok, Edukesen na Tred na Indastri i lukim namba i sot insait ol lain wantaim skil insait long infrastraksa indastri tude.

Na long dispela em i kamapim stendet long kamapim wok fos we i gat skil na dispela i banisim kantri long go het long developmen.

Dispela em hap tok bilong Presiden bilong Papua Niugini Kontrekta Asosiesen, Sandy Kagl husat glasim indastri we wok bilong em i long kamapim ol bris, opis, na kain samting olsem.

Na long stretim dispela em tok Opis bilong Akitek (lain husat droim na plen long kamapim infrastraksa) na Projek Divalopa i raitim wampela ripot long Gavman long tok orait long en.

Dispela projek opis i laik kirapim em kolis long graun bilong Gavman insait Hagen we em bai kamap hap ples long olgeta bikpela risos projek insait long kantri.

Dispela submisen o askim long kirapim projek i kam bihainim toktok bilong Deputi Praim Minista, Don Polye olsem i nogat PNG kampani husat gat inap risos long karim aut ol bikpela infrastraksa projek insait long kantri.



**HÉLPIM MIPELA:** Mista Nakime i singaut long kisim moa helpim long ol bisnis insait long Hailans rijen.

## Tingim PNG Jenerel Ileksen 2007!

### Nem bilong yu stap long nupela Iektorol Rol?



HEY TORO!  
YU ENROL TU?  
ILEKSEN I KAM  
KLOSTU NAU!  
YU MAS VOTIM  
GUTPELA LIDA  
BILONG YU.

AIIEE!! MI MAN  
BILONG PLES! PIPIA MAN  
TASOL, NOGAT MAN BAI  
BISI LONG MI!

NOKEN TOK  
OLSEMI VOT  
BILONG YU I GAT  
PAWA!! GO PUTIM  
NEM NAU!!

GO LUKIM  
PROVINSSEL ILEKSEN  
MENESA O DISTRIK OPIS  
KLOSTU LONG YU NA  
STRETIM ENROLMEN FOM  
PEPA NAU!

### Nakime laikim helpim

ISTEN Hailans Deputi Gavana Joksy Nakime i singaut long ol bikpela bisnis insait long provins long helpim em long sanapim wampela komyuniti senta long Barola maunten.

Mista Nakime i tok provinsel gavman i hat wok long daunim ol raskol pasin na em i laikim ol arapela lain long givim han na helpim.

"Mi singaut long ol bikpela kampani insait long Hailans rijen long harim krai bilong mipela. Olsem provinsel gavman, mipela i makim ron pinis. Nau em i taim bilong ol arapela long helpim mipela," Mista Nakime i tok.

Em i singaut strong long ol bikpela trak kampani, ol wel na ges, maining na ol arapela provinsel gavman long helpim long dispela wok na em i tok tu olsem Hailans Haiwe em i ekonomik laip lain bilong kantri.

Mista Nakime i tok ol namba i kam long polis i soim klia olsem namba bilong ol holap i go daun bihain long ol i sanapim dispela komyuniti senta. Em i tok tu olsem em i bilip strong olsem i gat rot long rausim olgeta raskol pasin tu.

I gat wampela kontena i stap pinis na ol wokman i wok long stretim insait bilong en i stap.

"Mipela nidim ol tenk na pawa i go insait long dispela ples. Taim ol dispela samting i ron, polis bai sindaun gut long hap," Mista Nakime i tok.

### Somare promisim K5.5 milien

...Kirapim Simbu kopi fektori

Eric Sinebare i raitim

PRAIM Minista Grén Sief Sir Michael Somare long raun bilong em long Simbu Provins i mekim tok promis long givim K5.5 milien long kirapim na opim gen Simbu kopi fektori.

Tok promis bilong Sir Michael i kam bihain kopi fektori long Simbu i pas long yia 1979.

Ol pipel bilong Simbu na ol Yongomugl pipel i amamas tru long lukim Sir Michael, Deputi Praim Minista, Don Pomb Polye na Spika bilong Nesenel Palamen, Jeffrey Nape kam kamap long Simbu aste.

Moa long wan taunsen manmeri kam lukim graun brukim seremoni we i kamap long makim wok long kirapim gen fektori.

Ol pipel i tok dispela bai mekim ol husat i gat kopi amamas na i ken helpim ol long gat gutpela sindaun long lukautim ol long bihain taim.


### Nu Jeneresen opim opis long Simbu

Paulus Tali i raitim

TAIM bilong lonsim pati na wokim kempein i wok long kamap long olgeta hap long kantri long nau taim bikos long 2007 jenerel ileksen.

Na lida bilong Nu Jeneresen Pati husat tu i Membra bilong Lae Open, Bart Philemon wantaim ol pati opisa bilong em i go long Simbu long lonsim pati bilong em aste.

Mista Philemon i lonsim pati arere long Nesenel Brodcasting Koparesen (NBC) Kundiawa Taun we moa long wan taunsen man na meri go long lukim dispela lons.



Tingim gut na vot stret long kendidet i gat gutpela tingting! 2 3





# 500 de tasol bipo Wol Yut De selebresen

Nius i kam long Zenit Nius Ejensi

...Grup rejistresen i op nau

WANTAIM 500 de tasol i go long Wol Yut De 2008 (WYD) selebresen bai kamap long Sidni, Australia long neks yia Jun, ol ogenaia nau i wok long kisim ol grup rejistresen.

Wanpela wik WYD selebresen bai stat long Julai 15 na pinis long de namba 20, 2008.

Ol i ting selebresen bai pulim

moa long 500,000 pilgrim i go long Sidni.

Long wankain taim, Deputi Praim Minista bilong Australia, Mark Vale i tok olgeta ovasis rijista pilgrim i laik go long Australia bai kisim tripela mun turis visa na bai i nogat sas long em.

"Tripela mun visa bai larim ol visita i raun lukim moa ol ples

long Australia taim ol i stap long hap. Long wankain taim tu, larim ol lain long narapela hap bilong kantri i sea long hostim WYD, Mista Vale i tok.

Wanpela DVD, "Sydney: Witness the Spirit" em ol bai salim long olgeta hap bilong wol na putim long Onlain Intenet olsem hap long invitesen long dispela WYD selebresen.

# Sios bai stap klia long rong pasin

EVANGELIKEL Lutheran Sios bilong Papua Niugini (ELC-PNG) husat gat graun taitol long Medese we Ramu Nikel maining taun bai kamap tok ol bai i no inap lukim ol pasin we i brukim lo kamap long Basamuk eria insait Madang.

Na sios i go het moa long tok ol bai kisim ol lain husat i na glasim graun bipo wok i kamap long makim graun bipo wok kamap i ken stat.

ELC-PNG husat tu i bikpela papagraun

long Basamuk we main bai karim aut operesen bilong em tok olgeta wok mas klia na stret wantaim lo.

Dispela toktok i kam long Jenerel Seketeri bilong ELC-PNG Issac Teo bihain ol papagraun bilong Basamuk i givim opisal askim i go long ELC-PNG long go pas long kirapim na skelim toktok namel long ol na kampani husat bai kamapim main long wanem we long yusim graun.

Mista Teo tok wan-

pela komiti mas kamap long lukluk long olgeta samting we i kamap long sait bilong olgeta projek na wok kamap bilong graun we sios i bosim.

Em tok sios i wari long gutpela sindaun bilong ol memba bilong en insait na arere long ples main bai kamap na sios bai kamapim sampela plen long bekim ol sosel hevi we i ken kamap bikos long main.

## STORI TASOL

wantaim

FR. PAUL LIWUN. SVD



### Kam na lukim

LONG mun Oktoba 1998, taim mi kam bek long malolo, mi no klia long wanem hap superia bilong mi bai salim mi long mekim wok. Mi stap nating tasol long Mosbi long sampela de. Bihain mi ringim superia long Hagen na taim mi askim em. Em i tokim mi long kamap peris pris long Erima bikos ol i no bin gat pater.

Tasol mi no bin laik tru long wok long Erima bikos mi bin harim planti stori nogut i save kamap long hap olsem planti raskol pasin. Narapela as mi les long wok long hap em, mi bin stap 8-pela yia long bus peris na em bai hat long mi wok long taun peris.

Tasol Superia i no fosim mi, nogat. Em i tokim mi long tingting long en na givim disisen bihain. Pastaim, mi mas go bek long Hagen. Sampela de bihain mi tokim superia olsem bai mi traim wok long Erima long wanpela yia tasol. Em i tokim mi olsem sapos yu no pilim amamas stap long Erima, yu ken lusim na bai mipela i painim narapela Pater.

Dispela yia em i yia 2007. I no wanpela yia tasol mi bin stap long Erima. Em i 9 krismas nau mi stap wok long Erima. Bilong wanem?

Ating, planti bilong yumi i save long wanpela singsing: "Kerema, yu no save. Yu yet i kam na lukim". Sapos yumi harim stori bilong wanpela ples o wanpela man o meri tasol na bilip long dispela stori nating nating, ating bai yumi no laikim dispela ples o dispela manmeri. Tasol sapos yumi yet i kam na lukim dispela ples na stap wantaim dispela man o meri; yumi bai laikim dispela ples o dispela manmeri.

Stori bilong Erima i pulap long raskol na planti stil manmeri em i tru. Tasol i no tru olgeta. Bikos sapos yumi yet i kam na stap wantaim ol manmeri long dispela ples, yumi bai painim aut olsem "I no olgeta manmeri bilong Erima i wokim dispela raskol pasin".

Liklik lain tasol i bin wokim dispela kain wok na olgeta manmeri bilong dispela ples i kisim nem nogut. Olsem long Bahasa Indonesia i gat wanpela tok i go olsem: "Setitik nila, merusakkan susu sebelanga" (Wanpela liklik drop bilong blekpela samting olsem ink, i bagarapim olgeta susu insait long wanpela dis").

Wankain tasol, liklik lain bilong wanpela grup o komyniti i mekim samting nogut, bagarapim olgeta manmeri i stap insait long komyniti. Olsem na sapos yu laik save gut long wanpela ples o wanpela man o meri, yu yet i mas kam na lukim. Noken harim nating nating na bilip.

# Wol Yut De Kruse bai klostu taim kamap long PNG

Veronica Hatutasi i raitim

**KATOLIK Sios long PNG i mekim wok redi nau long kisim Wol Yut Day Kruse.**

Kruse bai kamap long kantri klostu taim na dispela em long Trinde Mas 21, 2007. Yut Kodineta bilong Katolik Asdaiosis long Pot Mosbi, Sister Rebecca i tok ol i sanapim pinis wanpela komiti na dispela i go pas long mekim ol wok redi long kisim Kruse we i kam olsem long Is Timor.

Dispela bikpela kruse em ol i yusim long ol Wol Yut De selebresen we leit Pop John Paul 2 i bin kirapim long 2004.

Long las yia, selebresen i bin kamap long Jemeni na long Julai neks yia, selebresen bai kamap long Sidni, Australia we samting olsem 2,000 Katolik yut long olgeta 19 daiosis long Papua Niugini bai go long Sidni long stap insait long selebresen wantaim klostu i milien Katolik yut long olgeta hap bilong wol.

Sister Rebecca i tok wan wan daiosis bai salim 5-pela yut taim Pot Mosbi Asdaiosis we i gat 18 peris bai salim 200 yut i go long Wol Yut de 2008 selebresen long Sidni. Dispela Kruse i raun long olgeta hap bilong wol na nau em i stap long laspela lek bilong wokabaut long Esia na Oseania (Pasifik) rijen. Em i mas stap long Australia long mun Oges na raun long olgeta daiosis bipo long bikpela selebresen long Jun neks yia. Long wokabaut bilong Kruse long PNG, Kruse bai

krugutim PNG long Mas 21 na ol bai karim i go long Hagen na long hap, ol bai kisim i go long ol arapela Hailans Katolik daiosis. Long Epril 4, ol bi karim i kam long

Mosbi na em bai raun long ol peris insait long Asdaiosis. Na long Gut Fraide Stesin bilong Kruse lotu long Mosbi na long Sarere, ol bai kisim i go long Bereina Daiosis



**YUT SUMATIN LOTU:** Misa lotu bilong olgeta Katolik skul insait long Nesenel Kapitel Distrik long Stadium las yia na tupela yangpela i wokim eksen singsing. *Fail Foto*

## NUPELA ILEKTOREL ROL

SAPOS YU GAT

18 KRISMAS O MOA, NA NEM



**BILONG YU I NO I STAP LONG NUPELA ILEKTOREL ROL, YU MAS GO LUKIM PROVINSSEL ILEKSEN MENESA O DISTRIK OPIS KLOSTU LONG YU NA STRETIM WANPELA ENROLMEN FOM PEPA...**

EM BILONG APDETIM O STRETIM 2002 ILEKTOREL ROL?

NOGAT, EM I NUPELA ENROLMEN PROGRAM BILONG NUPELA 2007 ILEKTOREL ROL.







## PABLIK NOTIS

### ENROLMEN TOKSAVE I GO LONG OLGETA SITING MEMBA BILONG NESENEL PALAMEN

Olgeta siting Memba bilong Palamen i mas go na sekim ol Ritening Opisa (RO) insait long wan wan ilektoret bilong ol bai ol I MAS ENROL insait long nupela 2007 Priliminari Iektorel Rol. Sapos yu laik nominate na vot insait long Nesenel Palamen ileksen dispela yia, yu MAS enrol long Iektorel Rol nau.

Sapos nem bilong yu I NO rejista insait long 2005 na 2006 priliminari rol, mipela givim STRONGPELA askim olsem yu mas rejista nau bipo long isiu o opim bilong ol rit bilong jeneral ileksen long namba 4 de bilong mun Me.

Sapos yu stap insait long wanpela arapela ilektoret moa long sikspela mun em nau yu gat rait long enrol insait long dispela ilektoret. Enrolmen wok bilong 2007 Iektorel Rol nau i stap insait long namba tu hap bilong en insait long olgeta provins.

Plis lukim Provinsel Ileksen Menesa bilong yu, ol Distrik o LLG Opisa na sekim sapos nem bilong yu i stap long ilektorel rol.

### SINGAUT I GO LONG OLGETA KENDIDET I RESIS LONG 2007 ILEKSEN

Iektorel Komisin nau i laikim olgeta wan wan manmeri husat bai resis long 2007 Jeneral Ileksen long givim ol dispela samting:

1. Baiodata (Stori bilong ol) taim ol i raitim bekim long Form 29.
2. Tupela paspot sais poto.
3. Na sapos em i klia, makim wanem pati afilesen o wanem pati yu bai sanap bihainim.

Yu mas kisim ol Form 29 long Ileksen Menesa o Ritening Opisa na yu mas bekim olgeta askim na givim i go bek bipo long namba 30 de bilong mun Mas.

Nau em i stap long lo pinis olsem olgeta kendidet i mas givim olgeta ol dispela samting bipo long ol rit pepa i go aut.

**Dispela toksave i kam wantaim tok orait bilong:**  
**ANDREW S. TRAWEN,**  
**Iektorel Komisina.**



### PNG Sios Kaunsil no amamas long rausim Difens Minista

OL bikpela sios long kantri i no amamas long gavman i rausim Difens Minista na stopim PNG Difens Bod bilong Inkwairi we i bin wok long mekim ol wok painim long ronawe bilong asua loya bilong Australia, Julian Moti, na husat tru i bin givim tok orait long yusim CASA balus bilong ami long kisim em hait i go long Solomon Ailan.

Praim Minista Gren Sief Sir Michael Somare long las wik i bin rausim inkwairi na Bod taim em i klostu pinisim wok bilong em bikos ol loya bilong Sir Michael, Posman Kua na Aisi, i bin tok inkwairi i abrusim taim bilong em.

Long dispela taim, wok painim bilong inkwairi i glasim ol evidens o toktok bilong ol witness na sutim tok olsem praim minista tasol i bin givim oda long

salim Moti i go aut long PNG. Insait long wanpela stetmen, Modereta bilong Yunaitet Sios, Reveren Samsom Lowa, em Presiden bilong Kaunsil bilong ol Sios long PNG (PNGCC) na we i makim maus bilong ol bikpela sios long kantri i autim wanpela stetmen i go olsem:

"PNGCS i laik autim olsem em i no amamas bilong em long rausim bilong PNG Difens Minista.

"Ol memba sios i pilim olsem dispela inkwairi i bin gutpela na em i mekim gutpela wok long painimaut ol as long Moti hevi.

"PNG i gat luksave olsem em i gat gutpela na independen jastis we politikel sistem i no save bosim. Mipela i mas lukim olsem dispela i stap," Reveren Lowa i tok.

### PNG Baibel Haus amamasim 37 bon de

Veronica Hatutasi i raitem

**BAIBEL Haus bilong Baibel Sosaiti bilong PNG i amamasim 37 krismas bilong em tude.**

Ol lida bilong ol bikpela sios olsem Yunaitet Sios, Salvesen Ami, Luteran Sios (ELC/PNG), Evanjelikel Luteran Sios bilong Papua Niugini na Evanjelikel Alaiens bai bung wantaim ol Baibel Sosaiti woklain long Koki na selebretim 37 yias ol bin sanapim Baibel Haus long Koki.

Program bai stat long 9 kilok moning we ol ges bai stat long bung. Gospel grup bai singsing taim ol pipel i bung.

Long skruim program i go moa, bai i gat sering na prea na toktok we bai ol bik manmeri bai wokim long dispela taim.

Long dispela taim tu, bai i gat spesel kontribusen i kam long ol wan wan manmeri, ol oge-naisesen na ol sios grup long helpim Baibel Sosaiti i mekim wok bilong em, moa yet, long salim ol Buk Baibel i go aut na

ol arapela wok moa.

Liklik histori bilong Baibel Haus em haus i bin stap pas-taim long Mary Strit long taun.

Bihain ol i bildim nupela haus long Koki na long Mas 8, 1970, olpela Administreta bilong Teritori bilong PNG, Davis Hay i bin opim. Na em dispela haus we ol i amamasim 37 krismas bilong em tude.

Baibel Sosaiti i gat 6-pela woklain long opis bilong ol long Koki, Nesanel Kapitel Distrik (NCD). Em i het opis bilong

Sosaiti na em i save lukautim wok bilong tilim Baibel, kamapim (prodaksen) na ol wok tanim insait long Noten Rijen bilong kantri. Narapela opis long Lae i save lukautim ol wok long Momase, Hailans na Niugini Ailans Rijen.

Sosaiti i gat wanpela bod we ol memba i kam long ol bikpela sios i save lukautim ol wok bilong em (Sosaiti). Ol i save bung bihain long olgeta tripela mun na dispela em long tripela taim long wanpela yia.

## BAI YU KISIM WANEM, taim yu KAM BAIM LONG COURTS?

It's All New... Monthly Spin & Win Jacpot Winners.

July Winner... **Dr. John Konga** Won the Total Jacpot of - **K7,000.00**

August Winner... **Mary Simi** Won Cash value of - **K750.00** Jacpot was K8,000

September Winner... **Aaron Teta** Won Cash value of - **K400.00** Jacpot was K8,000.00

October Winner... **Bradley Henao** Won the Total Jacpot of - **K8,500.00**

November Winner... **Nelson Ephraim** Won Cash value of - **K400.00** Jacpot was K8,500

December Winner... **Fred Jejeri** Won Cash value of - **K1,500.00** Jacpot was K10,500

January Winner... **Alice Mea** Won Cash value of - **K1,500.00** Jacpot was K8,500.00

Long mun... **MARCH** **JACPOT** **K5,000** **Stap insait long winim!** **Kisim sans long Winim Jacpot long mun Mas!**

**Bipo Kes K129** **K89** **SEIVIM K40** **Diposit K1** **K33** **Long Fotnait** **Dinau Prati K949** **JUDY # BG3001 Tripela Bed Bank Freim** **strongpela metal freim metal bed sapot long matres 1-pela lada bilong igo antap banis long stopim pundaun joinim-isi yu yet**

**Bipo Kes K329** **K299** **SEIVIM K30** **Diposit K1** **K14** **Long Fotnait** **Dinau K345** **RITA # CN0004 MH520DT Dres Kabot + mira** **1-pela droa na kabot nais vanis**

**Diposit K1** **K6** **Long Fotnait** **Dinau K105** **RITA # SD0012 SH-501ST Bed kabot** **1-pela liklik droa nais vanis joinim-isi yu yet**

**Kisim kain kain samting bilong haus long...** **K1.00 DIPOSIT Tasol**

**COURTS** **Edim valu Olgeta dei!**

**OPEN 7 DAYS A Week** **PORT MORESBY BRANCH** Phone: 325 5900 • Fax: 325 4149 E-Mail: sales@courts.com.pg **MON-WED & FRI - OPEN 8:00AM - 5:00PM** **THUR - 8:30AM - 5:00PM** **SAT: 8:00AM - 1:00PM / SUN: 9:00AM - 1:00PM**

**OPEN 6 DAYS A Week** **LAE BRANCH** Phone: 472 4800 • Fax: 472 4621 E-Mail: courts\_lae@courts.com.pg **MON-FRI - OPEN 8:00AM - 5:00PM** **SAT: 8:00AM - 1:00PM / SUNDAY CLOSED**

IMPORTANT: Courts Ready Finance is now available for you to apply... Courts K1.00 DEPOSIT is subject to Terms & Conditions... Copyright © 2007 Courts Ready Finance. All rights reserved.

**GLASIM TOK** wantaim **FR LOLLINGTON WIAM**



### Lent

YUMI nau i stap long Holi na santu sisen bilong Lent. Lent em i stat pinis long Es Trinde na bai pinis long Ista Sande. Taim bilong Es Trinde ol stia man i bin putim sit bilong paia long het bilong yumi na dispela em mak bilong sori na tanim bel i go long God, olsem ol Niniva i bin mekim taim God i salim Jona i go long autim bikpela hevi ol Niniva bai bungim.

Insait long lent em i gat 40 de na nait we Jisas i bin go i stap long en. Tripela bikpela samting Jisas i mekim na tripela bikpela hevi Jisas i bin bungim long laip bilong em. Taim em i stap long ples drai:

Namba 1: em givim em yet i go long God,  
Namba 2: em fast o hapim kaikai na  
Namba 3: em i stap isi na beten long kisim strong long wok bilong em.

Klostu pinis taim bilong Jisas, Satan i traim Jisas long tripela rot.

Namba 1: Em sin bilong bodi, Satan i lukim olsem Jisas i kisim strong pinis long tok bilong God na redi long kam aut olsem na em i traim lak bilong em long pulim Jisas kam long we long God na Pulmapim kaikai bilong bodi na lus tingting long kaikai bilong spirit.

Namba 2: Satan i luksave pinis olsem Jisas i redi long dai long ol pipel bilong God na bai kisim biknem na kisim Kingship sia long bikples bilong God. Olsem na Satan i laik mekim bai Jisas i lus tingting long sipela na mas kisim biknem bilong dispela graun. Tasol Jisas i winim namba tu traim, em mentol sin.

3: Spirisol praid o sin, Satan i save olsem laip bilong Jisas i pas pinis wantaim God na em i gat wanpela tingting tasol long lotu long God na bringim ol gutpela pasin bilong Kingdom bilong God i kam insait long laip na pasin bilong ol manmeri bilong tupela wol. Olsem na Satan i laik grisim Jisas long lusim God liklik na lotu long em pastaim.

Satan i laik givim olgeta kingdom bilong dispela wol long em. Tasol Jisas em i save olsem Satan i laik traim strong na bilip bilong god, Jisas i tok "Satan, yu go longwe long me". Dispela hap tok bilong Jisas em i gat pawa na fos na em i flaim Satan go aut.



# Ol nupela helt lo wetim tok orait

Noreen Dada i raitim

I GAT ol nupela helt lo we i kamap long strongim ol sios na provinsel helt atoriti husat save givim helt kisim tok orait long palamen sindaun neks mun.

Minista bilong Helt Sir Peter Barter tok Provinsel Helt Atoriti Ekt i redi long skruim long Epril taim Palamen sindaun we bikpela wok bilong dispela ekt o lo em long lukim olsem olgeta helt senta insait taun na ruel eria i ron gut.

"Narapela bil (lo wetim tok orait) em long larim Sios Medikel Kaunsil long kisim moa pawa aninit long Kristen Helt Ekt na em bai helpim ol sios go aut na askim strong wantaim pawa ol gat long baim ol

## ...lukautim bodi

marasin na ol kain samting olsem," Sir Peter i tok.

Em kisim wanpela yia olgeta long kamapim dispela bil na mi ting em ken kisim sapot bilong Gavman, em i tok.

Em i tok narapela lo we mi laik mekim sampela senis long en em Tobacco Ekt na mi laik wokim strongpela aweanes long wanem birua save kamap long bodi bilong yu taim wanpela pulim smok tumas na tu kaikai buai.

Mi laik yumi mekim wankain televisen advetismen olsem ol gat long Australia we i soim ol nogut bagarap long pulim smok na kaikai buai na mi bilip dispela ken kamap long neks tupela wik o

kain olsem, em i tok.

Em i taim Dipatmen go pas na wok strong long kirapim dispela ol aweanes bikos ol pipel mas save wanem samting ol wok long wokim long bodi bilong ol taim ol kisim dispela tupela samting," Sir Peter tok.

Sir Peter tok sampela bilong dispela senis em askim long makim ol ples we ol manmeri noken smok olsem long bas, opis o klostu o arere long ol skul.

Sir Peter long las wik i tok strong long bikpela samting long lukautim bodi long ol 'ausait samting' we i ken bagarapim bodi bilong ol pipel.

"Yumi mas tingting olsem ol pipel bilong Papua Niugini (PNG)

na kaikai wanem samting i kam long gaden na noken kaikai tumas kaikai long stoa- diabetes i stap yet olsem bikpela sik bilong PNG bikos long senis long laip stail na wanem samting yumi kaikai."

Long wankain taim Sir Peter tok wok long skruim HIV/AIDS insait long kantri wok long go het tasol kantri i mas gat moa volentia na ples long karim aut Volentri Kaunseling na Testing.

Sir Peter i tok kantri mas strongim ol sios long givim helpim bilong ol long wanem we ol ken na mas kirapim spesel awod sistem bilong ol husat i soim strongpela tingting na pasin long daunim ron bilong sik insait long kantri.

## 960,000 long Esia Pasifik gat AIDS

Veronica Hatutasi i raitim

INSAIT long Esia Pasifik rijen we PNG i stap insait long en, 960,000 nupela pikinini we mama i karim i gat sik AIDS.

Na 8.6 milien pipel i stap wantaim HIV/AIDS we i karamapim namel long 1.7 na 2.00 pesen long populesen insait long rijen. Planti long ol pipel i wok long dai em ol yangpela na ol woklain long wokfos bilong kantri.

Ripot i kamaut tu olsem em i samting long wari long en long PNG bikos HIV/AIDS long kantri em i "jeneralaisd" na dispela i min olsem sik i ken kamap long olgeta man na meri na dispela em i denjeres tru o sik i no stap long wanpela grup tasol long jenerel populesen.

Dispela sik tu i wok

long gro i go moa insait long dispela rijen na i wok long bihainim kain rot we ol kantri long Sab Sahara rijen long Afrika i bin go long en.

Tim Rwabuhema em UNAIDS Kodineta wantaim UNICEF i bin autim dispela insait long wanpela woksop wantaim ol nius ripota we UNICEF na Midia Kaunsil i bin go pas long em.

Em i tok long ripot i bin kamaut long las yia Novemba, 8.6 milien pipel long Esia Pasifik rijen i gat AIDS.

Long dispela mak, 960,000 em ol nupela pikinini. Na ol lain i dai pinis long sik long rijen em 630,000.

"PNG i mas wari na mekim samting nau bikos olgeta man na meri i kendidet long kisim HIV/AIDS. Em i stap wantaim famili, hauslain na komyuniti," Mista Rwabuhema i

tok.. Em i tok i gat tripela grup we ol i luksave long HIV/AIDS i stap long en.

Hai level grup em ol pamuk lain, ol homoseksuel o man i laikim man grup na ol lain i save yusim ol drag na kisim ol nil sut o injeksen long ol drag.

Taim sik i stap long dispela tripela grup, em i ken isi liklik long daunim bikos ol i luksave long speselais grup na ol i ken tage-tim ol.

Tasol taim em i kamap "generalized", em i hat bikos olgeta man na meri i kamap kendidet long kisim HIV/AIDS.

Mista Rwabuhema i askim strong midia long helpim givim ol gutpela aweanes long pablik we i ken helpim ol long mekim ol gutpela disisen na abrusim kisim binatang bilong AIDS.

## Wan bel tok bringim senis

Noreen Dada i raitim

KATOLIK Sios wantaim Seven De Adventis (SDA) Sios i bung wantaim long sainim wanbel tok we bai lukim ol lukautim menesmen bilong Tokarara, Morata na Sen Therese Klinik long Mosbi.

Ol toktok we i kirap olsem ol sios bai go pas long lukautim dispela sait bilong ron bilong ol klinik i kamap tru taim Asbisop bilong Katolik sios, Sir Brian Barnes na het man bilong SDA Sious, Pasto Peter Oli i sainim ol wanbel tok long las wik Fraide.

Tokarara Klinik bipo wok long ronim klinik na taim baset bilong ol pinis, ol pasim klinik na ol pipel yet bagarapim tru klinik na bikpela wok stap long stretim na kamapim gen.

Aninit long dispela wan bel tok tu, Dipatmen bilong Helt lukluk long mekim Gerehu Klinik i go long haus sik na Deputi Helt Seketeri Timothy Pyakalyia tok K2 milien aninit long Saplimetri baset i go long wokim dispela. Tasol dispela wok lukluk long pinis long 2008.

Long wankain taim tu Minista bilong Helt, Sir Peter tok long mekim Badili Klinik olsem hap ples we ol pipel ken kisim Volentri Kaunseling na Testing (VCT).

## YUMI na HIV wantaim

Fr Jude Ronayne Ford OFM



### Charlie

CHARLIE i bilong Isten Hailans Provins. Krismas bilong em i mas 50 samting.

Pastaim, em i bin marit long ples. Em i stap wantaim meri bilong em na tripela pikinini, tasol em i lusim ol na i luk olsem ol i lus tingting long em tu.

Long 1995 em i lusim ples na i kam long Mosbi long painim wok. Man bilong draivim trak, em i wok long wanpela bikpela kampani. Em i sindaun wantaim ol wantok - ol singel lain (sampela i singel na sampela i gat meri long ples) long setelmen klostu long 6 Mail. Charlie i gat potnait pe - man i gat mani - olsem na em i gat planti pren. Long potnait ol i save baim bia na pati na pamuk nabaut wantaim ol raun meri. Em i ting long amamasim em yet na i lusim tingting long meri pikinini bilong em. 1995 i go i go...kamap 2003 nau.

Wanpela de, Charlie i pilim sik. I go i go...em i sik gen...dokta i tok: "Sekim blut long HIV" ...sori Charlie - em i HIV pinis. I luk olsem, wanpela man o meri i bin karim HIV i kam insait long ol pati-lain bilong ol na planti bilong ol i kisim sik HIV - wanpela i givim HIV long narapela - nau planti bilong ol i HIV pinis nau!

Charlie i no strong moa na em i lusim wok draiva. Nogat potnait nau, na em i lusim ol pren tu. Siti laip em samting bilong mani tasol.

Tok i go nabaut olsem: "Charlie i gat sik AIDS". Nau Charlie i nogat wanpela pren, nogat haus, olgeta samting bilong em i stap long liklik bilum. We em painim toea nau em rot bilong planti rabisman long Mosbi - em painim ol empti botel na emti tin.

Wanpela de em i kam long Saimon Sairin Senta long Hohola. Em wanpela Senta bilong lukautim ol lain i HIV pinis. I gat "Yumi Sapot Grup" i save sapotim ol dispela siklain. Charlie i save i kam long taim em hangre o nidim helpim.

Long tupela wik, em i no kam na mipela i wok long painim em. Wanpela de telipon i singaut na wanpela man i tok: "Wanpela wik nau, wanpela man i slip aninit long haus bilong mi. Yupela mas kam na kisim em!" Mipela i go. Em Charlie tasol na sik i winim em olgeta. Mipela i karim em i go long 3 Mail Haus Sik na i no longteim em i lusim mipela.

Bihain, mi askim papa bilong dispela haus: "Bilong wanem yu lukautim sikman bilong narapela ples?" Em i tok: "Mi pret. Sapos mi no lukautim em, bai mi go long Hel."

Stori i tru, tasol nem i senis.



## NATIONAL CAPITAL DISTRICT COMMISSION

### TRAFFIC LIGHTS

The National Capital District Commission wishes to inform the public that the faulty traffic lights at the Mobil Service Station/Junction Night Club and the Boroko Motors intersections are now back in operation.

The Commission sincerely apologizes to the general public for the inconvenience caused by the faulty lights and the delay in having it back into operation. The delay however was beyond our control as the required part was only available overseas.

Nonetheless, we are indebted to express our sincere appreciation to the public in particular the motorists who demonstrated great care, understanding and co-operation during the situation.

We also thank the NCD Traffic Police for ensuring control in the area during peak traffic hours.

NCDC will continue with repairs on the lights as soon as possible.

Thank you for the care, understanding and co-operation shown.

For further Information please contact A/Deputy City Manager- Engineering on Telephone: 324 0501/ 324 0502

Authorised by  
**LESLIE ALU**  
A/City Manager



## Minista amamas long K100 milien skul subsidi

EDUKESAN Minista Michael Laimo i autim tok amamas bilong em long Somare Gavman i wokim komitmen long tromoim K100 milien long peim skul fi long dispela yia.

Somare gavman long dispela wik i bin tokaut long tromoim K100 milien long baim ol skul fi long ol skul pikinini long dispela yia.

Minista Laimo i tok samting we gavman i wokim i gutpela bikos em bai helpim long daunim hevi we planti papamama i gat long peim ol skul fi.

Em i tok moa olsem dispela i soim olsem gavman bilong Somare i givim bikipela tingting long lukim olgeta pikinini i go long

skul (yuniversal education for all) na ol i ken go insait long ol wok developmen long ol wan wan komyniti bilong ol na kantri.

Em i tok i wanpela samting long ol pikinini i go long skul tasol yumi mas lukim olsem ol sem ol pikinini ya i no ronawe long skul, moa yet, long Praimeri skul level.

Mista Laimo i tok long PNG i mas inapim yunivesel praimeru edukesen na kipim ol long skul i stap long 2005-2014 Nesanel Edukesen Plen we NEC i bin tok oraitim long Disemba 2004.

Na Mista Laimo i tok dipatmen i no inap long bungim ol gol bilong em sapos em i sot long mani. Na moa

mani we gavman i givm nau bai givim gutpela helpim tru.

Long wankain taim, Oposisiun lida Peter O'Neal i tok dispela toktok long putim bikipela mani olsem edukesen subsidi bilong ol pikinini em i trik bilong ileksen tasol.

Em i tok dispela em rot long pulim vot na gavman i no wokim baset na plen long dispela samting na i soim olsem gavman i no kliat gut long wanem samting i kamap long kantri.

Em i tok ol pipel bi ino inap lukim dispela mani na askim gavman long yusim dispela man i long bekim ol dinau, long sait bilong helt, rot na ol bris.

# Tisa sapat sistem kisim salens

Veronica Hatutasi i raitim

**SALENS i bin go long ol sistem i sapatim ol tisa long kantri long gat gutpela pasin, wokim tok tru na bihainim ol lo bilong Tising Sevis.**

Nupela Tising Sevis Komisen (TSC) Siaman, Michael Pearson, i bin wokim dispela salens i go long PNG Tisas Asosiesen na Yunien we i save go pas long moa long 35,000 tisa long kantri insait long wanpela seremoni las wik Fraide we i bin lukim pastaim Siaman, Allan Jogioba i go aut na Mista Pearson i kam insait.

Minista bilong Edukesen Michael Laimo, Seketeri bilong Edukesen Dokta Joseph Pagelio, ol narapela TSC na Edukesen bikmanmeri na ol bikmanmeri bilong ol sios edukesen ejensi i bin stap long dispela bung.

Nogat bikman bilong PNG Tisa Asosiesen i bin stap long dispela bung, maski ol bin kisim toksave long go na ol TSC bikman i bin tok i bin mobeta sapos ol bin stap bikos long planti yia, ol bin save gat gutpela wokbung inap long las tupela yia long ol samting i sut long tisa alauwens pe na haus.

Long bung tu, ol bin tokaut long tupela narapela bikman husat bai wok wantaim Mista Pearson. Em long Jerry Kuhena husat i kisim bek posisen em bin holim - Komisina Polisi - long narapela tripela yia i kam.

Long namba wan taim tu, ol bin makim




Foto: Veronica Hatutasi.

**HENOVA TEKOVA:** Pastaim siaman bilong TSC i sekanim nupela siaman Michael Pearson long Henova Tekova seremoni las Fraide long Hideaway Hotel.

wanpela meri, Rose August, olsem Komisina Operesens, posisen we Mista Pearson i lusim.

Mista Pearson husat i neturelais PNG sitisen na i marit long Bogenvil i wok long planti yia wantaim Edukesen Dipatmen long PNG, moa yet long Sekonderi Edukesen seksen we em bin statim wok olsem hai skul tisa long 1971. Em i wok wantaim Edukesen Dipatmen, Dipatmen bilong Pesenel Menesmen na stat yet long 1998, em i wok

wantaim TSC olsem Inspekta na Komisina Operesens.

Taim Mista Pearson i tokaut long visen o ol samting we em i laik lukim i kamap insait long tripela yia we em bai holim wok olsem siaman, em bin tok bai Komisina i mas kisim moa woklain na ol teknologi, ikwipmen na metiriel long karimaut wok bilong ol long lukautim klostu 50,000 tisa long kantri.

Na em bin singaut tu long ol tisa na ol sistem we i save sapatim ol (PNGTA na yunien han)

long kamap moa "honest, stable and transparent" o soim gutpela pasin na wokim ol samting long ples klian na i no long hait pasin.

Bihainim ol hevi we PNGTSC na PNGTA i bin gat insait long las tupela yia i sut long aut-standing alauwens pemen na haus alauwens na ol tisa i bin holim stop wok we tu i wokim na tupela oge-naisesen i no gat gutpela wokbung na toktok wantaim, Mista Pearson i bilip olsem tupela bai daunim ol hevi na wok gut long taim em i holim sia.

"Bikipela samting Komisen bai lukluk long taim mi stap siaman em, gutpela toktok wantaim ol tisa, hariap long lukluk, sapatim na stretim wari bilong ol tisa, wari long haus, helpim ol tisa long ol skul we i stap long hevi na ol elementeri tisa," Mista Pearson i tok.

Taim em i luksave long bikipela wok ol tisa i wokim, em i askim ol papamama na komyniti na ol sapat sistem tu bilong ol long givim gutpela sapat na ol i ken mekim gut wok long skulim ol pikinini.

## Bihainim gut ol tisa makim lo

Veronica Hatutasi i raitim

**PASTAIM PNG Tising Sevis Komisen (TSC) Allan Jogioba i tok Dipatmen bilong Edukesen i mas givim wok long lukautim sampela ol tiseri institusen i go long ol yunivesiti.**

Mista Jogioba i bin wokim dispela toktok long go pinis long wok toktok bilong em las wik Fraide bikos em i lukim olsem Edukesen Dipatmen i gat planti wok tumas.

"Em i taim long givim sampela ol tiseri edukesen institusen long kantri i go long ol yunivesiti long lukautim," Mista Jogioba i tok.

Mista Jogioba i bin wok long Edukesen Dipatmen, pastaim olsem tisa na wantaim TSC, long 34 yia. Em i

**...Yunivesiti i mas lukautim ol tiseri institusen**

wok wantaim TSC long 10-pela yia, 5-pela olsem siaman.

"Mi wok 34 yia long edukesen sistem na wok hat tru. Nau mi redi long go long ples. Mi bilip olsem ol komisina aninit long lidasip bilong Michael Pearson bai wok gut," Mista Jogioba i tok.

Sampela ol bikipela samting we Mista Jogioba i tok olsem i stap yet na ol nupela TSC komisina long lukluk long ol em, apdetim pe na alauwens bilong ol tisa aninit long ol lo bilong Edukesen Dipatmen, paitim tok wantaim Dipatmen bilong Pesenel Menesmen

long ol polisi disisen na ol benefit na bihainim sabmisen bilong amenmen o senis long Tising Sevis Ekt wantaim ol Stet Solisita long Setifiket ov Nesesiti.

Husat i gat pawa long wokim ol tisa apoinmen, givim wok long ol manmeri bilong narapela kantri long edukesen dipatmen em sampela long ol arapela samting we Mista Jogioba i bin tok long TSC na Edukesen Dipatmen i mas lukluk gut long en.

Em i tok i gat lo bilong bihainim long wokim ol dispela apoinmen na sapos ol i wokim ol samting ausait, em i brukim lo.

Em i tokim ol lain long TSC administresen long stadim gut ol lo i karamapim ol dispela eria na ol bai kliat gut taim ol i wokim ol disisen.

## Nupela TSC Komisina i gat bikipela wok

Veronica Hatutasi i raitim

OL nupela Tising Komisen i gat bikipela wok long mekim Tising Sevis i mas mekim gut wok long inapim ol nid bilong ol pikinini na wok long inapim mak bilong lukim olsem olgeta pikinini i go long skul (universal primary education).

Minista bilong Edukesen Michael Laimo i bin tok long seremoni bilong Tising Sevis Komisen we i bin lukim pastaim Siaman, Allan Jogioba i go aut na Mista Pearson i kam insait.

Mista Laimo i welkamim nupela Tising Sevis Komisen

(TSC) Siaman Michael Pearson na tok Nesanel Eksekutyutiv Kaunsil i bin makim em long dispela wok bikos ol i laikim bai wok i go het yet wantaim man husat i wok insait long sistem longpela taim na i gat save long ol wok.

Long wankain taim tu, Minista Laimo i bin tok tenkyu na luksave long gutpela wok we pastaim Komisina Allan Jogioba i bin mekim gutpela insait long 5-pela yia em i holim wok olsem TSC Siaman.

Taim bilong holim wok olsem TSC Siaman em tripela yia tasol Mista Jogioba i bin abrusim dispela mak na kisim 5-pela yia taim em i wetim Kabinet i makim

nupela siaman.

Long tok tenkyu bilong em, Mista Laimo i bin luksave long gutpela na strongpela lidasip bilong Mista Jogioba we i bin lukim gutpela bosim long wokples, maski long indastriyel na mani hevi long kantri.

Long wankain taim, Seketeri bilong Edukesen Dokta Joseph Pagelio taim em i autim tok tenkyu bilong em long i go long Mista Jogioba i bin sapatim toktok bilong Mista Laimo tasol i skruim tok moa na tok wok bilong TSC long lukim olsem ol i lukautim gut ol kondisen bilong ol tisa i no pinis yet.

Whatever your education or work experience, CIC has Training for YOU

**TRAIN FOR SUCCESS IN 2007!**

Gain accredited awards and skills to secure a good job, high pay, security, respect. CIC Training includes easy-to-master Study Materials, expert Guidance, Tests & Model Answers, Exams, Award, Registered Despatch, CIC Members' website.

**International Diplomas (£170 or US\$350)**

- \*Accounting, Hotels, Travel & Tourism, Computers & IT, Economics
- \*Sales & Marketing, Global Marketing, Advertising, Public Relations
- \*Business, Management, Human Resource/Personnel, Administration
- \*Insurance, Secretary, Purchasing, Project Management, Banking
- \*Leadership, Employee Development, Business Start-Up, Strategy
- \*Business English, Office, Communication, International Business
- \*Advanced Management, Organisational Behaviour, Stores & Stock


**BA Programmes: BBA, BFA, BMA, BCom, BA Eng; MBA**

- \*Business, Finance, Human Resources, Marketing, English
- \*Commerce, Administration, Organization, Development

*Write, fax or email for a FREE Prospectus to:*  
**CAMBRIDGE INTERNATIONAL COLLEGE**  
 PO Box 1378, Southampton, SO17 3WX, Britain  
 website: [www.cambridgecollege.co.uk](http://www.cambridgecollege.co.uk)  
 email: [info@cambridgetraining.com](mailto:info@cambridgetraining.com) Fax: 00 44 1534 485071

Papua New Guinea National Training Council Approved Training Provider





## MIDIA TOKSAVE

# WARA SAPLAI I GO INSAIT STRET LONG OL SETELMEN

Mi gat bikpela amamas tru long tokaut long ol pipel bilong Pot Mosbi olsem i gat wanpela program mi yet mi kirapim bilong pulim wara saplai i go stret insait long ol haus bilong ol manmeri i sindaun insait long ol setelmen.


Mi gat bikpela tingting long mekim dispela program i karim kaikai na mi mekim bikpela wok pinis long kirapim dispela bikpela sevis kwik.

Wara saplaia bilong Pot Mosbi, Eda Ranu i givim bikpela tok promis na sapot bilong em long dispela program bilong mi olsem hap bilong ol komyuniti luksave bilong em na ol bai givim olgeta teknikal sapot long dispela projek.

Ol pepawok bilong dispela projek em mipela sainim pinis wantaim Eda Ranu na nau i stap wetim kirap bilong wok.

Long dispela taim, mi laik autim bikpela tok tenkyu na luksave i go long Eksekutiv Siaman bilong Eda Ranu Mista Timothy Bonga na menesmen bilong em long tok wanbel long wokbung wantaim Nesenel Kapitel Distrik Komisin aninit long lidasip bilong mi olsem Gavana long bringim dispela bikpela sevis i go long ol pipel.

Wara em i bikpela samting long ol laip bilong ol manmeri, na em i bikpela samting moa olsem yumi, ol lain i holim wok bilong givim dispela kain sevis bai i mas op i go long ol pipel.



Mi bihainim dispela rot bikos mi yet mi luksave long bikpela hevi i stap long ol pipel olgeta de na mi pilim hevi bilong ol olsem ol i nogat wara i go long haus bilong ol na dispela hevi i stap longpela taim tru wantaim ol.

Long mi yet, mi pilim wankain hevi taim mi stap long Taikone viles na em i strongim tingting bilong mi yet long karimaut dispela projek olsem wanpela bikpela wok bikos mi bilip ol pipel bilong yumi i no wok kisim dispela bikpela sevis we i mas stap bilong strongim laip bilong ol manmeri.

Ol pipel i karim dispela hevi longpela taim pinis na nau mi laik stopim dispela hevi na pulim wara saplai i go insait stret long ol haus.

Mi klia olsem Eda Ranu yet i bungim

planti hevi long traim kisim pe bilong wara saplai i go insait long setelmen. Mi wanbel long ol hevi bilong Eda Ranu bikos long wok bisnis, i mas i gat pe bilong olgeta samting.

Olgeta dispela tingting em mipela i skelim gut tru insait long dispela wokbung namel long ol ogenaisi esen bilong mipela na mipela bai mekim dispela wok bilong givim dispela bikpela sevis long strongim sindaun bilong ol pipel bilong yumi.

Tru tumas, mi olsem wanpela lida ol pipel i makim i laik lukim dispela projek bai em i kirap na ron gut na karim gutpela kaikai bilong ol pipel.

Mi go pas long dispela projek bikos em i bikpela wok bilong stretim ol pipel insait long ol setelmen bikos i no gat wanpela lain i go pas long lukautim sindaun bilong ol setelmen long givim na strongim ol besik komyuniti sevis.

Wantaim bikpela sapot i kam long Eda Ranu, Mi bilip olsem mi ken rausim ol hevi i stap nau long sait bilong wara na strongim wara saplai i go insait long ol setelmen na ol lokol viles long ol mun i kam.

Wara em i samting yumi olgeta i mas i gat.

**Tenkyu.**

**HON. WARI J. VELE MBE, MP**  
**NCD Gavana**  
**na Siaman bilong NCDC Bod**



**WANTOK**  
**KOMENTRI**

**PNG pipel i gat inap save**

LONG Sande i go pinis, man husat i go pas long; lukim namba wan taim bikpela nesanel ileksen bai yusim wanpela nupela rot bilong vot, Ilektorel Komisina Andrew Trawen i bin tokim ol niusman olsem ol PNG manmeri i gat inap save long yusim bihainim nupela Limited Preferensel Vot sistem o LPV.

Dispela tok klia i kam long Mista Trawen, maski i gat ol kain kain sut toktok i kam long maus bilong ol memba bilong Palamen olsem wok rere bilong 2007 ileksen i no ron gut.

Mista Trawen yet i tok olsem dispela nupela sistem bilong LPV i bin ron gut pinis insait long ol bai ileksen i bin kamap las yia. Na i nogat as long ol manmeri i paul long bihainim stret insait long ol ileksen dispela yia.

Long wankain taim tu, em i tokaut olsem i gat ol lain manmeri insait long Hailans rijen i wok long givim ol kain kain giaman nem taim ol i go long enrol.

Dispela kain hevi nau i lukim Ilektorel Komisina i wok long glasim gut tru ol enrolmen i kamap insait long dispela hap bilong kantri.

Tasol Mista Trawen i tok tu olsem ol wokmanmeri bilong em i wok glasim bek olgeta dispela samting long sekim sapos ol nem ol i kisim em ol tru tru nem o nogat.

Maski olgeta dispela hevi i stap, Mista Trawen yet i bilip olsem ileksen bai ron orait. Yumi mas i gat bilip olsem em bai ron gut.

Tru em i namba wan taim bilong olgeta hap bilong kantri bai yusim dispela nupela LPV vot sistem, tasol yumi no nupela long taim bilong ileksen.

Wankain olsem yumi lukim ileksen tok promis bilong gavman olsem ol bai kirapim tupela provins bilong Hela na Jiwaka.

Taim i wok long sot bilong kamapim dispela tupela nupela provins na ol pipel i mas kliaim tingting bilong ol na redi long makim ol lida husat i ken givim tok promis we bai karim kaikai.

Yumi PNG manmeri i gat inap save long mekim ileksen 2007 i ron gut. Sapos yumi bungim bagarap, em bai kamap long han bilong ol lida na ol kendidet husat i yusim paul pasin long traim winim ileksen. I no long mak bilong save bilong yu na mi.



**Hela na Jiwaka provins**  
**...Gris bilong ileksen**

**HELA na Jiwaka provins i kamap olsem politiks toktok bilong grisim ol pipel long givim vot long Nesanel Alaiens (NA) long 2007 nesanel ileksen.**

Taim bilong sindaun na stretim na kamapim dispela tupela provins em sot pinis na tu bai i nogat taim tu long mekim dispela samting i kamap tru. Sapos gavman i bin statim long stat bilong 2005 em bai orait. Ol ken pasim na kamapim long palamen long 2006. Tasol nau em nogat taim tru.

Evidens o klia piksa i kamap taim Palamen i kamapim nesanel baset bilong 2007 we i nogat wanpela hap nem bilong Hela o Jiwaka i stap insait long baset. Sapos gavman i gat bikpela tingting long kamapim dispela tupela provins, orait em mas mekim sampela mani i redi nau bilong redim ol graun na rot bilong sanapim dispela tupela provins long 2008.

Sekim gut sapos Dipatmen bilong Inta Gavman Rilesens i

gat mani bilong Jiwaka na Hela bilong stretim ol graun, opis, pablik sevens, ol rot na planti arapela samting bilong kamapim provins.

Sapos nogat, em nau yumi save olsem em mauswara bilong gavman bilong Somare tasol.

Yumi save olsem long Sauten Hailans provins, nogat wanpela memba bilong ol em NA man. Em ol arapela pati tasol ya olsem PNC, PPP, PNG Party na arapela pati. Long Westen Hailans provins tu em ol memba bilong hap em PDM, National Pati, PPP na arapela.

Olsem na ating em gem bilong NA long traim winim sit long ol dispela tupela provins long 2007 nesanel ileksen ya wantaim dispela wok bilong givim tupela nupela provins ya.

Em i tru ol pipel laikim gutpela sevis na developmen long go long ol pipel bikos ating namba bilong ol pipel i bikpela tumas na tu sais bilong provins



em bikpela tumas. Olsem na gavman mas brukim na kamapim nupela ilektoret o provins bai sevis ken go gut long pipel.

Tasol dispela kain samting em yumi mas statim gut long stat bilong yia wantaim inap mani o baset bilong mekim wok wantaim. Toktok nating em i no stret.

Nau sapos NA o Somare wantaim ol lain bilong em go kempen long Hagen o Mendi bai ol pipel bai singaut long ol stret ya. Ol pipel bai singaut olsem, Hela we, Jiwaka we?

Bai yu tok wantaim nau. Em taim bilong ileksen ya na olgeta toktok bai yu mekim nau em ol pipel bai tok mauswara ya. Mipela les long votim giaman pati ya. Em toktok NA bai harim stret long ol pipel bilong dispela tupela nupela provins long taim bilong nesanel ileksen.

Palamen bai kam bek na holim las bung bilong em long mun Epril long neks mun ya. Na em las bung bilong pinisim ol liklik wok we i stap yet. Tasol bai nogat taim tru long kamapim Hela na Jiwaka bikos dispela samting bai kisim tripela bikpela vot wantaim 73 vot long mekim i kamap lo na oraitim provins long kamap.

Ating sapos NA long mekim gut long Sauten Hailans na Westen Hailans provins, em inap pusim na kaampim las minit provins. Tasol baset bilong em we? Sapos i gat baset o mani bilong tupela provins ya i stap orait tokaut na ol pipel ken harim na save.


Em nau arapela kendidet na pati bai tok, sapos ol kamapim gavman, bai ol givim Hela o Jiwaka provins. Olsem na ol pipel mas lukaut gut na was gut long dispela kain toktok bai kamap long Jun nesanel ileksen. Em taim bilong ileksen ya olsem na noken pundaun nating long mauswara bilong politiks.

**Kusai, paul na stil pasin em korapsen**

SAMPELA meri na ol grup bilong ol meri tu, ol i poromeri na ol i save wok bung, tasol ol i save tok baksait na daunim ol arapela meri yet. Planti meri i no save respektim ol poromeri na wan wok bilong ol, na ol i save paul wantaim ol man bilong ol. Taim wanpela man i paitim nogut tru meri bilong em, planti ol meri i no inap bung na sapotim dispela meri na krosim man. Planti taim bai ol meri i putim asua i go antap long meri gen.

Long hia tu, as bilong dispela samting em i stap long ol meri i no save pilim gut long ol yet. Taim ol man bilong ol i save paitim ol na ol i pilim nogut na em i hat long ol long sapotim arapela meri.

Long Melanesia tete, planti skul i no save lainim ol pikinini long tok ples na kastom bilong ples bilong yumi. Ol i save skulim ol pikinini Inglis na long pasin bilong wait man. Dispela i save mekim ol skul mangi i lusim bilip long tok ples na pasin kastom bilong yumi



Papua Niugini (PNG) na tu dispela skul sistem we ol wait man i bin kisim i kam long Melanesia, em i olsem traiengel piksa. Em i save gat spes bilong liklik lain tasol long pinisim gut skul bilong ol. Long dispela as planti skul mangi i save drop aut taim ol i pinisim gred 6 o 8 tasol.

Na tu narapela as bilong ol kusai pasin, em ol skul bilong ol wait man bilong wanem ol dispela skul i save soim yumi long pasin bilong ol wait man we ol i save tingim ol yet tasol, nau. Planti manmeri i wok long traim long kamap olsem ol wait man, em long baim planti samting na kusai nabaut long wok na save bilong ol yet. Dispela kain pasin i wok long

bagarapim gutpela komyuniti sistem bilong yumi ol Melanesia we yumi save tilim samting na wok bung long kamapim gutpela sindaun bilong olgeta manmeri bilong P.N.G.

Narapela samting, dispela rabis pasin bilong ol wait man i wokim na nau ol komyuniti bilong yumi ol Melanesia i no wok bung gut olsem pastaim long stretim ol hevi. Nau ol manmeri i resis tasol long husat bai gat planti mani na planti samting, na long dispela as planti kros na pait i save kirap long yumi yet. Sapos yumi glasim gut ol hevi na ol kusai, paul na stil pasin insait long ol komyuniti bilong yumi, bai yumi lukim olsem bikpela asua em i dispela skul na pasin bilong ol wait man we ol i bin kisim i kam long yumi Melanesia.

Dispela i wokim na yumi lusim bilip bilong yumi yet na long komyuniti bilong yumi. Na tu em i wokim na yumi wok long kamap hangere long

mani na ol samting bilong ol wait man. Sapos yumi bosim gen ol skul bilong yumi na yumi skulim ol manmeri na pikinini bilong yumi long gutpela samting bilong kastom na kalsa bilong yumi, bai ol manmeri i gat bilip long ol yet na long ol komyuniti bilong ol. Yumi mas bung na toktok wantaim long strongim bilip long stretim ol hevi long pasin bilong kastom. Yumi mas kirapim gen ol haus man na haus meri bilong givim skul na strongpela bilip long ol pikinini na ol yangpela manmeri bilong yumi Melanesia.

Proverbs 20:27 spirit bilong yumi i olsem lam Bikpela (God) i bin givim yumi bilong yumi ken lukim olgeta tingting na pasin bilong yumi na bai yumi inap skelim gut. Proverbs 11:4 maski yu gat planti mani, em i no inap helpim yu long taim bikpela (God) i laik bekim ol ron bilong yu. Tasol sapos yu bihainim stretpela pasin, dispela bai i helpim na yu noken i dai kwik.

**WANTOK**

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Promis nating bilong kempein

Dia Edita

Huon Iektoret i no kisim sevis we memba i bin promis long taim bilong kempein bilong em long Morobe Saut na Is Kos na insait long Wari Veli. Memba Sasa Zibe i tok olsem em bai kisim wanpela pasindia bot, bai ron namel long Lae na Morobe Patrol Pos, putim TV disk long Maunten. Iye na wokim ples

balus.

Tasol dispela ol samting i no bin kamap na 5-pela yia i go pinis. Long luksave bilong mi, em sevis bilong developmen trast tasol i wok long i go insait. Dispela wok bilong V.D.T em start pinis na bihain ileksen 2002, memba, i kisim sia. Dispela em sevis bilong N.G.O tasol, i no bilong gavman.

Pipel bilong Morobe stil yusim aut bot moto olsem

trenspot bilong ol. Ol mama insait long Waria Veli, ol painim rot long kisim maket kaikai i go long maket. Ol planti mamapapa ol i no inap long i go i kam long mon bikos ol i no save gut long dispela kain trenspot. Sapos gutpela wara trenspot na len trenspot ating em bai helpim ol mama long maket na ol man i gat liklik treid stoa long ples.

Ol pipel, nau em taim bilong ileksen, lukim gut man na votim, noken harim maus

bilong man i promis long wokim wanpela samting na grisim yu long kisim namba. Taim ol i save kisim, ol bai giamanim pipel long liklik samting tasol long pasim ai bilong pipel na i nogat kaikai bilong toktok ol i save mekim. Votim gutpela man husat i ken helpim na givim sevis long komyniti.

**MAIKENA SENA  
MOROBE PROVINCE**

# Gavman plis kamap wantaim nupela lo

Dia edita

Wanpela samting planti taim mi save harim long redio na ritim long pepa long pasin ol Asian na Melesien save mekim taim ol kam insait long kantri bilong yumi, em olsem planti bilong dispela lain i no save gat paspot na visa o tok orait long ol kam insait long PNG. Dispela kain pasin bilong ol save mekim ol kam na mekim ol kain bisnis long PNG wantaim nogat tok orait bilong PNG gavman.

Polis save holim planti tru taim ol kam long balus o long sip na kisim ples wantaim nogat tok orait long ol atoriti na gavman.

Tasol ol dispela lain no save pilim pen bilong gavman mekimsave long ol o sasim ol, ol save suvim het yet na kam insait long kantri na mekim bisnis wantaim ol lokel PNG lain. Dispela mi bilip ol braibim ol lokel lain na ol mekim bisnis hait i stap. Na i no long taim i go pinis long Nesenel pepa 29/01/07 Mande nius mi ritim gen dispela ol lain Asian na Melesien (10-pela) i bin stap hait na mekim wok bisnis insait long Pogera Veli we ol polis holim ol na sasim ol long K1000 na K2000 beil mani na ol bai kamap gen long Wabag Distrik Kot long taim na deit ol bai makim.

Mi yet ting olsem ating ol atoriti na gavman mas senisim lo bilong yumi long we em save sasim na mekim save long ol dispela kain lain na traim putim strongpela mekimsave na penalti long ol kain lain olsem.

Kot fain tu mas i go antap, na taim kot painim aut olsem ol i rong na burukum PNG Mama Lo bilong kantri orait kot mas putim ol go long kalabus 5-pela i go long 10-pela yia olgeta na maski long rausim ol i go bek long kantri bilong ol long wanem ol bai kam bek gen na yusim narapela nem na mekim wok bisnis long PNG sapos gavman i no inap long was gut long ol.

Narapela samting tu i olsem, ol save kam na braibim ol lain we ol save kam na stap wantaim ol na mekim wok bisnis long hait pasin na save salim tu ol CDs na vidio nogut (pornograpy) long ol lokel lain i stap klostu long ol na ol save baim na lukim.


Dispela kain em tupela sas ol mas kisim. Wanpela em long ol brukim lo na kam insait nating long PNG wantaim nogat tok orait na nogat paspot na visa we i tok orait long ol. namba tu em long sas bilong brukim lo long kisim ol dispela CDs na vidio tep nogut na kam salim long kantri.

Mi laik bai gavman mas putim stop long ol Asian na ol Melesien long kam insait long kantri, (maski ol i turis o nogat). Stopim kam bilong ol na putim aut long Intanesenel nius midia olsem PNG nau i putim stop long yu husat Asian o Melesien long kam long PNG long mekim wok bisnis o raun olsem turis tasol.

Ol lain we i stap nau na i gat pepa na tok orait long ol mekim wok bisnis insait long PNG em ol tasol ken stap na long ol nupela laik kam em gavman mas putim stop long ol pastaim. Na tu ol maigresen opis mas mekim ol sekap long ol dispela Asians we ol gat pepa na tok orait long ol ken wok, sekim nogut i gat planti ol arapela lain tu kam hait na stap wantaim ol we ol nogat paspot na visa long tok orait long ol kam na stap wantaim wantok bilong ol.

Dispela kain rot inap katim na stopim kam bilong ol i kam insait long PNG nating tru.

**P.I  
LORENGAU  
MANUS PROVINCE**



## BANK OF PAPUA NEW GUINEA NIUSPEPA TOKSAVE

### 1. OL KAPA MONI BILONG PAPUA NIUGINI

Mi laik toksave ken long pablik olsem strong bilong ol 1 na 2 toea kapa moni bai pinis long Epril 19, 2007. Dispela nau i minim olsem ol 1 na 2 toea kapa moni bai nogat moa luksave olsem moni. Mi laik toksave long husat manmeri i holim ol 1 na 2 toea kapa moni long kwik taim karim i go na givim bek long ol komesel benk brens inap long mak bilong 5 toea na senisim.

Mi laik toksave tu long pablik olsem olpela bikpela K1 hul moni em mipela bai stopim long kantri. Husat manmeri i holim ol olpela K1 hul moni i mas kisim i go bek long ol komesel benk brens na senisim ol.

### 2. OL LIP MONI

Mi laik toksave moa long pablik olsem Bank of Papua New Guinea i laik holim bek olgeta gutpela lip moni nau i raun i stap insait long kantri na strongim ol bai ol i ken bihainim mak bilong ol manmeri i yusim. Em bai ol i mas luk gutpela yet, i mas klin na i mas isi long holim na yusim, na tu, em i mas i gat dispela bikpela mak bilong lip moni sekyuriti we olgeta banis bilong em i strong yet na i klia yet long luksave na strongim piksa na nem bilong moni. Long mekim dispela ol wok, pablik i ken helpim na givim bek wanem kain lip moni i no moa gutpela (we i bruk, i gat hul long en, i bagarap, we pen bilong em i lus, em i doti, i nogat moa strong na ol kona bilong em i bruk nabaut) i go long ol komesel benk brens na senisim ol wantaim ol nupela lip moni.

Ol lipmoni wantaim ol dispela hanmak olsem ol i soim insait long ol piksa long hansut i no gutpela long yusim moa, na i mas i go bek long ol benk na senisim.

**L. WILSON KAMIT, CBE  
GAVANA**



(I OLPELA TRU NAT NO GUTPELA MOA)



(I BRUK)



(I OLPELA TRU)



# Intanesenel Wimens De, Mas 8

"PINISIM PASIN BILONG NOGAT LUKSAVE LONG OL BIRUA AGENSİM OL MERI"

## Stopim vailens agensim ol meri, strongim ikwaliti, developmen na bel isi

"PINISIM pasin bilong nogat luksave long ol birua agensim ol meri". Em het tok bilong Intanesenel Wimens De (International Women's Day) long dispela ya.

Yunaited Nesens (United Nations o UN) husat i save go pas long makim dispela de i tok dispela het tok i luksave olsem, tru planti wok i kamap long strongim ol intanesenel na nesenekot system long ol ya i go pinis, tasol planti meri yet husat i save stap long hevi long ol birua agensim ol we i brukim ol lo bilong humen rait - long domestik vailens o man i paitim meri i go long reip (bagarapim meri) long taim bilong woa - lo i no luksave long hevi bilong ol na stretim.

Long wanpela toktok Noeleen Heyzer, Eksekutiv Dairekta bilong Yunaited Nesens Fand bilong Wimen (United Nations Fund for Women o UNFEM) i mekim long makim Intanesenel Wimens De, em i tok dispela de i makim pait bilong ol meri long planti tausen ya long kamapim wanpela wol we i gutpela moa.

"Intanesenel Wimens De em stori bilong ol meri husat wok long bung wantaim na traim long bringim ikwaliti (wankain luksave long rait na strong bilong ol man na meri), jastis (lo na oda) na pis (peace, bel isi o nogat pait o woa) long wol," Mis Heyzer i tok.

Em i tok namba wan luksave bilong dispela de i bin kamap long Yurop (Europe) long Mas 19, 1911, taim wanpela reli o bung i bin kamap long kisim luksave long rait bilong ol meri long vot, holim pablik opis, na wok ausait long ol haus bilong ol.

Sapot bilong dispela tingting na pait bilong ol meri i bin kamap bikpela taim 140 wokmeri i bin dai long wanpela paia long Traiangel Fektor (Triangle Factory) long Nu Yok Siti (New York City) wanpela wik bihain, em i tok.

Mis Heyzer i tok olsem Insait long neks tripela ya sapot i gro moa taim ol meri i bin holim ol reli long ol dispela ya long tok strong agensim ol birua we i bin kamap bikos long Wol Woa 1.

"Dispela ya, wankain olsem ol narapela ya, dispela de i givim yumi sans long lukluk i go bek long dispela pait, na kisim strong na redim yumi yet long go het," em i tok.

Em i tok planti samting i wok long soim olsem luksave long ol rait bilong ol mēri i wok long kamap.

Wol i luksave nau olsem jenda ikwaliti i bikpela samting na i save strongim humen developmen na sekyuriti, o developmen na sekyuriti bilong ol pipel.

Wol i luksave tu olsem sik

HIV/AIDS i wanpela jenda isyu tu, i no wanpela helt isyu tasol. Luksave i stap olsem reip i wanpela pait samting olsem gan we ol lain i ken yusim long bagarapim ol meri long taim bilong woa, na i brukim ol humen rait lo tu. Konvense bilong Eliminisen bilong Olgeta Kain Diskriminesen Agensim ol Meri (Convention on the Elimination of All Forms of Discrimination against Women, o CEDAW), em nau 185 kantri i sainim. CEDAW em olsem wanpela hap lo we ol kantri i sainim i wanbel long luksave long dispela hevi long birua agensim ol meri, na traim long daunim, Mis Heyzer i tok.

Em i tok long ol wan wan kantri tu, wok i kamap long luksave long ol rait bilong ol meri.

"Tasol olgeta dispela hatwok i ken lus nating sapos vailens agensim ol meri i kamap yet. Vailens agensim ol meri save helpim mekim sik HIV/AIDS kamap bikpela moa, na save stopim ol meri long brukim dispela banis bilong sindaun i no gutpela, na nogat mani, stap trangu, olsem ol mama, na ol mama bilong mama bilong ol, na kamapim ol laip o sindaun we i gutpela moa," Mis Heyzer i tok.

Em i tok olsem long taim bilong pis dispela hevi em bikpela, tasol long taim bilong woa, em i save kamap bikpela moa.

UNIFEM i wok wantaim ol meri grup na ol gavman moa long 20 ya long stopim ol kain kain vailens we ol meri i save bungim, em i tok.

Mipela i lainim olsem long stopim vailens agensim ol meri, mipela i mas i gat kain kain ol plen (streteji) na wok long kain kain ol sekta long ol kain kain mak (level), em i tok.

Ol lo bilong stopim vailens agensim ol meri i mas gat mani (fanding) long sapotim, ol regulesen long ol institusen, na ol opisal i mas kisim trening karimaut ol dispela lo na regulesen, Mis Heyzer i tok.

"Dispela ya i makim namba 10 bon de (aniversari) bilong UN Trast Fand (Trust Fund). Long ol dispela 10-pela ya long mekim wok agensim vailens agensim ol meri, mipela i lukim olsem mipela i ken stopim.

"Tasol yumi i mas gat wanpela strongpela plen na ol risos long strongim dispela wok.

Bungim sistem wantaim na lukim wanem ol plen and wok i bin wok gut. Taim dispela i kamap, em yumi bai daunim vailens agensim ol meri," em i tok.

Long dispela Intanesenel Wimens De, em i wok bilong yumi nau long kisim dispela salens long stopim vailens agensim ol meri, na strongim ikwaliti, jastis na pis, Mis Heyzer i tok.

### Veronica Hatutasi i raitim

Moa meri i mas go insait long Palamen na gavman i mas traim hat long givim sapot long redim na pinisim ripot bilong ol meri (CEDAW) long prisenim long han bilong Yunaitet Nesens (UN) bodi we dispela wok i kam aninit long em.

Praim Minista Gren Sief, Sir Michael Somare i bin wokim dispela toktok taim em i bungim samting olsem 30 meri long moning ti bilong amamasim Intanesenel Wimens De.

Planti ol bikmeri long ol gavman dipatmen, liklik lain nongavman ogenaisesen na sampela niusmeri i bin sindaun dring ti na toktok wantaim Sir Michael long konprens rum long Morata Haus long Waigani, Mosbi.

Long het tok bilong Women's Intanesenel De i pundaun tude, "Pinisim pasin bilong nogat luksave long ol birua agensim ol meri", "Sir Michael i bin tok gavman bilong em i sapotim wok long daunim dispela, tasol

### ...Amamasim Intanesenel Wimens De

bikpela samting em papamama wantaim i mas strongim gutpela pasin taim ol i yangpela yet na luksave long ol narapela na moa yet, long ol pikinini meri.


Em i bin tok long luksave long dispela de, yumi amamasim tu ol gutpela wok we ol meri insait long PNG i mekim, na long amamasim dispela yumi i amamasim laip.

Sir Michael i bin luksave long ol niusmeri husat i save ripotim na long dispela rot tu, givim skul long ol samting i sut long ol meri, pikinini na famili.

"Ol nius long ol gutpela wok kamap ol meri i wokim em ol niusmeri i save ripot long en tasol i no save kamap long fran pes. Tasol ol i no save stop long ripot na givim infomesen i go aut na infomesen em i tul o samting long helpim ol wok developmen," Sir Michael i tok.

Sampela ol bikpela samting we ol meri i bin toktok wantaim Sir Michael long en em long

# PM tingim



• Sir Michael.

Dipatment bilong Edukesen na gavman i givim bikpela tingting long strongim vokesenel na teknikel trening long kantri, na ol meri i mas bung wantaim na wantaim ol kain save long mak bilong ol, ol i ken strongim na sapotim wanpela arapela long kamapim ol gutpela samting long helpim ol meri, komyuniti na kantri.

Dispela em i namba wan taim kain bung olsem i kamap na Sir Michael wantaim tu ol meri i bin amamas long sindaun long sotpela taim na toktok long sampela ol samting we i karamapim ol meri insait long dispela kantri.

Lukim ol piksa long pes 18.

## Message of Thoraya Ahmed Obaid, UNFPA Executive Director on the occasion of International Women's Day, 8 March 2007



**No matter where a girl is born, she should live free of discrimination and violence. Every girl and woman should enjoy equal opportunity and equal rights.**

**Yet, violence against women and girls continues to be widespread and most of these crimes go unpunished.**

**The theme of this year's International Women's Day, "Ending impunity for violence against women," calls for stronger commitment and action. The widespread impunity that exists today not only encourages further abuses and suffering. It also sends the signal that male violence against women is acceptable or normal. It is not. Together, we can and must do more to prevent violence against women, provide services to survivors, and ensure that perpetrators are punished.**

**UNFPA, the United Nations Population Fund, is committed to working with partners to combat discrimination and violence against women and girls. Today, we pay tribute to the women and men in every country who are demanding justice, and to the parliaments and governments that are taking action.**

**While progress has been made in the adoption of laws, much greater action is needed to ensure that laws are enforced and awareness is raised. Everyone should understand that violence against women and girls is unacceptable and will no longer be tolerated.**

**UNFPA will continue to work within the United Nations system and with governments and civil society to put national action plans in place that prevent and address violence against women. We will continue to promote human rights, including the right to sexual and reproductive health, women's empowerment and gender equality.**

**Together, we can change deeply rooted attitudes and practices that discriminate against women and girls. And together, we can ensure that all those who respond to violence against women-whether they are police officers, judges, lawyers, immigration officials, medical personnel, or social workers-are sensitized and trained to provide a response that is compassionate and comprehensive.**

**By ending impunity for violence against women, we will make greater progress in achieving peace, development and human rights for all.**

### Kisim Helpim

Long kisim ol toksave na tok stia long ol we yu ken abrusim domestik vailens, yu ken ringim ol Famili na Seksuel Vailens Komiti, hap han bilong Konsaltativ Implamentesen na Monitaing Kaunsel (CIMC) long telepon namba 321 1714 o 320 3728 o feks i go long ol long feks namba 321 7223. Sapos yu gat email yu ken rait i go long cimc@daltron.com.pg o go lukim ol long 5th Floor, Mogoru Moto Biding, Dauntaun, Pot Mosbi. Boks namba bilong ol em 1530, Pot Mosbi.



# Intanesenel Wimens De, Mas 8

"PINISIM PASIN BILONG NOGAT LUKSAVE LONG OL BIRUA AGENSIM OL MERI"

# Stat luksave

OL WOK bilong Australia long daunim ol pasin bilong ol man i lukluk i go daun long ol meri na i no givim luksave long ol strong, save na rait bilong ol long ol kantri i wok long develop yet olsem Papua Niugini (PNG), bai ron gut moa nau bihain long kamapim bilong wanpela nupela polisi, Minista bilong Foren Afeas bilong Australia, Alexander Downer i tok.

Dispela polisi em ol kolim Jenda Ikwali long Eid Program bilong Australia - Wai na hau (Gender Equality in Australia's aid program-Why and how.), em i tok.

Jenda ikwaliti em olsem luksave long luksave olsem man na meri i gat wankain rait.

Mista Downer i tok dispela polisi i strongim moa long 10-pela yia wok, na moa long \$500 milien invesmen gavman i putim i go insait long dispela program. Han bilong Gavman bilong Australia, AusAID, we i save wok long ol narapela kantri i go pas long ol program we i helpim long daunim ol ekonomi na sosel hevi, moa yet namel long ol meri grup na ol grup we ol narapela lain i save daunim ol rait bilong ol.



Tupela musik meri bilong Australia, Vika na Linda Bull (saisait), i helpim Mista Downer (namel) lonsim polisi.

**POTO: HAI KOMISEN BILONG AUSTRALIA LONG PNG**

Ol meri long ol kantri we i wok long develop yet, olsem PNG, sindaun bilong ol meri i no gutpela tumas. Sans bilong ol liklik meri long dai pas long nogat kaikai o ol sik we dokta inap stretim i antap moa long sans bilong ol mangi. 500,000 (5 handred tausen) meri i save dai long ol hevi bilong karim pikinini, em i tok.

Em i tok olsem Long Esia Pasifik rijen, nogat planti meri i save wok

long kisim makmak long potnait, na long planti hap hevi bilong nogat wok bikpela moa long ol yanpela meri. Planti meri i no holim pablik opis.

"Dispela polisi i putim jenda ikwaliti olsem namba wan samting mipela bai lukluk long long daunim poveti (stap trangu) na strongim eid (helpim) we i wok long go insait long ol kantri," Mista Downer i tok.

Em i tok dispela polisi i soim rot Australia bai bihainim long sapotim ol patna kantri long kamap long dispela mak bilong strongim tru jenda ikwaliti long ol narapela 10-pela yia.

Em i tok Australia bai helpim long strongim ol ekonomik polisi we i helpim ol meri na ol man long kisim ol risos olsem graun, fainensel sevis, teknoloji, trening na ol maket.

"Mipela bai helpim long strongim ol meri lida na lukim olsem ol samting ol meri i laikim i stap insait long ol polisi na developmen program bilong ol kantri," Mista Downer i tok.

Em i tok ol bai sapotim ol edukesen sistem na wok bilong daunim hevi bilong jenda ikwaliti insait long praimer i na sekonderi edukesen tu.

## PM luksave long bikpela de



• Sampela ol meri bilong ol gavman, non-gavman ogenaísesen na midia i stap wantaim Praim Minista Gren Sief Sir Michael Somare long aste long luksave long Intanesenel Wimens De.




• Sampela ol bikmeri bilong ol gavman na non-gavman ogenaísesen husat i bin stap long dispela bung. (Iephan i go long rait) Kila Amini, Margaret Elias, Hitalai Polume, Lady Hilan Los, Erigiri Singin, na Lucy Bogari. **OL POTO: VERONICA HATUTASI**



## Intanesenel Wimens De

8 Mas 2007

Pinisim pasin bilong nogat luksave long ol Birua Agensim ol Meri



Long 1997 Yunaitet Nesens Jeneral Asembli i kamap wantaim tingting na askim ol Memba Kantri long makim wanpela UN De bilong Rait bilong ol Meri na Intanesenel Bel isi - Intanesenel Wimen's De - we i save kamap long Mas 8. As tingting bilong dispela de em long luksave olsem kamapim bel isi na komyniti wok i go het na kisim amamas long olgeta humen rait na ol bikpela fridom i laik lukim i gat ektiv patisipesen, ikwaliti na developmen bilong ol meri; na luksave long wok ol meri i mekim long strongim Intanesenel bel isi na sekyuriti.

### OL MERI REFUJI

Insait long olgeta grup refuji, samting olsem 50 pesen o hap bilong olgeta dispela lain refuji em ol meri na pikinini meri. Ol i nogat moa banis bilong haus, gavman na planti taim insait long famili bilong ol, ol meri i save bungim planti moa birua.

Ol i save mekim ol longpela wokabaut long painim gutpela ples, ol i save kisim bagarap long han bilong ol opisa o i nogat luksave bilong ol na oltaim pasin bilong bagarapim skin ol i save kamap maski em i luk olsem ol i painim pinis gutpela ples bilong stap. Ol meri i mas pait agensim dispela ol hevi sapos ol i wok olsem nes, tisa, bredwina o stap tasol long was long haus bilong ol. Ol i holim famili bilong ol maski long taim nogut na inap long mak we ol i kisim bagarap olsem long reip, man i paitim, katim skin bilong ol o hangre na ol man i lusim ol.

Het tok bilong UN 2007 bilong IWD em "Pinisim Ol Hevi Bilong Ol Meri." Long dispela UN i toktok long rot jastis sistem i no givim luksave long mekim wok painim aut gut na tok daunim ol dispela pasin nogut na jenda bes vailens (SGBV) agensim ol meri we i daunim mak na nem bilong ol meri.

Prosekysen o sasim, konviksen o kisim mekimsave na ditensen o kalabusim ol trabel man bilong SGBV i mas soim klia olsem dispela ol kain hevi bai nogat luksave olsem na em bai stopim ol arapela husat bai luksave olsem i nogat gutpela as long mekim dispela wankain ol pasin.

I mas gat tok we lo inap helpim ol meri na inap go isi kisim helpim long kot, moa long taim ol hevi bilong SGBV i kamap, na strongpela mekimsave long ol lain husat i mekim pasin nogut long ol meri. Sapos yu laik save moa long ol refuji meri o SGBV plis go o sekim websait [www.unhcr.org](http://www.unhcr.org).



• Refuji patisipesen woksop long Seksuel na Jenda Bes Vailens we UNHCR i holim long Is Awin, (Westen Provins) Refuji Setelmen.





**Lo bilong Lukautim ol Meri**



Skrum tok long Domestik Vailens

**Toktok bilong ol man**

Yupela ol man mas harim gut na skelim wanem samting ol meri bilong yupela i tok. Yu mas traim long save wanem as bihain long em toktok na skelim gut tingting bilong yu pastaim long yu toktok. Ol man mas traim strongim meri bilong ol long wanem kain driman ol gat long winim na rispektim pilings, pren na tingting bilong em.

Traim sindaun gut na toktok wantaim na noken sem long autim pilings bilong yu na dispela bai soim gutpela pasin long ol pikinini bilong yu long bihainim.

*Moa long neks wik...*

**Skrum tok long Infomel Bisnis**

**Husat ken statim infomel bisnis?**

Wan wan manmeri o grup inapim 5-pela man o meri ken statim infomel bisnis.

**Wanem samting I NO infomel bisnis?**

" Ol bisnis we i hap bisnis bilong bikpela kampani.

" Ol bisnis we i givim profesenel sevis olsem ol loya o dokta.

" Ol bisnis we i mekim inap mani long peim takis.

**Wanem ol mak long winim insait infomel bisnis?**

Long wan wan kain bisnis, sampela mak long helt na sefti stendet o mak em ol pipel mas winim.

Atoriti husat makim lo long wanem ples na taim long wokim infomel bisnis, mas autim publik toksaye long dispela.

*Moa long neks wik...*

**Raun lukim ol meri na pikinini**

**GUTPELA BILAS:**

Ol sumatin meri bilong Mongop Sekonderi Skul long Nu Ailan i stailim tru na redi long putim kamap danis bilong ol.



**NAISPELA HAITPLES:** Ol dispela pikinini mangi bilong ples Kalo, Sentral Provins na ol arapela bikman i sindaun hait long san na lukluk long wanpela bikpela samting i kamap long ples.



**KUK EM MIPELA YA:** Ol dispela meri long Vunapope i redim ol kaikai long ol lain i stap insait long wanpela bung.

**Bagarapim meri kamap bikpela long Sauten Hailans**

*...Nogat gutpela kot sistem bilong ples*

SAUTEN Hailans Provins i nogat gutpela Viles Kot system olsem na i nogat hap long stretim ol hevi long bagarap ol meri i kisim long han, bilong ol man na ol arapela hevi i kamap insait long komyuniti.

Ekting Kontrola bilong pastaim Stet Ov Imejensi long Sauten Hailans, Geoffrey Vaki i tok domestik violens o pasin bilong kamapim hevi insait long famili insait long Sauten Hailans i wok long kamap planti na i nogat hap bilong stretim ol dispela hevi na moa.

Mista Vaki i tok planti meri na ol arapela i wok long dai bhainim kros na pait long famili na peim kompensesen i wok long stretim hevi.

Em i tok provinsel administreta na sekyuriti fos lain i wok wantaim nau na ol i lukluk long kisim helpim long ol atoriti na kirapim strong viles kot sistem:

Em i tok ol lain we i kilim dai narapela i no wok long kisim mekimsave olsem na sosaiti na komyuniti i ting olsem kompensesen tasol em i rot long stretim ol hevi i kamap long paitim, bagarapim na kilim dai meri long famili hevi. Tasol i gat narapela rot i stap, Mista Vaki i tok.

**DWU sumatin meri givim HIV/AIDS ripot pepa long Midel Is bung**

Aiva Tamate  
- DWU Publik Rilensens i raitim

OL wan skul lain na pren bilong em long Divain Wod Yunivesiti (Divine Word University o DWU) i sindaun insait ol klasrum tasol long longwe hap tru, wanpela meri sumatin i bin stap long wanpela intanesenel konprens o bung.

Josephine Mann, fainal yia sumatin husat staid long Jenelisis i bin mekim ron long Dubai insait Yunaitet Arab Emirates we em stap insait 'Edukesen Wantaim Nogat Banis' konprens we i bin kamap long Febueri 25, 26 na 27.

Mis Mann i wanpela bilong tripela sumatin husat i bin laki long gat sponsa long go long dispela bung.

Ol arapela tupela sumatin (Ruth Moiam bilong DWU na Titus Kuman bilong Yunivesiti bilong PNG) i no bin gat inap taim long painim sponsa.

Makim bilong Mis Mann long go long konprens i kam bihain long em bin raitim tupela risets pepa long watpo em laik go long dispela konprens na wanem samting bai kamap taim em kam bek long kantri.



Foto: DWU Komyuniti Infor

**MERI SUMATIN SAPOT:** Josephine Mann (longwe lephan) wantaim ol pren Ruth Moiam (namel) na Renagi Taukarai (raitim) (4th yia Komyunikesen Ats) husat i amamas long poromeri bilong ol i makim DWU, ol meri na PNG long Midel Is konprens.

em lukluk long en em sapos HIV/AIDS aweanes i ron gut insait Papua Niugini o nogat.

"Yumi save ridim long midia olsem planti samting i kamap insait long HIV/AIDS aweanes wok, tasol ol namba wok long go antap yet - wanem samting i rong?," Mis Mann i tok.

Mi laik save sapos ol pipel ting save gut long wanem toktok i

makim insait ol posta na hap pepa ol save givim aut taim ol karim aut aweanes, em i tok.

"Dispela ol samting em mi traim long glasim na toktok long en insait namba tu risets pepa bilong mi," Mis Mann tok.

Edukesen Wantaim Nogat Banis save kamap olgeta tupela yia na em sans bilong ol sumatin long olgeta hap bilong wol na ol

bisnis lida long toktok long ol bikpela samting we i wok long kamap insait long wol na kamapim sampela bekim.

I nogat bekim long HIV/AIDS insait PNG tasol em givim sans long Josephine soim ol arapela long ron bilong sik insait long kantri insait ol risets pepa bilong em.

"Mi bin go long lukluk, harim tasol ol toktok tasol mi bia stap insait wanpela projek long autim wanpela megesin we i lukluk long ron bilong konprens."

Mis Mann long wankain taim i bilip long toktok long wanpela wol konprens taim em gat sans long wokim.

Long nau, Edukesen Wantaim Nogat Banis konprens i givim em sans olsem sumatin aninit long digri progrom long stap insait wanpela intanesenel bung na dispela i inap long em long dispela taim.

"Olgeta arapela konprens i bilong ol pos greduet na long ol pipel husat i gat planti save na wok longpela taim na mi amamas mi bin gat dispela sans," em i tok.

Mi laik givim spesel tok tenkyu go long Bruder Michael McManus, Het bilong Komyunikesen Ats Dipatmen long tokim mi long dispela oge-naisesen na strongim mi long salim pepa bilong mi," em tok.

**Kabinet makim meri olsem wanpela TSC Komisina**

Veronica Hatutasi i raitim

TISING Sevis Komisin (TSC) long namba wan taim i makim wanpela meri long wanpela top posisen olsem Komisina.

Minista bilong Edukesen Michael Laimo i tok Kabinet taim em i makim nupela siaman bilong TSC i bin makim Misis August olsem Komisina-Operesens.

Misis August i wok wantaim Edukesesen Dipatmen long 29 yia.

Misis August i bin wok olsem wanpela teknikel kolis tisa na tu, long teknikel divisen bilong Edukesen Dipatmen long planti yia.

Na dipatmen i bin lukim gutpela wok bilong em na mekim em olsem Superintenden-Operesens na Ekting, Seketeri, Teknikal Divisen.

Minista Laimo i tok gavman i amamas long makim wanpela meri long dispela posisen long lukim olsem i gat nau, man a meri i wok long TSC.

Wanpela meri tasol i bin holim wok olsem TSC Komisina bipo. Em long leit Dame Rose Kekedo long yia 1979 inap long 1980.





# DEPARTMENT OF LABOUR AND INDUSTRIAL RELATIONS



Office of the Minister

P O Box 5644

BOROKO N.C.D

Papua New Guinea

## MINISTERIAL STATEMENT ON THE EMPLOYMENT OF FOREIGN WORKERS IN PAPUA NEW GUINEA

There have recently been a number of articles within the local print media related to the employment of foreign workers in Papua New Guinea. As the Minister for Labour and Industrial Relations, I feel it is now important that I provide a public statement expressing my views on this very important issue.

I have noted with significant concern the recent reports of the sub-standard working and living conditions of Papua New Guinean workers engaged by certain companies in PNG.

I wish to make it clear that I regard the behaviour of these companies as totally unacceptable. Our people must be provided with safe, clean and acceptable working conditions at all times. They must be paid their lawful entitlements. They must enjoy equal opportunities within the workplace, including having access to training and promotional opportunities.

In respect to the media reports on the Ramu Nickel Project, I am encouraged by recent reports that ENFI PNG Limited has taken steps to remedy the current situation. Whilst these are positive steps, I have asked the Department Of Labour and Industrial Relations to monitor these developments and to ensure that the company carries through with its undertakings.

### Requirement to Possess Work Permits

I wish to reiterate the recent comments made by the Secretary, Department of Labour and Industrial Relations, Mr. David Tibu, regarding the requirement for foreign workers to hold a valid Work Permit. It is a contravention of Papua New Guinean law for a non-citizen to engage in employment without first obtaining a Work Permit. Employers, and non-citizens, who do not comply with this requirement will be penalized.

Non-citizens who are allowed entry into Papua New Guinea on Business Visas and APEC Business and Travel Cards are not allowed to engage in regular employment. If these non-citizens wish to undertake work, they must approach the Department of Labour and Industrial Relations for the necessary Work Permit.

Finally, as recently noted in the press by Secretary Tibu, non-citizens who have made applications for Permanent Residency must ensure they continue to hold a valid Work Permit. The lodgement of a Permanent Residency application does not negate the need to make an application to

review a Work Permit which is about to expire. Only when Permanent Residency is granted, does the requirement to hold a work permit fall away. In addition, all non-citizens who receive Permanent Residence must notify the Department of Labour and Industrial Relations of their change of work permit status.

### A Rigorous Inspection Program

I have recently instructed the Department to step up its rigorous inspection campaign across our country to ensure those that contravene our rules are held to account. Under the direction of Secretary Tibu, Inspectors will continue to visit all workplaces throughout Papua New Guinea over the coming months. I am hopeful they will find that everything is in order. However, everyone should be in no doubt that those who are in breach of our laws will be identified and penalized.

### A New Law on Foreign Employment

I am very pleased to announce that the National Executive Council has recently approved, for introduction into Parliament, a new law on foreign employment. This new legislation will ensure the correct balance between the needs of the business community for foreign labour and the legitimate expectation of our people for decent work and opportunity. It will promote training and empowerment opportunities. It will remove unnecessary red tape and impediments to investment and growth. It will also strengthen the capacity of the Department to monitor and enforce compliance with the rules regarding the employment of non-citizens. Indeed, our new legislation will provide a clear way forward for all parties and I remain hopeful that this new law will be considered within the current sittings of Parliament.

### A Call for Co-operation and Respect

Finally, I take this opportunity to request the co-operation of all stakeholders to the foreign employment system in Papua New Guinea. As the Minister, I wish to make it clear that I expect that all parties, in particular businesses which engage the services of non-citizens, will work with the Department to ensure our legal system is upheld and respected.

**Matthew Siune, MBE, MP**  
**Minister for Labour and Industrial Relations**





# Hitsy i strong moa long raitim musik

**L**ONG ol yia i go pinis, em i kisim planti sut toktok long ol fens na ol arapela musik atis olsem em i wok isi isi tumas long rilisim ol musik albam bilong em na sampela i tok tu olsem dispela i wok sutim tru bel bilong ol produsa bilong em, tasol Hitsy Golou, musik man bilong Gaire i tok olsem i gat as long i gat malolo namel long ol albam bilong em.

Na ol produsa bilong em bai sapatim em olsem em i kam longpela rot pinis, na nau nek bilong em i strong moa na ol danis bilong em nau yu ken lukim olsem ol i stretim gut tru. Olsem na nupela albam bilong em i soim klia nupela save em i kisim long musik. Ol fens bilong Hitsy i tok olsem nau long 2007 em i bungim olgeta save em i kisim long wanpela ten foa krismas em i rekod, pilai laip musik na raun pilai musik insait long kantri na ausait long kantri tu.

Bipo long krismas las yia, em i bin autim nupela musik projek bilong em Vegua Wa, wanpela rekoding i gat wanpela ten foa nupela singsing long en we i autim bikpela luksave Hitsy i givim long en.

### I no wanpela bikpela samting

Lonsim bilong nupela albam, bihain long tripela yia, i no bin wanpela bikpela samting. Em i bin yusim Moale Nait long Junction nait klab long traim skelim strong bilong ol nupela singsing bilong em.

"Musik bilong nupela Vegua Wa albam i kisim planti gutpela bekim long namba wan nait, ol olupela fen i no bin luksave gut long nupela stail musik tasol ol nupela fens i skin kirap long ol nupela singsing long albam," Hitsy i tokim mi las wiken. "Mi save olsem yu bai amamas long nupela stail musik bilong mi tu, JK taim yu gat sans long harim."

I tru, mi ting olsem nupela stail musik bilong em i kam gut. Mi lukim pinis vidio klip bilong albam taitol na mi tok, tru tumas, musik bilong Hitsy i senis gut tru na em i fit moa. Em i gutpela tru na vidio-produksen divisen bilong Chin H Meen Supersounds i plen pinis long sutim wanpela arapela klip, dispela taim

nau bai ol i sutim klip bilong wanpela tok pisin singsing ol i kolim Heart Blong Mi dispela wiken i kam, wanpela strongpela nupela stail bilong musik we i gat bikpela kwolati long namba 6 albam bilong em.

### Rilisim klostu klostu i no gutpela

Hitsy Golou i luksave samting olsem sevenpela krismas i go pinis olsem i no gutpela long rilisim ol albam klostu klostu bikos wok long wan wan ol albam bai no inap stap long mak na strong bilong em na musik bai nogat gutpela pairap bilong en.

"Mi laikim ol fens bilong mi long bihainim ol bikpela, na mobeta singsing wantaim olgeta nupela albam mi rekodim," em i tok. "Tasol em i hat wok tru. Mi amamas olsem wan wan nupela rilis bilong mi bai gutpela moa na ol fens bilong mi bai amamas wantaim ol singsing bilong mi long ol albam mi rekodim pinis, olsem na nau mi wok skelim gut olgeta samting mi mekim nau."

Dispela man Gaire i wok givim samting olsem tripela o foapela krismas malolo namel long ol rekoding bilong em bihain long em i lusim CHM long go wok wantaim Rising Start Quality Sound Studios (RSQSS), we Siaman bilong NCDC na Rijinel memba bilong Mosbi, Wari Vele yet i kirapim.

Taim em i bin lusim CHM, em i bin asua tru bikos tupela albam em i bin rekodim pinis em Masena long 1997 na Right Man long 1999 i bin ol nambawan albam tru bilong em.

Em nau narapela albam bilong em IA, Ol i no bin mekim gut, tasol em i bin kisim luksave bilong RSQSS na ol i bin mekim wanpela tua raun i go long Cook Ailans we Hitsy i pilaim ol musik konset na tu sutim vidio klip bilong wanpela singsing long albam Pacific Medley, wanpela koleksen long ol Motu na Pasifik Ailan singsing.

### Go bek long CHM

Em i go bek long CHM Supersounds long 2003 na long mun Mas long yia bihain, em i rilisim namba 5 solo albam bilong em Mamina Perage, we i no bin

kirap tumas. Em nau Hitsy i luksave olsem em i no wok long lukluk strong long wok bilong em bikos em i wok guria long traim winim bek wankain luksave em i bin gat bipo.

Wankain taim las yia, Hitsy Golou i bin wokabout i go bek insait long Supersounds studio wantaim bilip olsem em i bungim inap singsing bilong rekodim wanpela nupela albam, na bihain long tripela mun tasol, em i stretim pinis 14 nupela singsing long Aroma, Koitabu, Motu, Hula, Kairuku, Tok Pisin na tok ples Cook Ailans.

"Mi rekodim wanpela nupela Cook Ailans singsing ol i kolim Manea Manea tasol em i singim wanpela ves tasol long tok ples Cook ailans na narapela tupela ves em mi givim long Hula tok ples bihain long mi bin kisim liklik tingting long wanpela skul long hap," Hitsy i tok. "Dispela singsing em dedikesen bilong mi go long ol sumatin, ol tisa na ol papamama bilong Manea Manea Komyuniti Skul insait long Hula distrik."

Dispela atis i raitim tenpela singsing long albam na 4-pela em ol poroman bilong em i givim.

Wanpela long ol singsing em i bin raitim i kam long wanpela Australia festival we i save makim kirap bilong Floriade Flower em i wanpela kain flawa bilong Australia we i save op namel long mun Septemba i go inap Novemba. Dispela festival i save kamap olgeta yia long biksiti bilong Australia, Kanbera (Canberra). Hitsy yet i bin pilai laip long dispela festival long 2005.

"Mi bin stap long Kanbera bihainim askim bilong PNG Komyuniti long hap long pilai laip long makim independens selebresen bilong ol, na askim i kam long mi long pilai long Floriade Flower Festival na mi tok orait tasol." Nau em i gat wanpela askim long festival komiti long go bek na pilai gen long dispela yia.

### Sampela olupela hit singsing i stap

Hitsy i putim tu sampela ol olupela singsing bilong em we em i stretim bek gen olsem Fai Medley bilong Torres Straits singsing Dolbaring na ol top 10 hit bilong em Right Man na Noks Bisi.

"Ol olupela hit singsing bilong mi i gat strong yet olsem na bilip strong olsem Fai Medley i ken strongim Right Man na Noks Bisi gen," em i tok. "Mi no laikim ol bikpela singsing bilong mi long lusim strong bilong ol kwik, olsem na mi putim dispela Fai Medley long nupela albam."

Long mun Me 2006 Hitsy na Potts i bin kisim askim bilong Sydney City Mission long pilai long tupela fanresing long Australia long helpim resim mani bilong Port Moresby City Mission.

Ol i bin pilai long Mary MacAnnperley Hol long Brisben (Brisbane) long namba 17 de bilong mun Me, 2003 na long Sydney Roosters Klab long namba 24 de bilong Me.

Tupela fanresing wantaim i lukim planti ol PNG famili i stap long Brisben, Sidni na Kanbera i bin kamap.

Tasol dispela i no namba wan taim bilong em long pilai long Australia. Hitsy i bin pilai namba wan taim long Sidni long PNG Silver Jubilee selebresen wantaim Rising Star Ben long 2000.

Bihain long em i bin winim Atis ov the Yia 2000 i kam long Yumi FM, Hitsy i bin pilai raun long PNG Extravaganza long Kens (Cairns) long Julai 2001 we em i bin raun pilai wantaim Moses Tau na Basil Greg.

Ol i bin askim em long go pilai long tupela-moa ekstre-vagensa long Kens long 2001 wantaim Anslom, na wanpela namba tri PNG ekstre-vagensa long Kens tu long 2002 we em i bin pilai wantaim Justin Wellington bilong Pasifik komyuniti long hap.

### Go bek long ples

Bihain long en Hitsy i go stap long bus bilong Gaire we em i stap wok long gaden bilong em na helpim famili



VEUGA WA: Nupela rilis bilong Hitsy Golou bai kam gut.

bilong em long bungim sampela winmani.

Insait long dispela taim, em i bin win long stretim bek gen rekoding kontrark bilong em wantaim CHM na long mun Septemba na Oktoba 2003 dispela 'raitman' i rekodim namba 5 albam bilong em.

### Askim i kam long go bek long Australia

Dispela musik atis bilong Gaire i tok olsem nau yet em i wok long painim taim long wok klostu na wok smat long ol singsing na em i gutpela tru long em.

"Nau mi lukluk moa long wok bilong mi na mi painim olsem mi wok raitim ol gutpela singsing. Dispela i mekim mi luksave olsem mi noken hariap hariap tumas na mi mas sindaun isi na raitim gut ol singsing."

Em i bilip olsem pasin bilong skin kirap long wetim ol nupela musik i gutpela mejik tru.

"Em i orait olsem yu ken larim ol fens bilong yu i hangre long musik bilong yu bikos taim yu kamautim ol nupela singsing, ol fens bai go long dispela musik bikos em i nupela, em i fres na em i nais tru."

Hitsy i kisim wanpela moa askim bilong wanpela tua

Australia wantaim Patti Potts Doi. Askim i kam long ol wankain lain husat i bin stretim raun bilong tupela namba wan taim 4-pela krismas i go pinis.

"Nau yet em mipela i wok paitim toktok i go kam yet, tasol mi gat laik yet long pilai raun wantaim Patti gen bikos mitupela i wok gut wantaim na lainim planti samting long mipela yet," Hitsy i tok. "na i gutpela tru long mi yet bikos mi laikim tru long wok wantaim Patti."

Em i tok olsem em i wok lukluk long dispela tingting long wok bung wantaim Patti Doi long rekodim musik wantaim na serim musik bilong tupela.

"Mi wok wetim Patti long pinisim gut SP Tago Urere Tua bilong em long dispela mun bipo long mi paitim tok-tok wantaim em."

Nupela albam em Hitsy i dediketim i go long Ruth Choulai husat i bin wok strong long stretim namba wan tua bilong Hitsy i go long Australia.

**Yu ken ridim Glasiim Musik long tok Inglis insait tasol long The National olgeta Mande.**

## "BE AIDS FREE" COUPON COMPETITION

Send your coupons to: FTC Production, P.O. BOX 961, BOROKO, NCD. TEL: 3254718 / MOB: 6825865

Win "Friends That Care" (FTC) music CD's and Return Airfares to anywhere in PNG sponsored by: AIRLINES (PNG) LTD


Question No.8: HAU BAI YU SAVE OLSEM YU GAT HIV?: ?

ANSWER

Name: \_\_\_\_\_ Sex: \_\_\_\_\_ Age: \_\_\_\_\_

Address: \_\_\_\_\_ Contact: \_\_\_\_\_

PROUD SPONSORS





**YUMIFM Redio Program**

**Program bilong Wanwan De - Mande - Fraide**

6am - 10am - Sankamap show - Host: Kas.T  
 6:15am - Komuniti Notis Bod  
 6:30am - Nius Hetlain / Bondei gritisng  
**STOP & SHOP GES FAIA KOMPETISEN**  
 6:45am - Niuspepa Hetlain  
 7:00am - Major Nius Bulletin - YUMIFM Nius Senta  
 7:15am - Powerhaus Hit prediksen  
 7:30am - **STOP & SHOP GES FAIA KOMPETISEN**  
 8:00am - Major Nius Bulletin - YUMIFM Nius Senta  
 8:15am - YUMIFM Bisnis / Market Ripot  
 8:30am - **STOP & SHOP GES FAIA KOMPETISEN**  
 9:00am - Nius Bulletin - YUMIFM Nius Senta  
 9:15am - Luksave long Komuniti (Redio Pilai)  
 9:30am - **STOP & SHOP GES FAIA KOMPETISEN**  
 9:45am - YUMI PAINIM WOK Segment  
 10:00am - Nius - YUMIFM Nius Senta  
 10am - 2pm - Monin Trek na Belo Pack -  
 10:10am - Lukatim yu yet - Helt toktok - RH Hyper Mart  
 10:15am - Powerhaus Hit Prediksen  
 10:45am - YUMI PAINIM WOK Segment  
 11:00am - Nius - YUMIFM Nius Senta  
 11:10am - Cont'd - Lukauti yu yet - Helt toktok  
 11:30am - Nius Hetlain b'long Belo Taim  
 12:00pm - Major Nius Bulletin - YUMIFM Nius Senta  
 12:10pm - **ESI COOK RICE** Belo taim Dedikesen  
 12:15pm - Komuniti Notis Bod  
 12:20pm - cont'd **ESI COOK** Belo taim dedikesen  
 1:00pm - Nius - YUMIFM Nius Senta  
 1:10pm - cont'd **ESI COOK RICE** Belo taim dedikesen  
 1:15pm - Powerhaus Hit Prediksen  
 2:00pm - Major Nius Bulletin - YUMIFM NIUS SENTA  
 2pm - 6pm - Avinun Draiv Taim - Host: UNCLE ET  
 2:00pm - 4:00pm (Tunde / Fondei) TOKAUT TOKSTRET  
 2:45pm - YUMI PAINIM WOK Segment  
 3:00pm - Nius - YUMIFM Nius Senta  
 3:10pm - Avinun cruz  
 4:00pm - NIUS - YUMIFM Senta  
 4:10pm - SAUT B'long UNCLE ET - foapela singsing  
 4:30pm - Nius Hetlain  
 4:45pm - YUMI PANIM WOK Segment  
 5:00pm - Nius - YUMIFM Nius Senta  
 5:10pm - 6:00pm - FLAME KULCHA (1 hr)  
 6:00pm - MAJOR NIUS BULLETIN - YUMIFM NIUS Senta  
 6pm - 00am - NAIT BEAT - Host: ANGRA KENNEDY  
 6:10pm - 7:00pm Mon kamap sho  
 6:15pm - Powerhaus Hit Prediksen  
 6:45pm - Komuniti Notis Bod (Toksave wantaim Vaviessie)  
 7:00pm - 9:00pm - COCA COLA GARAMUT  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW  
 00:00 - Early Monin Taim Cruz (ol lain brukim tulait So)

# Pani nait i kam gut long POMCC

**Jada Wilson i raitim**

**Central Comedian Night (Sentral nait bilong ol manmeri husat i save gut long tokpilai) i bin kamap long las wik Fraide nait long POMCC i pulim planti manmeri long ples i kam lukim.**

Heisi Dudai bilong FM Central wantaim ol arapela i mekim ol tok pilai bilong ol long Tok Motu we i mekim ol manmeri bilong Sentral i lap i dai.

Long dispela nait tu ol ges atis bilong pilai musik olsem Noel Asi, Lista Laka,

Wamsi Ilau, Pune Kapa, Mokai na Wamowamo ben bilong Aroma viles i mekim ol manmeri i kam kilim skin long dens floa.

Dispela Central Comedian Night em i namba wan taim i bin kamap long pulim ol manmeri bilong Sentral husat i save gut long tokpilai i ken kamaut na autim ol tokpilai bilong ol we ol manmeri i ken harim.

Man husat i hostim dispela nait Jeff Eno i bin tok, "Nau em i namba wan taim long kamapim dispela kain samting olsem na mipela i

no pulim planti ol lain husat i save long tokpilai i kam. Ating narapela taim bai mipela i askim sampela ol bikpela kampani we i ken sponsaim dispela nait na mipela i ken pulim planti ol tokpilai lain i kam na yumi i ken harim ol tokpilai bilong ol na lap na amamas.

Noel Asi na Mokai i pulim planti manmeri i go na kilim skin long danis we sampela i tanim tanim olsem sinek long floa na sampela i danis olsem hap diwai i laiK bruk.

Gutpela nait long lap i dai.




**NEK BILONG EM TASOL:** Noel Asi i pairapim singsing bilong em na ol man meri i no isi long kapsait i kamaut na danis.



**MALOLO:** Heisi Dudai, Dika Dai, Lista Laka na Tinoi Godua i malolo long bihain ol i pilai wantaim Wamsi Ilau na Noel Asi.

**OL POTO:** Jada Wilson



**MOKAI KILIM DAI LAM:** Boi ros Mokai i kilim dai lam bilong ol fen bilong em taim em i kam singsing.

**RADIO AUSTRALIA TOK PISIN PROGRAM HARIM LONG: 101.9 FM**

**Radio Australia Tok Pisin Program - MANDE**

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afeas  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afeas  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afeas  
 8PM Focus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afeas  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

**FRAIDE Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afeas  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8:30PM Nius  
 8.40PM Musik/Chit Chat  
 9PM Stesen Pas

**SANDE Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Fepili Blong Serah (Redio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

**SP WIKLI HIT HIT PARADE**

Sarere 24/2/2007

- |                    |                 |
|--------------------|-----------------|
| 1(8) Swit Love     | Patti Potts Doi |
| 2(6) Lite malar    | Patti Potts Doi |
| 3(5) Auna Fonza    | Mogai           |
| 4(4) Tara Wai ?    | Taita Maraga    |
| 5(5) Esi Madi      | Taita Maraga    |
| 6 Tau Noho         | Nahorau'u       |
| 7 Talaigu          | Patti Potts Doi |
| 8 U.B.Y Medley     | Empis of Oro    |
| 9 Iwalingoto       | Junior Insects  |
| 10 Ainauda         | Empis of Oro    |
| 11 Mosong pikinini | Junior Insects  |
| 12 Tehine Moana    | Nahorau         |
| 13 Missing Roses   | Moqai           |
| 14 Tau Taine       | Nahorau'u       |
| 15 Island Walai    | Mr A            |
| 16 Sangmala girl   | Daville         |
| 17 Besty           | Twin Tribe      |
| 18 Ariama          | Lerams of Kagua |
| 19 Sumi Rere       | Lerams of Kagua |
| 20 Bai yumi hao    | Sharzy          |

**TV GAID**

**FONDE 8 MAS. 2007**

5.29AM STATION OPEN  
 5.30AM G JOYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program  
 9.30AM CLASSROOM BROADCAST  
 2.59PM STATION RE-OPEN  
**KIDS KONA**  
 3.00PM G WIGGLES  
 3.30PM G HI-5  
 4.00PM G HOT SOURCE  
 4.30PM G THE SHAK  
 4.57PM G EMTV TOK SAVE  
 5.00PM G THE SLEEPOVER CLUB  
 2.9P G EMTV NEWS UPDATE  
 5.30PM G BERT'S FAMILY FEUD  
 6.00PM G NATIONAL EMTV NEWS  
 6.30PM G A CURRENT AFFAIR  
 6.59PM G NEWS UPDATE IN TOK PISIN  
 7.00PM G TEMPTATION  
 7.30PM G SPORT SCENE  
 7.57PM G EMTV TOK SAVE  
 8.00PM M 24

One of the most innovative, thrilling and acclaimed drama series on television, 24, created by Joel Surnow and Robert Cochran. Each episode will cover one hour of real time, and the season's entire story will take place in one day.  
 Starring Kiefer Sutherland as Jack Bauer.  
 9.00PM M RPA  
 10.00PM G EMTV NEWS REPLAY  
 10.30PM G KING OF QUEENS  
 11.00PM G CHM SUPERSOUND  
 Top Video countdown.  
 Midnight Australia Network

**FRAIDE 9 MAS. 2007**

5.29AM STATION OPEN  
 5.30AM G JOYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program  
 9.30AM CLASSROOM BROADCAST  
 STATION RE-OPEN  
**KIDS KONA**  
 3.00PM G THE EGGS

3.30PM G HI-5  
 4.00PM G HOT SOURCE  
 4.30PM G THE SHAK  
 4.57PM G EMTV TOK SAVE  
 5.00PM G THE SLEEPOVER CLUB  
 5.29PM G EMTV NEWS UPDATE  
 5.30PM G BERT'S FAMILY FEUD  
 6.00PM G NATIONAL EMTV NEWS  
 6.30PM G A CURRENT AFFAIR  
 6.59PM G NEWS UPDATE IN TOK PISIN  
 7.00PM G TEMPTATION  
 7.30PM G IN MORESBY TONIGHT  
 8.00PM G SUPER 14s  
 Super 14s action with Brumbies v Stormers, from Canberra  
 10.00PM M WALKER TEXAS RANGER  
 11.00PM G EMTV NEWS REPLAY  
 11.30PM G KING OF QUEENS  
 Midnight Australia Network

**SARERE 10 MAS. 2007**

Australia Network continues....  
 1.29PM STATION OPEN  
 1.30PM G TOTAL RUGBY  
 2.00PM G SUPER 14s

W.Force v Hurricanes, from Perth  
 4.00PM G THE CAR SHOW  
 4.30PM G SOUTH PACIFIC GAMES: Live The Dreams  
 4.45PM G GETAWAY MOMENTS  
 5.00PM G ESCAPE WITH ET  
 5.30PM G FISHING NORTH AUSTRALIA  
 6.00PM G NATIONAL EMTV NEWS  
 6.30PM G AUSTRALIA'S FUNNIEST HOME VIDEO SHOW  
 7.27PM G EMTV TOK SAVE  
 7.30PM G TOTAL RUGBY  
 8.00PM G SUPER 14s  
 Super 14s action Waratahs v Bulls, from Sydney.  
 10.00PM G KING OF QUEENS  
 10.30PM G EMTV NEWS REPLAY  
 11.00PM G SOUTH PACIFIC MUSIC  
 Midnight Australia Network

**SANDE 11 MAS. 2007**

Australia Network continues....  
 3.29PM STATION OPEN  
 3.30PM G BUSINESS SUCCESS  
 4.00PM G SUNDAY

6.00PM G NATIONAL EMTV NEWS  
 6.30PM G SEVENTH HEAVEN: "Monkey Business, Prt 1"  
**Family/Drama - This weekly television series follows the Camden family as the minister father and stay-at-home mother deal with the drama of having seven children, ranging from toddlers to adults with families of their own. Stars: (All-New Episodes)**  
 7.30PM G 60 MINUTES  
 60 Minutes features an award-winning blend of investigative reporting and exclusive news and insights from around the world.  
 8.27PM G EMTV TOK SAVE  
 8.30PM M **SUNDAY NIGHT MOVIE: U-572**  
 (2000) Action/Drama/War - A German submarine is boarded by disguised American submariners trying to capture their Enigma cipher machine.  
 Stars: Mathew McConaughey, Bill Paxton, Harvey Keitel, Jon Bon Jovi.  
 10.30PM G EMTV NEWS REPLAY  
 11.00PM G PRAISE  
 Midnight Australia Network







# Driman i karim kaikai

Francis Tekei  
- OTML Midia -  
i raitim

**BRATA** bilong David Bas em Krowai Basunai na kasen brata bilong tupela em Ricky Brusman. Ol tripela - David, Krowai na Ricky - ol bilong Ples Gii klostu long Kiunga taun insait long Not Flai Distrik bilong Westen Provins.

Tupela wik i go pinis, dispela tripela brata i hamamas tru taim ol i kisim wanpela nupela na traipela 20-tan (tonne) Hino trak long Ela Motors long Tabubil. Mani bilong dispela trak i bin long K500, 000.

Tasol long kisim dispela trak i no bin isi. Ol dispela brata i bin gat bikpela hangre tru na driman long kamap bisnisman long planti yia olgeta. Long tok tru, driman bilong ol i abrusim 10-pela yia olgeta.

Taim David i gat 24 krismas na brata bilong em Krowai i gat 19 krismas, tupela i pasim han, bel na tingting olsem tupela bai kamap bisnisman. Na bikpela tingting bilong tupela i stap long trak bisnis (trucking business) we ol i laik wok long Kiunga na Tabubil Haiwe. Long dispela taim, David i bin wok olsem Foman long sivil woks wantaim wanpela kampani na Krowai bin wok olsem Boiler Maker wantaim narapela kampani i gat kontrak wantaim Ok Tedi Mining Limited. Kasen bilong ol Ricky i bin wok long wanpela stoa long Kiunga. Long dispela taim, David bin askim tupela brata

bilong em:

"Taim Ok Tedi main i pinis, bai yumi mekim wanem? Bai yumi sindaun na stretim laip bilong yumi olsem wanem?"

"Em nau mi tokim Krowai olsem bai mitupela mas lusim wok, go long ples na statim bisnis," David i tok.

Long yia 2000, David lusim wok wantaim kampani. Brata bilong em Krowai i lusim wok tu na i no long taim kasen bilong ol Ricky i bihainim tupela. Laki tru David i gat wanpela olupela Lankrusa na ol tripela stat wokim PMV long Kiunga i go long Aiambak, narapela ples insait long Westen Provins yet i stap klostu long Kiunga. Ol igat bikpela tingting olsem wantaim moni ol ikisim long PMV sevis, bai ol i bungim na baim wanpela trak na bai ol i kamap bisnisman. Tasol rot bilong wokim bisnis na kamap bisnisman em ino isi. I gat bikpela hatwok bilong em i stap na yu bai bungim planti hevi long rot.

"Mipela bungim planti hevi. Wanpela bikpela hevi em kar bilong mipela bagarap long Aiambak na mipela go bek long Kiunga long painim spea pat. Tasol taim mipela kisim pinis ol spea pat mipela ino inap go bek long Aiambak bikos rot i bagarap," David i tok.

Bihain taim ol i kisim kar bilong ol na kisim i kam bek long Kiunga, ol i ronim gen PMV, em long 2003 igo inap long 2005. Tasol nau ol i bungim narapela hevi gen.

Wanpela taim ol Polis bilong Kiunga i holim ol na putim David long sel o kalabus. David i tok disdapa em bikos Polis i saspek olsem ol i wok long stilim na salim ol gan.

"Dispela bin hat tru tasol mi tokim tupela brata olsem ol i no ken wari. Laip em olsem - yumi mas wok hat na pilim pen na wanpela taim bai yumi gat wanpela Hino i gat 12-pela wil (12-wheel Hino truck)," David i tok.

Long nait taim em i stap long sel yet, David i bin beten long Papa God na taim em kirap long moning, em i lukim kaikai bilong prea bilong em.

"Wanpela wokman bilong Ok Tedi (OTML), Smart Vavari husat i stap long Kiunga, i kam painim mi na askim sapos mi bin raitim wanpela pas long OTML. Mi tok 'yes'."

Dispela pas em David bin raitim long kisim wanpela olupela trak bilong OTML. Na taim wokman bilong OTML i tokim em, David i kam hariap long Tabubil na ol i soim em wanpela olupela Hino trak. David i bin hamamas tru tasol em ina tupela brata bilong em bungim hevi gen - ol i no nogat mani long baim dispela trak. David i tok em lusim olsem K6,000 long Kot wantaim ol Polis na em i nogat mani stret. Bikpela wari kisim em na Krowai na Ricky. Dispela em long wanem taim driman bilong ol i laik karim bikpela kaikai, i gat hevi gen.

"Olsem na mipela i go raun askim ol bisnis lain long Tabubil na Kiunga.

Na tu mipela i go long ol lain bilong Gavman long ol i helpim mipela. Tasol ol i save tok: "Yupela ol Strit (Street) Mangi tasol, bai yupela baim kain trak olsem wanem?"

Tasol ol tripela brata i no givap (give up). Ol i traim yet na wanpela taim wanpela pren bilong ol i halivim ol wantaim sampela mani.

Em nau, 4-pela de bihain long ol i baim dispela olupela Hino trak long mun Jenuari long las yia (2006), ol istap wokim wok kontrak wantaim ol bisnis insait long Tabubil. Bihain long 6-pela mun tasol, ol i go long Ela Motors long Tabubil na askim Menesa olsem ol laik baim wanpela nupela na traipela Hino Trak. Menesa Jeff Hardyman i no bilip long ol olsem na em askim ol long kisim ol pepa bilong ol i soim olsem ol i gat kontrak na mani istap.

Long tingting bilong David, Krowai na Ricky dispela em ino wanpela hevi. Ol bin strongim tingting na pilim pen moa long 10-pela yia olgeta long kamap long dispela mak olsem na bai ol igo het yet. I nogat wanpela samting nau bai i stopim ol nau.

Taim ol i kisim ol pepa bilong ol i kam, Menesa Hardyman i luksave olsem ol i no giaman o mauswara. Hariap tru em i tok pisin wantaim Menesa bilong Westpac Benk long Tabubil na ol wokman bilong ol OTML Ekonomik Progrem we ol i save helpim ol asples lain statim ol ronim gut ol bisnis bilong ol.

Taim Westpac Benk,



**KISIM KI:** Menesa bilong Ela Motors Jeff Hardyman (raitan) na Menesa bilong Westpac Mathew Peru (lephan wantaim wait sio) i givim ki bilong kar long tripela brata.



**STRIT MANGI:** Tupela OTML bisnis opisa Mathew Tomala (raitan) na Peter Nawara (lephan - wantaim uniform) na ol lain bilong Ples Gii na nupela trak - Street Mangi.

Ok Tedi na Ela Motors i bungim tingting na save bilong ol, ol i painimaut olsem Dabakro Transport (em bisnis bilong tripela brata) i gat ol kontrak na ol samting we mani mak bilong ol i stap long K400, 000.

Em nau Westpac Benk i stretim pepa bilong dinau mani (loan) na Ela Motors i salim tok i go long opis bilong ol long Mosbi na i go yet long Japan olsem ol i laikim wanpela nupela, 20-tonne Hino trak long SF 700 siris (series).

Tupela wik i go pinis, tripela dairekta bilong Dabakro Transport - David, Krowai na Ricky - i kisim ki bilong dispela trak.

Ol i tok dispela driman bilong ol, bilip na tingting bilong long moa long 10-pela yia samting i go pinis i karim kaikai tru.

Ol i tok bilip na strongpela tingting, maski long ol hevi nabaut, i save gat gutpela kaikai bilong en.

Olsem na long soim pasin brata ol i gat, ol i givim nem 'Dabakro' i makim nem bilong ol.

'DA' em David, 'BA' em Bas, 'KRO' em Krowai na 'R' long KRO i makim Ricky.

Na long tingim kain kain hevi ol bin bungim na nem nogut olsem 'Strit Mangi (Street Mangi)' ol bisnis na gavman lain i bin kolim ol taim ol i askim long halivim, ol i kolim nupela Hino trak bilong ol 'Street Mangi'.

Na tu ol i tok dispela nem em long soim olsem ol Strit Mangi i gat save na i ken kamapim sampela gutpela samting tu.


## ENROL LONG NUPELA ILEKTOREL ROL NAU!!

## NOGUT, YU NO INAP VOT!

### Vot bilong yu bai senisim sindaun bilong yumi na PNG!




YU GAT TRIPELA SANS LONG VOTIM GUTPELA LIDAI!







**ELECTORAL COMMISSION**  
Papua New Guinea



# CHANGE IN METHOD OF VOTING UNDER THE LIMITED PREFERENTIAL VOTING (LPV) SYSTEM

The National Parliament in August 2006 passed legislative changes to the Organic Law on National and Local level Government Elections. Among the many changes, was the change in the manner of voting under the Limited Preferential Voting (LPV) system. The new legislative change will split the ballot paper into TWO separate documents. These two documents will be called a candidate poster and the actual ballot paper.

The slight change in the manner of voting under LPV is a provision in law that has come into force on the 21st of September 2006 and as such will be implemented in the coming 2007 general elections.

date poster and a ballot paper to be used in the elections.

Copies of the candidate poster will be given FREE to all aspiring candidates for the 2007 general election weeks in advance prior to the actual polling time. They can use that as campaign material, courtesy of the Electoral Commission.

ANDREW S. TRAWEN, MBE  
Electoral Commissioner

Sections 124 and 125 of the Organic Law as amended, require a candi-

## Below here is the candidate's poster and ballot paper

**ELECTORAL COMMISSION**  
Papua New Guinea

2007 GENERAL ELECTIONS - NATIONAL PARLIAMENT  
**CANDIDATE POSTER**  
TURUMU OPEN ELECTORATE

**DIRECTIONS**

- ▶ This is a candidate poster. Do not write on it.
- ▶ Write your vote on the **BALLOT PAPER**.
- ▶ Choose three preferred candidates from this poster.
- ▶ Write the candidate numbers or the names of the three candidates of your choice beside the numbers 1, 2 and 3 on the **BALLOT PAPER**.

 <b>10</b> ISAIAH MANALUVA GREEN	 <b>11</b> BOKI RED	 <b>12</b> KILA YELLOW
 <b>13</b> GRACE BLACK	 <b>14</b> SUSAN YELLOW	 <b>15</b> STEVEN VERI BLUE
 <b>16</b> BILL BROWN	 <b>17</b> DAISY MAROON	 <b>18</b> ALICE PURPLE
 <b>19</b> MARGARET TAN	 <b>20</b> ELLY ORANGE	 <b>21</b> DAVID PINK

Printed under the authority of the PNG Electoral Commission. It is an offence to alter/mark/change this poster. Do not write on it

000000 TURUMU OPEN ELECTORATE

000000

2007 GENERAL ELECTIONS  
NATIONAL PARLIAMENT  
**BALLOT PAPER**  
TURUMU OPEN ELECTORATE

**HOW TO VOTE**

- ▶ Write the candidate number or name of your first choice candidate beside number 1
- ▶ Write the candidate number or name of your second choice candidate beside number 2
- ▶ Write the candidate number or name of your third choice candidate beside number 3



**DO NOT PUT ANY OTHER MARK ON THIS BALLOT PAPER!**

1 [ ]

2 [ ]

3 [ ]





# Pokep tingim bihain taim

## Opisa Pokep, OBE



Lapun Pokep na Napikuwop i amamas long stap long Markol na lukautim ol pupu bilong tupela. Pokep yet i amamas moa bikos ol pikinini bilong en i save long Markol na han famili bilong en i stap klostu.

Ol pupu bilong Pokep i winim em long save bilong ples tasol Pokep i lida bilong famili. Wanpela laik bilong en tru em long kisim pikinini bilong em Amos long kam stap klostu long kisim ples bilong en.

Tasol Amos i no kam bikos em i no nap painim wanpela wok long Lorengau. Dispela i putim bikpela wari moa long Pokep. Em i laikim Amos long kam long ples.

Wanpela taim Amos na ol pikinini bilong en i kirap nogut Pokep i kamap long ol long Mosbi. Plen bilong en long toktok long Amos bai i lusim wok na go stap long ples. Em i tokim Amos stret olsem, "Pikinini taim bilong mi i klostu nau na sapos mi kisim balus husat bai holim ples Markol. Yu wok, wok bai i go nap we. Lusim wok na kam long ples".

"Papa, gutpela toktok bilong yu. Tasol mi tok bipo pinis, mi no nap kam na sindaun long ples nating. Husat bai lukautim skul fi bilong ol pikinini bilong mi? Husat bai bekim dinau mani bilong mi long beng?"

Long sampela taim tupela i no toktok. Bihain nau na Amos i askim, "Yu tu yu bin go long ples taim ol lain bilong yu i askim yu

long go? Mi harim olsem ol lain bilong yu yet bipo i wet wet long yu tasol yu no bin go long ples. Yu pinisim laik bilong yu long wok bilong waitman bihain yu go long ples. Yu no go long ples bikos yu tingim mipela ol pikinini bilong yu long skul. Watpo yu wok long mekim olsem long mi nau?"

"Amos, tok bilong yu i stret tasol

yu no kisim gut poin bilong askim bilong mi". Pokep i bekim pikinini bilong en.

"Ples nau i no olsem bipo. Tude kandre bilong yu stret bai paulim yu. Mi laik bai yu kam stap long ples na save long graun bilong yumi i stap we na we. Mi no laik bai yu na ol pikinini bilong yupela i stap sore bihain", Pokep i tokim

pikinini bilong en wantaim bikpela sore long ai bilong en.

Bihain long dispela toktok bilong tupela pikinini bilong em, Pokep i stap liklik taim long Mosbi na i go bek long Manus. Tingting bilong Pokep i pulap long sore. Tingting bilong en i paul. Em i no save pau bai wanem i kamap long Markol long bihain taim.

**NEM:** Rodina David  
**KRISMAS:** 18 (meri)  
**ADRES:** C/- Kanabea Primary School, P.O Box 220, Kerema, Gulf Province.  
**SAVE LAIKIM:** Pilai volibol, raitim pas na mekim pren.

**NEM:** Taninia Ala  
**KRISMAS:** 13 (Meri)  
**ADRES:** Avatip Primary School, P.O Box 103, Ambunti  
**SAVE LAIKIM:** Pilai volibol, stori na ridim buk.

**NEM:** Faustina Nuno'o  
**KRISMAS:** 21(meri)  
**ADRES:** P.O Box 556, Cape Coast, Ghana  
**SAVE LAIKIM:** Raun raun, lukim TV na serim tingting.

**NEM:** Gordon Karu Kombaku  
**KRISMAS:** 18 (man)  
**ADRES:** Bareji Provincial High School, P. O Box 156, Popondetta  
**SAVE LAIKIM:** Pilai soka na ragbi, ridim buk, harim musik, lukim TV, go lotu na mekim haus wok.

**NEM:** Elson Amskul  
**KRISMAS:** 27 (man)  
**ADRES:** Mawan Primary School, P.O Box 270, Madang  
**SAVE LAIKIM:** Go lotu, harim musik, was was na raun.

**NEM:** Jemilla Waiks  
**KRISMAS:** 17 (meri)  
**ADRES:** Nagum Adventist High School, P.O Box 54, ESP  
**SAVE LAIKIM:** Go lotu, pilai ol spot, stori na singsing.

**NEM:** Ben K Simon  
**KRISMAS:** 23 (man)  
**ADRES:** P.O Box 2626, Lae, Morobe Province  
**SAVE LAIKIM:** Pilai soka na volibol, raitim pas na was was long nambis.

**NEM:** Henny Aisa  
**KRISMAS:** 21 (man)  
**ADRES:** St Gerards SON, P.O box 7207, Boroko  
**SAVE LAIKIM:** Pilai volibol, harim musik, mekim pren na ridim buk

**NEM:** Mike Enne  
**KRISMAS:** 19 (man)  
**ADRES:** Niugini International Corporation, P.O Box 102, Kerema, Gulf Prov.  
**SAVE LAIKIM:** Raitim pas, mekim pren na go lotu.

**NEM:** Lydia Tawiah  
**KRISMAS:** 24 (meri)  
**ADRES:** P.O Box AD 179 London, Street, Cape Coast Ghana, West Africa  
**SAVE LAIKIM:** Go lotu, mekim pren, ridim Baibel na mekim wok lotu.

# Asples em taim bihain bilong mi

## Dia Laiplain,

Mi wanpela yangpela man husat gat 22 krismas we mama karim mi long siti. Na siti em ples we mi kamap bikpela tu.

Mi pinisim skul bilong mi na mi nogat wok. Mamapapa bilong mi taim ol lusim ples bilong ol i stap long siti long planti yia nau na i no go bek long ples.

Mi laik go long ples bilong mamapapa na mi save askim ol long go wantaim mi long helpim mi luk-save long ol famili memba.

Mi laik lukim tu graun mipela bosim we bai helpim mi go bek long ples na wokim wok na sindaun bihain taim tupela i dai.

Mi pret sapos mi no wokim dispela, mi bai i no inap ting save o luksave gut long mi husat tru bikos laik bilong mi long bihain taim i no long stap long siti.

## Pret pikinini man

### Dia Pren,

Mipela kisim pas bilong yu wantaim kirap nogut long bikpela laik yu soim

long go bek long ples bilong yu na save gut moa long famili bilong yu.

Yu ting em gutpela long save gut long ol famili memba na long graun famili bilong yu i bosim?


Yu stap na kamap bikpela long siti - yu ting yu bai save gut long ol pipel long ples bilong yu long lukim yu sindaun olsem o?

Yu kisim rait rot long askim blesing bilong mamapapa bilong yu long kisim yu go bek long ples na long wankain taim, luk-save long graun ol bosim.

Mipela ting em bai gutpela sapos yu sindaun wantaim ol na toktok long mekim ron go long ples.

Yu ken traim long tokim ol pilings yu gat long go long ples na wokim wanem kain wok ol viles pipel i wokim.

Yu bai mekim dispela long strongim prensip namel yu na famili bilong yu. Bai i gat sampela taim yu painim olsem lusim ples bilong ol long planti yia na lus tingting long ol famili bilong ol long ples.



Long wankain taim, ol famili long ples save lus tingting long famili bilong ol long taun na siti olsem na toktok namel long tupela sait bilong famili bai lus olgeta.

Em sore tru taim dispela save kamap. Yu bai painim olsem taim dispela kamap, bai i nogat spesel mak, lav, rispek bilong ol famili memba maski ol stap long taun o ples.

Mipela save olsem yu no laik dispela long kamap namel long mamapapa bilong yu na ol famili long ples. Sapos yu tingting strong tru na wari long dispela, wokim samting long we mamapapa bilong yu bai ting save gut long tingting bilong yu.

Taim ol klia long wanem tingting bilong yu, ol bai askim yu long karimaut plen bilong yu. Mipela

strongim yu long save dispela, siti yu stap long en nau, i no siti we i wankain olsem 20 o 30 yia i go pinis.

Yu ken lukim olsem em moa dia long stap insait siti, tru o nogat? Mipela ting save wanem samting yu wokim em long gutpela bilong yu yet, famili bilong yu na pikinini bilong yu long bihain taim. Mipela strongim yu long go bek long ples na wok long graun bilong yu.

Wanem samting yu kamapim long raun bilong yu i kam aut long tuhat na hat wok we yu bai karim planti kaikai wantaim blesing. Tingim God bilong mipela i givim olgeta samting long yumi yusim olsem na yumi mas traim yusim dispela ol samting taim yumi stap laip yet.

Fama husat i wok hat bai gat planti samting long kaikai tasol em bai long-long long pulim taim long wanpela projek we i nogat as (Proverbs septa 12, ves 11).

Laiplain


## TOKSAVE

Sapos yu gat wari o hevi, rait i kam long Lifeline, P O Box 6047, Boroko, NCD.


Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

- Laiplain





Abrusim hevi bilong ol wanfamili enimol i marit



EM I ORAIT: Ol rebit. FOTO: SENIORL ANZU

**Seniorl Anzu i raitim**

TAIM ol enimol husat i kam long wanpela papamama tasol i marit, ol i ken kamapim kain kain bikpela hevi we ol i no inap karim planti na i save daunim strong bilong ol.

Ol pikinini bilong ol enimol i marit olsem bai nogat inap strong long banisim ol yet long ol hevi. olsem i nogat inap gutpela kaikai bilong bodi, ples i hot na wet, ol binatang nogut na ol arapela samting i ken bagarapim helt bilong ol.

Olsem na long ol strongpela enimal we ol i strong moa na i ken karim planti pikinini, ol fama i mas abrusim pasin bilong maritim ol enimal i kam long wanpela papamama tasol.

Faming buklet bilong Nesenel Agrikalsarel Risets Institut (NARI) i tok olsem i gat rot bilong abrusim dispela kain hevi na em sapos yu apim namba bilong ol man insait long wanpela lain enimol olsem rebit. Yu ken kisim ol man rebit na senisim ol i go raunim ol arapela fam tu.

Dispela hevi em long tok Inglis ol i save kolim 'inbreeding' (inbiding). Em i nem i makim taim ol bebi enimol i kamap long papamama husat i bratasusa. Dispela i ken kamap sapos marit i kamap namel long tupela wanfamili enimol.

Long givim tok piksa long sait bilong ol man, em i olsem papamama i marit wantaim pikinini. Insait long ol liklik lain

enimol, we i nogat rot bilong bosim o kontrolim marit bilong ol enimol, mak bilong dispela kain hevi i ken gro bikpela long wan wan lain enimol i kamap.

Tasol sapos wanpela inbred enimal i marit wantaim wanpela enimal i no wanfamili bilong em, pikinini i kamap long dispela marit i no moa inbred.

Bai nogat hevi bilong inbiding sapos i gat 8-pela o moa man i marit wantaim bikpela namba ol meri long wan wan taim.

Liklik buk i kam long NARI ol i kolim "Avoiding Inbreeding In Farm Animals", i tok namba wan rot bilong abrusim dispela hevi em long senisim ol man enimol i go namel long ol arapela fam.

Ol fama i ken senisim ol man bulmakau, ol welpik, man sipsip, man kakaruk o ol man pato wantaim ol arapela fama olgeta taim.

Em bai mobeta long taim wanpela nupela jeneresen bilong ol enimal i senisim ol lain enimal i kamap bipo. Dispela i ken kamap olgeta sikspela mun bilong ol kakaruk, wanpela o tupela yia bilong ol pik, sipsip o meme na 5 i go 6-pela yia bilong ol kau.

Narapela rot em bilong ol rama long painim ol nupela man enimal we i no kam long wanpela papamama tasol bikos i gat mak we ol man na meri enimal i kam long wanpela papamama tasol i ken marit namel long ol yet.

# Yusim gris bilong graun na strongim vanilla

**Seniorl Anzu i raitim**

MALSIM o karamapim as bilong vanilla rop diwai em i bikpela samting bilong kamapim gutpela helti groa bilong ol rop na mobeta vanilla bin.

Na dispela em ol i ken mekim wantaim wanem ol samting bilong graun yet we ol i ken painim isi tru olsem skin bilong kokonas, ol lip na han diwai bilong ol diwai bilong haitim ol vanilla long san. Yu ken yusim tu gras ol i katim na diwai.

Wanpela ekstensen buklet long malsim vanilla we ol i raitim bilong ol fama em ol i kolim "Mulching Vanilla Plants", i tok olsem yu mas putim mals raunim antap bilong graun long as bilong vanilla na diwai bilong holim rop vanilla taim yu planim.

Dispela bai larim vanilla i kisim gris na wara bikos ol rut bilong vanilla bai groa kwik moa insait long mals na i no graun tasol.


Dispela liklik buk em Nesenel Agrikalsa Risets Institut (NARI) Wet Lolens Ailan Progrem long Kerevat insait long Is Nu Briten provins i mekim.

Em i wanpela long 12-pela fama-taget liklik buk ol i mekim long dispela kes krop na ol arapela i lukluk moa long ol arapela sait bilong vanilla prodaksen stat long planim i go inap polinesen o maritim ol plaua, havestim ol na drain ol.

Ol dispela ol liklik buk em ol i save kolim ol 'NARI Toktoks'.

Wok long Kerevat i soim tu olsem ol vanilla plaua ol i malsim i save karim moa bin winim ol plaua we ol i no malsim. Long kisim gutpela kaikai yu mas mekim mals olgeta tripela mun.

Yu mas tingim tu olsem i mobeta yu larim ol gras na lip yu katim i mas drai gut pastaim bipo long yu yusim olsem mals. Dispela em bikos taim ol grinpela mals i sting, ol i save pulim ol kain kain sik we i ken mekim as bilong vanilla tu i sting na ol rop na rut bilong em bai dai. Ol fama i ken givim moa mals taim ol rop i groa a ol i



MALS: Dino Naing bilong NARI i sekim mals long wanpela gaden bilong soim klia wok agrikalsa long Buba: Dispela mals o gris bilong graun em ol i mekim yusim skin bilong kokonas. FOTO: SENIORL ANZU

mas lukautim gut bai ol i ken groa gut na karim planti bin.

Tasol ol dispela liklik buk i tok olsem sapos yu no givim gut kaikai o gris long vanilla, em i ken lusim strong bilong em, mak bilong ol bin em i karim bai go daun na vanilla yet bai kisim kain kain birua sik.

Dispela liklik buk long malsing na ol arapela wok bilong vanilla faming em ol fama i ken kisim long ol NARI rijinel Infomesen Senta.

**Man husat i raitim stori i wok wantaim NARI.**

## Madang bai lukautim komyuniti lida bung

MADANG bai lukautim wanpela lidasip menesmen kos bilong Momase rijen.

Tupela ten faiv (25) komyuniti lida bai kam daun long Madang long sindaun long kos we Komyuniti Developmen Dipatmen wantaim sapat bilong Komyuniti Developmen Skim bai ranim.

Ol i makim ol dispela kos long ol komyuniti lida na ol lain long ol developmen senta olsem hap plen bilong Komyuniti Developmen

Dipatmen long sapatim komyuniti lening o lainim save na ol developmen senta long kantri.

Dispela em i olsem hap bilong go hetim Integretet Komyuniti Developmen Polisi we Nesenel Eksekyutiv Kaunsel sotpela taim i go pinis.

Las yia, 30 komyuniti lida long Hailans rijen i bin wokim dispela kos na long dispela yia, ol bai karimaut kos long olgeta rijen bilong kantri.

OL WIKLI MAKETING PRAIS - Bilong Wik i pinis 09/03/07. TINGIM: Olgeta prais i stap long Kina long wan wan kilogram.



### COFFEE INDUSTRY CORPORATION LTD

WEEKLY MARKETING PRICES - Week ending 09/03/07. NOTE: All prices are quoted in Kina per kilogram.

	GREEN BEAN (Delivered-In-Store)				PARCHMENT (Factory Door)			CHERRY	
	ARABICA				ROBUSTA	ARABICA			ROBUSTA
	A	X	PSC-X	Y1	Robusta	Class 1	Class 2		Robusta
KAINANTU	NB	NB	-	NB	-	4.20 to 4.25	3.90 to 4.00	-	- to 1.00
GOROKA	7.10 to 8.00	6.60 to 7.00	6.30 to 6.40	6.00 to 6.30	-	4.15 to 4.30	4.00 to 4.10	-	NA
KUNDIAWA	NB	NB	-	NB	-	NA	NA	-	NA
MINJ/BANZ	NB	NB	-	NB	-	- to 4.20	- to 4.10	-	NA
MT. HAGEN	NA	NA	-	NA	-	NA	NA	-	- to 1.00
LAE	- to 7.10	- to 6.80	- to 6.40	- to 6.30	-	3.50 to 3.80	3.20 to 3.60	NA	-
ASEKI	NB	NB	-	NB	-	NA	NA	NA	-
AVERAGE	7.48	6.80	6.36	6.20	NO	3.92	3.73	NA	1.00

NB: I no gat prais. NB: I no baim. NA: I no gat

Ol prais bilong Arabika kopi i bin go bek daun las wik we Arabika i lusim 11 cents long wan wan kilogram long kam sindaun long \$2.54/kg. Taim ol bikpela wok prais i sanap strong na lukluk bilong dispela wik i gutpela, i gat sampela pret tingting yet olsem long wanem mak bilong prais bai dispela pundaun i pinis. Long pot dispela wik, Y gred bai kisim samting olsem K6.43/kg. DIS Y bai kisim samting olsem K6.20 na Nesenel PC1 bai kisim K3.92 tasol insait long Hailans rijen yumi ken lukim averes prais bilong K4.22. Seri prais bai K1/kg long stat bilong dispela wik.

**Lukautim Kopi Na Kopi Bai Lukautim Yu**






Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG


### Dryadodaphane Novoguineensis

Nem bilong en: Sassfras




Bisnis nem: Sassafras, PNG

**Wanem kain diwai:** Wanpela bikpela diwai inap long 38 mita longpela na 1 sentimita raunim namel bun bilong em. Bikpela bun bilong em i stret, het bilong en namel i go op olgeta na ol han bilong en i sut i go antap stret.



**Skin diwai:** Bikpela bilong em namel long 2.5 na 3 sentimita. Ausait skin diwai bilong en i grei braun, em i smut na i gat ol bikpela bikpela hul long skin bilong en. Namel skin diwai kala bilong en i ret i go yelo; insait skin diwai bilong en i yelo i go orens. I nogat planti rop na i gat liklik smel long en.



**Diwai:** Em i lait na i no strong tumas, kala bilong en i yelo, ol hul long skin bilong en i liklik.

**Plaua bilong en:** Ol i grin na yelo, i gat man na meri i save kamap wantaim, bikpela bilong em inap long 6 milimita, i gat 8-pela ai bilong en.

**Prut bilong en:** Wanpela kain prut i gat gras long en, raunim wanpela strongpela diwai karamap we i longpela, na maus bilong em i no sap. Longpela bilong en namel long 2 na 2.5 sentimita. Em i save go bikpela na bruk i go tupela na fopela hap.

**Ples em i save groa:** Em i save laik gro insait long ol lowa monten na monten ren-

fores insait long Papua Niugini, na i save laik gro poromanim ol arapela kain diwai olsem Nothfagus, Podocarpaceae, Cunoniaceae na Myrtaceae.

**Arapela hap stori:** Dryadodaphane i klostu wankain olsem Daphandra we i narakain olgeta long en bikos i gat ol bikpela lip moa, skin diwai bilong en i rap. Tupela wantaim em ol i save katim na mekim timba long en insait long Hailans rijen.

McCARTHY & ASSOCIATES (FORESTRY) PTY. LTD.  
National & International Forest Consultants  
mccaf@datec.net.pg

"Long kisim tok stia long olgeta wok diwai"

# Infomesen pepa aut long helpim turis

## ...Save moa long Sepik

**NUPELA** turisim infomesen buklet (booklet) i nau stap long helpim ol turis save gut moa long wanem kain samting i stap insait tupela Sepik provins.

Wol Waidlaip Federesen (WWF) wantaim helpim bilong Divain Wod Yunivesiti (DWU) i mekim dispela infomesen buklet ol kolim 'Sepik Wara- Envaironmen na Komyuniti Turisim' na lons bilong em i bin kamap long las wik.

As long ol raitim na mekim dispela buklet em long soim ol turis wanem ples ol ken mekim ron insait long en na ol bikpela mak ol gat insait envaironmen na kalsa bilong ol Sepik pipel na tu long Papua Niugini.

Long lonsim dispela buklet, Mamba bilong Ambunti Drekkir, Tony Aimo i tok em laik ting ol infomesen o toktok insait long buklet ken pulim ol turis long kam na pilim gutpela sindaun na pasin bilong Sepik.

"Dispela ples em ples long ol planti samting save kamap na amamas tu.

Ol lain husat mekim ron insait Sepik i ken save olsem ol bai gat gutpela taim na em bai eksperiens ol bai tingim long longpela taim yet," Mista Aimo tok.

Sepik i pulap long ol bikbus na i gat moa long 8 milien hektas insait noten hap bilong kantri na laip, kastam, bilip na tokples bilong ol asples lain i gat strongpela prensip wantaim graun na envaironmen bilong Sepik.

Lons bilong Sepik Wara-Envaironmen na Komyuniti Turisim i kamap long wan kain taim bilong Pukpuk Festival (Crocodile Festival) we i bin kamap long 1 na 2 de bilong dispela mun.

Pukpuk Festival i givim sans long ol turis long lukim tumbuna singsing na danis bilong ol viles husat i stap arere long Sepik wara.

Em serimoni we i makim bikpela

samting bilong pukpuk insait long Sepik kalsa na sindaun.


Bikpela tok bilong 2007 festival i bin Luksave na Kirapim wok long Lukautim Pukpuk we tingting i sut long lukautim ol pukpuk gut long ol pipel bilong bihain taim.

Bikpela as long dispela infomesen buklet em long promotim komyuniti bes turis na tu long lukautim gut ol bikpela samting long sait bilong envaironmen insait long Sepik rijen.

WWF-PNG Fres wara Program Menesa, David Peter tok ol ples insait ol rurel hap bilong PNG i naispela tru tasol em bikpela salens long stap tu.

"Ol mani we ol komyuniti i kisim long ol turis bai go stret long peim ol skul fi na long baim ol marasin.

Long kam long lukim ol viles na ol pipel, yu helpim tru mekim laip bilong ol pipel mo beta na tu yu helpim ol long lukautim envaironmen long yu kam bek gen," Mista Peter tokim ol turis.




LONSIM: Seif Eksekyutiv Opisa bilong HELP Resource, Chris Maingu, TPA opisa Alcinda Trawen, David Peter bilong WWF na Ambunti Drekkir Mamba Tony Aimo i soim nupela liklik buk long sait bilong wara Sepik i stap baksait.

# Cat® 120H

## Motor Grader

blends productivity and durability to give you the best return on investment.



### Matched and Balanced Components

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

### Operator's Station

Low effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

### Servicability

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimize downtime.

Hastings Deering



Product People Commitment.  
We deliver.

PORT MORESBY  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



**PRAIVET KAMPANI NETBOL KLAB RAUN TU (2) GEM SIKS (6) Sande 11th Mas, 2007 - Rita Flynn kot**

**Primia Divisen - Kot 2**

1:00	FDL	vs	KINA 1
1:45	BSP1	vs	BBELL1
2:30	DATEC 1	vs	AHC
3:15	OSL	vs	GFI

**Divisen 1 - Kot 3**

1:00	KENMORE	vs	WPC
1:45	DATEC 2	vs	STC FIN
2:30	DALTRON	vs	KUMUL
3:15	PRYDE	vs	PMT

**Divisen 2 - Kot 4**

1:00	QBE	vs	PNGSF
1:45	STC SHIP	vs	NTIL
2:30	MOORE	vs	LBC
3:15	THEODIST aut	vs	(Bai) - COURTS

**Divisen 3 - Kot 5**

1:00	POSF	vs	SPB
1:45	HDPNG	vs	PWC
2:30	BBROS	vs	MIRUPASI
3:15	BBELL2	vs	(Bai)

**Divisen 4 - Kot 6**

1:00	CBROS	vs	ANDERSONS
1:45	ANG	vs	MEDDENT
2:30	JOHNSTONS	vs	BKO MTRS
3:15	BSP2	vs	FINCORP

**Divisen 5 - Kot 7**

1:00	CUL DEL	vs	CITY PHARM
1:45	RENOS	vs	(Bai)
2:30	ELA MTRS	vs	(Bai)

**Divisen 6 - Kot 8**

1:00	STAR FISH	vs	NASFUND
1:45	ARNOTTS	vs	STC HOTEL
2:30	APNG	vs	GLOBAL 1

3:15 IPA vs (Bai)

**Divisen 7**

12:15	TEMIS	vs	DELOITTE C1
12:15	VEUPU2	vs	PDE & IC2
12:15	PROCELAN	vs	MRDC C3
12:15		vs	

**Divisen 8**

12:15	STC HDW	vs	NIKAS C4
12:15	VEUPU2	vs	EFM C5
12:15	EMTV	vs	SRE C6
12:15	SINTON C7	vs	ESCO 2

**Divisen 9**

11:30	NPS	vs	R/FONES C1
11:30	ESCO 2	vs	NGO C2
11:30	2nd TIME	vs	KINA2 C3
11:30	ASL	vs	(Bai) - YLW PGS aut

**Division 10**

11:30	CONSORT	vs	VEUPU3 C4
11:30	GLOBAL2	vs	LAMANA C5
11:30	Y&W	vs	TRUKAI C6
11:30	BNG	vs	SNS C7
11:30	SIKA	vs	(Bai)-CCA aut

**Ol kets ap gem-Div 10**

1:00	LAMANA	vs	SNS C1
1:45	CONSORT	vs	BNG C1
2:30	LAMANA	vs	Y&W C1
3:15	TRUKAI	vs	GLOBAL 2 C1
2:30	SIKA	vs	VEUPU3 C7
3:15	CONSORT	vs	SNS C5

Toksave: olgeta gem bai gat 15 minit long wanwan hap.

**Pot Mosbi Ragbi futbol Yunion Pri-Sisen gem Raun 2 Sarere 10th Mas 2007.**

**Ovol 1**

9:30am	U19	Defence	vs	Medics
10:25am	U19	LaSallians	vs	Harlies
11:20am	A Grade	L/Sallians	vs	Brothers
12:15pm	A Grade	Kone	vs	Defence
1:20pm	A Grade	Harlies	vs	Diggers
2:40pm	Premier	Brothers	vs	Chiefs
4:00pm	Premier	Uni	vs	Defence

**Ovol 2**

9:30am	U19	Crusaders	vs	Uni
10:25am	U19	Chiefs	vs	Diggers
11:20am	U19	Kone	vs	POMIS
12:25pm	A Grade	Wanderers	vs	Crusaders
1:30pm	A Grade	Chiefs	vs	Uni
2:40pm	Premier	Harlies	vs	Wanderers

Bai: Kone (Primia), Medics (A gred), Wanderers (anda 19).

Toksave: Ol primia bai pilai 30 minit long wanwan hap, A gred em 25 minit na anda 19 em 20 minit.

**FAIRFAX VOLIYBOL PRI-SISEN**

**Sande Mas 11, 2007 Taurama Leisure Centre**

**TAIM KOT 1 (Ol man)**

08.00	VEARIMO	vs	G.I.G NEIBAS
09.00	R/FLYERS	vs	LAGOONS
10.00	E/ MOTORS	vs	FREWAY HOX
11.00	ROKOLO	vs	FIRE DEFENCE
12.00	TI DORIA	vs	SOL WARA
01.00	TELIKOM	vs	GREEN COM EAGLES

**KOT 2 (Ol meri)**

TRANS HIWAY	vs	FIRE DEFENCE
ESI LOAN GIRO	vs	DOLPHINS
ROKOLO	vs	TI DORIA
ELA MOTORS	vs	SOL WARA
TELIKOM	vs	GREEN COM EAGLES

FREWAY HOX vs R/FLYERS

**HEBŌU POT MOSBI KRIKET KOMPETISEN SARERE 10 MAS, 2007**

Amini Pak  
1000 Mariners vs BNG Poreporena (A)

Colts graun  
1000 TST Coaster vs SNS United (A)  
STC Ovol

1000 A/ Raukele vs Wesram Taora (A)  
Nomads

0810 Mobil STC vs BNG Poreporena (U19)

1230 Mobil STC vs Wesram Taora (B)

HMS2  
0900 SNS United vs B/Dogura (U16)

Bai: MOBIL STC Rd 6.

**Sande 11 mas, 2007.**

Amini Pak  
1000 W/Taora vs SNS United (A)

Colts Graun  
1000 Mobil STC vs Mariners (A)

STC ovol

1000 BNG P/porena vs TST Coasters (A)

Murray Bareks

1230 PNB Cheung vs Kavari (B)

HMS2

0810 2020 KCC vs Bowmans Dogura (U19)

1230 2020 KCC vs BNG Poreporena (B)

Nomads

0900 SNS United vs Bowmans Dogura - Gren fainol (U16)

1200 SNS United vs Mariners - Plet fainol (B)

Bai: Raukele Rd 5.



**TIM: NAQIA** tim insait long Pot Mosbi pablik sevans netbol salens i amamas long soim nuepla yunifom bilong ol bipo long wanpela gem bilong ol las wik. (sanap, L-R) Akiñu Tabua, Angie Joku, WilmaTimping, Hale Baida, Alu Kula, Gracia Memo, (sindaun L-R) Vanessa Memo, Leka Tom, Laka Memo na Ope Vali.



**SOFBOL PAWA:** Bipo Elcom long Pot Mosbi sofbol bilong ol man i kisim nupela yunifom na nem long PNG Power. Nupela nem bilong tim nau em Easy Pay PNG Power na i no Elcom moa.



## ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesanel Ileksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai nq inap yusim neks yia.

**Yu bai Vot insait long 2007 Nesanel Ileksen sapos nem bilong yu I STAP insait long Ilektorel Rol**

Sapos yu gat 18 krismas o moa long 18 krismas na nem bilong yu I **NO STAP** long Ilektorel Roll, yu **MAS** go lukim Provinsel Ileksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekksesais I **NO** bilong **APDETIM** o stretim 2002 Ilektorel rol. Em i wanpela nupela enrolmen progrem bilong wanpela **NUPELA ILEKTOREL ROL BILONG 2007**.

Sapos Ilektorel Rol i stret, em bai givim strongpela bilip na tingting long olgeta manmeri olsem ol Ileksen insait long PNG i Fri na i Stret.

**TINGIM!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING**

**Tok Orait i kam long Ilektorel Komisina ANDREW S. TRAWEN, MBE**



# Gasnier aut pilai 6 mun

## ... Dragons painim faiv-eit

FAIV-eit bilong St George Illawara, Mark Gasnier bai no i nap pilai 6-pela mun bihain long wanpela bagarap em i kisim long bros bilong em.

Gasnier i kisim operesen long dispela bagarap long Tunde dispela wik na bai sidaun long sait na lukluk long gem tasol taim NRL i kik of long Mas 16.

Long dispela operesen bilong Gasnier husat i kisim dispela bagarap long Seriti sil gem bilong ol egensim South Sydney las wik Sarere we ol i win 16-14, bai lukim ol i traim pasim masol long bros bilong em i go bek long bun bilong em.

Ol bai pasim em long silip tasol i nap 6-pela wik bipo ol i wok long redim bodi bilong em ken.

Dispela bai lukim em i no nap kam bek i nap klostu long fainols tasol Gasnier i gat strongpela bilip olsem em bai nap kam bek hariap.

Gasnier i bilip ol Dragons bai nap long pilai strong yet taim em i no pilai na ol i nap yet long winim primiasip taitol.

Kosa bilong Dragons, Nathan

Brown i tok yangpela Richie Williams na bipo Wests Tiger pilai Rangia Chase nau i wok long pait long kisim namba 6 jesi long fes gem bilong ol egensim Titans long Mas 18.

Long wankain taim Brown i tok klab bai no nap singautim Shaun Timmins husat i risain long pilai, long kam bek na kisim ples bilong Gasnier.


Gasnier bai aut i nap 6-pela mun na dispela bai lukim tim bilong em i ron nating na hetman bilong ol long brukim difens bai no stap.

Brown i tok em bai soim bilip long ol yangpela pilai bilong klab na i no nap painim ol ekspirien pilai long kisim ples.

"Sampela menesa i toktok long mipela long yusim sampela ol pilai bilong ol long dispela taim," Brown i tok.

"Em i no gutpela long ol yangpela pilai long skwat-sapos yu gat ol yangpela manki yu trenim long las tripela yia i kam na givim planti taim long ol, taim sans i kam, yu mas givim long ol.

"Yu ma bilip long yu yet na long



AUT: Mark Gasnier i traim long rausim wanpela Tigers pilai. POTO: Brett Costell/NT News.

ol tu," Brown i tok.

Timmins husat i pinis long pilai las yia long planti pen em i pilim long lek skru bilong em, em i wanpela man Brown i nap kisim sapos

em i laik.

Long stat bilong dispela yia, Timmins i tok em i pilim orait long lek bilong em gen na i nap long hevi bilong NRL.

"Sapos wanpela sans i kamap gen long NRL em bai mi gat bikpela tingting long traim gen," Timmins i tok las wik.

# POSF

## PABLIK NOTIS

**YU SAVE WOK PAT TAIM NA I STAP LONG PEI ROL MOA LONG TRIPELA MUN PINIS TASOL YU NO PUTIM SAMPELA MANI LONG SUPARENUESEN?**

**ANINIT LONG LO, SAPOS YU STAP LONG PEI ROL MOA LONG TRIPELA MUN, YU MAS GIVIM HAP MANI BILONG YU I GO INSAIT LONG SUPARENUESEN BILONG HELPIM YU LONG BIHAIN TAIM.**

Dispela hap lo bilong suparenuesen i karamapim olgeta kampani husat i gat moa long tupela ten (20) manmeri wok wantaim ol na olgeta wokman i mas putim liklik mani bilong ol i go long suparenuesen bihain long ol i wok tripela mun pinis. Dispela i karamapim ol lain i wok pat taim, sait wok, ful taim wokman na ol arapela. Bikpela samting em ol i mas wok wantaim kampani moa long tripela mun pinis.

Sapos yu wok moa long tripela mun pinis olsem ful taim, pat taim, haia o sait wok na i no putim liklik mani bilong yu long suparenuesen, yu mas go hariap na lukim humen risos o pei ol opisa bilong yu long statim dispela wok.

Tingim olsem, long olgeta K1 yu putim, kampani bilong yu i mas putim K1. 40 antap long dispela. Long pablik sekta em ol wokman bai putim 6 pesen na kampani bai putim 8.4 pesen. Long praivet sekta nau em 5.5 pesen bilong ol wokman na kampani bai putim 7.7 pesen. Dispela ret bilong praivet sekta bai go kamap olsem bilong ol pablik sekta long Jenuari, 2008.

Ol kampani we namba bilong ol wokman bilong ol i aninit long 20, mipela i laikim bai ol i mas givim mani long suparenuesen bihainim laik bilong ol yet. Dispela lo bilong ol kampani husat i gat moa long 20 wokman tasol bai senis i go long 15 wokman long Me 2007 na i go daun moa long 10 long Me 2008.

I gat strongpela mekimsave bilong ol kampani husat i no bihainim dispela lo we bai lukim ol i peim fain o kisim ol arapela mekimsave.

**LEON BUSKENS  
MANAGING DIRECTOR**

**For further information contact:**

- General Manager Member Services, Mr. John Auna  
Ph: 309 5207 Fax: 321 3421  
email: [jauna@posf.com.pg](mailto:jauna@posf.com.pg)
- Employer Relations Officer, Mr. Frank Kepson on Ph: 309 5270  
Fax: 321 4474  
email: [fkepson@posf.com.pg](mailto:fkepson@posf.com.pg)
- POSF Head Office Member Services on Ph: 309 5244 Fax: 321 4406 or the Toll Free number Ph: 180 1414.
- POSF Lae, Mr. Aruai Doko  
Ph: 472 2272 Fax: 472 6713  
email: [posflae@posf.com.pg](mailto:posflae@posf.com.pg)
- POSF Rabaul, Mrs Senny Peril  
Ph: 982 8900 Fax: 982 8901  
email: [posfrabaul@posf.com.pg](mailto:posfrabaul@posf.com.pg)
- POSF Mt Hagen, Mr. Allan Titip Ph: 542 1182 Fax: 542 1186  
email: [posfhagen@posf.com.pg](mailto:posfhagen@posf.com.pg)



# Anda 15 kisim bek Esia Pasifik taitol

PAPUA Niugini anda 15 kriket tim long las wik Sande i winim bek Esia Pasifik taitol egensim Vanuatu long fainol long Samoa.

PNG rausim Samoa long semi fainol long bungim Vanuatu na i soim olsem strong bilong PNG long kriket insait long Esia Pasifik rijen i strong yet.

Long gem bilong ol egensim Samoa, ol i aut wantaim 6/96 skoa na ol i autim olgeta Samoa wantaim 24 ran tasol.

Ol manki PNG bin winim dispela taitol long 2005 na ol i go bek long difenim taitol bilong ol.

Wanpela pilaia tasol husat i bin stap long 2005 tim na nau i go bek ken em kepten bilong tim, Charles Amini (Junia).

Long wankein taim dispela namba wan SP 2020 kriket gem long PNG namel long Marybone kriket klab (MCC) bilong England na PNG we i kamap long Pot Mosbi long Sarere i kisim bikpela sapot bilong ol manmeri.

PNG husat i go pas long bet i putim strongpela gem egensim MCC tasol em i nupela gem tu long ol na MCC i kam bek strong long winim gem.

MCC i winim tu tupela 50 ova gem long Fonde na Sande.

Tasol ol i givim planti helpim tu long tim bilong ol man na meri long Fraide wantaim wanpela kosing klinik.

Dispela i lukim ol i kisim ol pilaia long gutpela rot bilong paitim bal, tromoi bal na long was long fil.

Dispela em i namba tu taim bilong MCC long kam long PNG, ol i bin kam long 2003 we ol i bin winim tupela gem bilong ol egensim PNG.

Siaman bilong PNG kriket bod, Mick Nades i tok ol dispela gem na kosing klinik namel long PNG na MCC em i gutpela bilong wanem em i helpim long developim skills bilong ol pilaia na level bilong gem insait long kantri.

# Pikinini spots strong yet

SPOTS developmen bilong ol liklik manki em i bikpela samting na Lae Biscuit kampani tokaut long sponsasip bilong ol long Pikinini spots program long dispela yia gen.

Lae Biscuit i givim sapot bilong ol gen bihain long gutpela ripot i kamap long wok na ron bilong dispela program.

"Mipela i putim K20, 000 long Pikinini spots dispela yia," Pot Mosbi brens menesa bilong Lae Biscuit, Fabian Chow i tok.

"Em i gutpela tu long lukim ol manki long olgeta provins i amamas wantaim insait long dispela program," Chow i tok.

Dairekta jeneral bilong Papua Niugini Spots Faundeser (PNGSF), John Kambuo i tok em i no isi long kisim sponsa na taim yu kisim sponsa, em i narapela hatwok gen long winim lewa


bilong em bai em i stap long taim.

"Pikinini spots em i nesenel program na i gutpela long wokbung wantaim kain ogenaiesen olsem Lae Biscuit," Kambuo i tok.

PNGSF na LBC i wokbung wantaim edukesen dipatmen long mekim dispela program i stap insait long ol skul.

"Lukluk bilong mipela long pikinini spots nau em i long mekim ol manki kamap biknem spots manmeri long bihain taim tasol mipela i laik yusim spots long skulim ol long kamap gutpela manmeri insait long komyuniti," dairekta bilong spots kodinesen na developmen long PNGSF, Peter Chalapan i tok.

Pri-sisen soka kompetisen bilong ol skul long Pot Mosbi tu i kirap las wiken we planti manki kamap tromoi lek.



TENKYU: Brens menesa bilong Lae Biscuit, Fabian Chow i tromoi bal long han bilong projek menesa bilong Pikinini Spots, John Susuve long soim sponsa ol i givim.

## SPOT RAUN wantaim



### SCOTT VAVINE

## Spots developmen long taim bilong ileksen

STAT long Jun 4 bai ileksen bilong kantri kamap gen bilong olgeta manmeri husat i stap long ilektorol rol na i nap long vot.

Em bai wanpela bikpela taim tru bilong husat wanpela man i makim long kamap memba bilong palamen long narapela 5-pela yia.

Wanem man yu makim bai gat han tu long developmen bilong spots wantaim ol arapela infrastraksa long komyuniti.

Tasol long lukluk bilong mi long bipo i kam, planti ol MP i no save lukim spots olsem wanpela liklik samting namel long ol arapela developmen wok bilong ol.

Bikpela mani developmen mani bilong ruel developmen fand bilong ol i save go long ol arapela eria olsem edukesen, helt, lo na oda na ol arapela.

Spots developmen i save kisim liklik tasol na dispela kain helpim i save kam sapos i gat sampela mani bilong ruel developmen fand i stap bihain long olgeta wok long ol arapela samting i pinis.

Antap long dispela, taim ruel developmen fand bilong ol i pinis nau ol i save painim mani long arapela hap o rausim long poket bilong ol yet long sapotim ol liklik spots kompetisen bilong ol.

Planti politisen i no save luksave olsem spot i save kamapim planti gutpela samting insait long komyuniti.

Wanwan spots komyuniti save laikim helpim tasol dispela sapot i no save kam olgeta taim.

Ol i no save luksave long ol samting spots i save kamapim insait long komyuniti na long ol manmeri husat ol politisen yet i save lustingting long ol taim ol i go insait long palamen.

Ol i no save luksave tu olsem spots i save helpim long kamapim ol gutpela manmeri insait long komyuniti.

Planti taim ol politisen i save kamapim spot long gutpela bilong ol yet na i no long developmen na gutpela bilong ol pipol bilong ol.

Ol i luksave olsem spots i save pulim planti manmeri na i save yusim dispela samting long winim sapot bilong ol manmeri.

Taim ol i gat pawa nau ol i save lustingting olgeta long spots i nap long taim bilong narapela ileksen gen.

Em i taim nau na olgeta spotsmanmeri insait long kantri husat i nap long vot long go aut na makim ol gutpela lida husat i save putim spot long lewa bilong ol.

Spots i save givim bikpela helpim long sait bilong kamapim pasin bilong ol man na tu developim komyuniti.

Yumi mas makim ol lida husat i gat taim long na risos long givim spots we planti manmeri long PNG save laikim.

# Spots administreta kisim luksave

Andrew Molen i raitim

PLANTI manmeri insait long spots i kisim helpim bilong em long wanpela kain rot tasol long Fonde las wik, spots trena na administreta Scot Vavine yet i kisim luksave bilong gavman.

Vavine i stap namel long ol arapela manmeri husat i kisim awod long gavman long gutpela sevis bilong ol long komyuniti na kantri bilong ol.

Vavine i kisim "Member of the order of Logohu" (ML) awod long wok bilong em long spots developmen insait long Papua Niugini.

"Mi amamas tru long dispela awod.

"Mi bin spots administreta long 1970 yet i kam na dispela em i bikpela de bilong mi," Vavine i tok.

Wok bilong Vavine wantaim spots i stat long 1970 yet taim em i tisa long skul.

Nau em i wok wantaim PNG Spots Faundeser (bipo PNG spots komisin) na laik bilong em long wok bilong em i no pinis.

"Dispela awod i soim olsem gavman i luksave long sevis bilong mi long komyuniti na em i givim strong moa long mi long wokhat moa.

"Dispela i mekim mi laik wok moa long spots olgeta long laip bilong mi," i tok.

Vavine i gat 5-pela



LUKSAVE: Scott Vavine wantaim meri bilong em Margaret i sanap long gavman haus bihain long Vavine i kisim awod bilong em.

pikinini na 7-pela bubu na wanpela insait long femili husat i save sapotim em olgeta taim em meri bilong em, Margaret.

"Mi save olsem em i maritime tupela meri, wanpela em mi na narapela em spots bilong em olsem na mi no save kros taim em i go raun na mekim wok bilong em," Margaret i tok.

"Nau em mi amamas tru long dispela awod

bilong em," Scott i tok.

Wanwok bilong em long PNGSF na nesenel developmen opisa bilong basketbol, Ronnie Mea i tok em i long taim pinis na em i taim gavman i givim kain luksave long Vavine.

"Mi wok wantaim Scott moa long 15 yia nau, stat long 1992 yet i kam na em i tru olsem em i save wokhat tru," Mea i tok.

Em i tok wok bilong Vavine i save kamap gut bilong wanem em i wanpela gutpela man tu bilong wokbung wantaim ol manmeri.

"Scott em i wanpela isipela man, em i save daunim em yet na go daun long komyuniti na wok wantaim ol pipol.


"Long dispela as na ol program na wok bilong em i save kamap na ron gut," Mea i tok.

Olsem olgeta man-

meri, Vavine i gat fevret spots bilong em; "Soka em spots bilong mi."


Vavine i save ronim Trukai Spots yut na komyuniti program bilong em wantaim PNGSF, em i presiden bilong Sentrol na Sauten rijen soka asosiesen na em i gat wanpela hap spes insait long wantok niuspepa we em i save raitim toktok bilong em long spots developmen insait long kantri.





WANTOK

# SPOTS



Isu 1702

Wan wik: Fonde Mas 8 - 14, 2007

## Wanpela nupela tim tasol

### ...9-pela tim long 2007 SP kap sisen. Wanpela nupela tim tasol, nogat moa...



**STRONGPELA:** Mak bilong pilai bilong ol pilaia na SP Kap Gem i antap moa long ol of-sisen na arapela gem. (Liklik piksa:) CEO bilong PNGRFL, Jeff Wade. **FAIL POTO.**

OL BISNISMAN na bikman i noken giaman ol manmeri olsem ol bai kamapim tim insait long SP kap kompetisen bilong wanem em i no liklik samting.

Sief Eksekutiv Opisa bilong Papua Niugini Ragbi Futbol Lig (PNGRFL), Jeff Wade i tok long Tunde dispela wik bihain long wanpela bisnisman long Lae i tok em bai kamapim wanpela tim bilong Lae insait long SP Kap.

Wanpela nius ripot dispela wik i tok Mathew Minape i tokim ol manmeri olsem em bai kamap wanpela tim long SP kap.

"Mathew Minape i no toktok wantaim mi o PNG Nesanel Ragbi Lig (PNGRFL) bod, long kamapim tim insait long SP kap kompetisen.

"Ol manmeri noken tok nat-

ing olsem ol bai putim tim insait long SP kap sapos ol i nogat pawa long mekim," Wade i tok.

"Ol i noken tok nating na ting ol bai go insait tasol long kompetisen.

"I gat ol rot bilong bihainim i stap, em i tok.

Em i tok sapos wanpela man i laik putim tim long SP kap, ol i mas putim aplikesen long PNGRFL bod.

"Long dispela aplikesen ol i mas tok klia olsem ol bai stap insait long kompetisen i nap tripela yia.

"Ol i mas soim tu olsem ol i gat i nap mani long ronim tim insait long dispela tripela yia," Wade i tok.

Wade i tok ol i mas tok klia long ol sponsa bilong ol na tingting bilong ol long ronim tim olsem wanem.

"Mathew Minape i no soim

wanpela kain aplikesen olsem long PNGRFL bod yet."

Minape i mekim dispela tok-tok long opim bilong "Suburb" stet ov orijin long Lord Major oval long Buimo we em i putim K5, 000 na Minape kap trofi.

Long wankain taim em i tok em bai putim k100, 000 long ronim wanpela tim long SP kap.

Minape i tok ol pilaia bilong dispela tim bai kam long Minape kap gem.

Tasol Wade i tok ol pilaia bilong SP kap i no save kam long ol liklik of-sisen gem nabaut.

"Ol pilaia bilong SP kap i save kam long ol lig kompetisen husat i afiliet wantaim PNGRFL.

"PNGRFL i no luksave long Minape kap olsem na ol pilaia bilong ol i no nap stap insait

long SP kap," em i tok.

Wade i tok sapos ol i laik, ol pilaia i mas rejista wantaim ol tim long Lae ragbi lig kompetisen.

"Minape i kirapim bel bilong ol manmeri nating na mekim ol i ting ol bai stap insait long SP kap.

"Pilai bilong SP kap i antap moa long ol liklik of-sisen gem na mi singaut long ol bisnisman long noken mekim ol tok-tok we i no tru'na kirapim bel bilong ol manmeri nating," Wade i tok.


Em i tok klia olsem i gat 9-pela tim insait long 2007 SP kap salens na wanpela nupela tim tasol em Kunjin Eagles bilong Mt Hagen.

Husat i laik save moa i mas toktok wantaim em o siaman bilong PNGRFL Tom Higgins.

### INSAIT

#### PNG anda 15 kriket tim winim bek Esia Pasifik taitol.

Page 31.



#### Gasnier aut long pilai long 6 mun.

Page 31.

## It's Better, It's





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.